

ԼԵԻՈՆ ՄԱՆՈՒԷԼԵԱՆ

13 APR 2011

ՌՈՒՍԵՀՆՑ

ՐԱԿԱՆՈՒԹԵԱՆ

ՊԱՏՄՈՒԹԻՒՆ



Տպարան «ՇԻՐԱԿ» Ալեքսանդրապոլ

1310

(100)

JUN 2013

33738-4
64.469

Тип: «Красное знамя». Моо

Штамп
Сберкасса

Кассир

Композитор

Пронесен



8322-56
(16537-58)

891.99.09

5-27
ly

Ռ Ո Ւ Ս Ս Հ Ա Յ

ԳՐԱԿԱՆՈՒԹԵԱՆ ՊԱՏՄՈՒԹԻՒՆ

XIX Դ.

Ս Ա Ս Ն Ե Ր Ր Ո Ր Դ

III. ԿՈՒՆՏՈՒՐԱԿԱՆ ՆԻՇՃՈՒՄՆԵՐ

ՅԻ ԱԶԳԱՅԻՆ ԻՆՔՆԱՃԱՆԱԶՈՒԹԻՒՆ

Մենք կանգնած ենք 70-ական թվականների փառալուր դարեշրջանի առաջ, որ հայոց կեանքի սակավթիվ օաղիսներից մէկն է կազմում: Բայց նրան հասնելու համար հարկաւոր է անցնել մի տխուր և ամայի անապատ:

1858 թ. սկսած մտաւոր շարժումը կանգ առաւ 1865 թ. Դրա հետ միասին հասարակաց տրամադրութիւնը, որ ծովի մակընթացութեան պէս շարունակ բարձրանում էր, իջաւ, և սկսեց տեղատուութիւն: Այդ տարտամ դրութիւնը տեւեց մինչև 70-ական թվականների սկիզբը:

Փամանակը ազդեց նախ և առաջ մամուլի վրայ: Մէկը միւսի ետեից դադարեցին «Կոունկը» և «Հիւսիսափայլը»: «Մեղու Հայաստանին» թէև 1863 թ. անցաւ Պետրոս Սիմէօնեանի ձեռքը, բայց շարունակում էր իր հին ուղղութիւնը և, յամենայն դէպս, անկարող էր նոր հոսանք մտցնել կեանքի մէջ: Մտերեանների «Ճոպաղը» և «Համբաւաբեր Ռուսիոյ»

մի քանի տարի՝ ապրելով՝ ընդհատեցին իրանց գոյութիւնը: Նոյն վիճակին հասաւ և «Մասեաց Աղաւնին»:

Իսողաբած լրագիրները տեղը գրաւեցին «Հայկական Աշխարհ», «Գարուն» և «Վաճառական»: Վերջին երկուսը աննշան օրգաններ էին և կարճատև կեանք ունեցան:

Ասպարիզի վրայ քիչ թէ շատ աչքի ընկնող դեր կատարում էին «Մեղու Հայաստանին» և «Հայկական Աշխարհը»:

«Հայկ. Աշխ.»

«Հայկական Աշխարհի» ղեկավարն էր Ստեփաննոս Ստեփանէ, որ օժտւած էր բարձրագոյն կրթութեամբ, տաք խառնւածքի տէր և ապագայում պերճախօս քարոզիչ էր: Յետոյ նա դարձաւ կրօնաւոր և աստիճանաբար բարձրանալով՝ հասաւ եպիսկոպոսական աստիճանին: Չանազան թեմերում վարում էր հոգևոր պաշտօններ (Թիֆլ., Բագու, Շուշի, Գանձակ). գործում էր և մանկավարժական ասպարիզում (Թիֆլիսում առաջին օրիորդաց դպրոցի հիմնադիր, ձեմարանում ուսուցիչ): Միևնոյն ժամանակ Ստեփանէի աստանդական կեանքին ուղեկցում էր նրա փայփայած «Հայկական Աշխարհը», որ նա հիմնեց Թիֆլիսում 1864 թ., ցանկանալով նրան դարձնել մի տեսակ շարունակութիւն «Կոունկ» ամսագրի: Այդ օրգանը ընդհատուիներով ապրեց մինչև 1878 թ.:

Խորէն Ստեփանէն խկապէս շատ բան չունէր ասելու, չնայած նրա յայտարարութեան, թէ «Հայկ. Աշխարհը», ինարկէ, կարող չէ բաւականանալ նրանով («այնով»), ինչ որ կատարեց «Հիւսիսափայլը»: Նա չունէր Նագարեանի ուժեղ տաղանդը, որ կարողանար նրա գործը նոյն յաջողութեամբ շարունակել: Նախ՝ վերին աստիճանի աններողամիտ էր դէպի հաւաակորդների կարծիքները, մանաւանդ դէպի «Մե-

ղու Հայաստանի» խմբագիրը և դէպի նրա աշխատակիցները, որոնց մասին նա չէր կարող խօսել առանց վրդովման և վիրաւորանքի: Ստեփանէն չունէր և գեղեցիկ, կանոնաւոր լեզու և ոճ: Իսկ ուղղագրութեան մէջ մտցրել էր քմահաճ կանոններ, օր. ա-ից յետոյ գրել վ, յոգնակի—լ, և այլն: Սհա մի նմուշ նրա լեզւի. «Պ. Միմէօնեան, հասկացէք վերջապէս, որ դա չէ ըէզակտօրութիւն, հարկավոր է ուղղութիւն մի, բարի նպատակ մի ունենալ, համոզմունք կամ բարի սկիզբնէր (principes) և աշխատելու է սիրել տալ ընթերցողին այդ սկիզբնէր»:

Ստեփանէին պակասում էր և քննադատական հոտառութիւն և ճաշակ: Իս երևում է, օրինակ, այն կարծիքից, որ նա յայանում է Սունդուկեանի «Խաթաբալայի» մասին: «Այս պիէսը,—գրում նա «Կոյրի զաւակի» ներկայացման առիթով,—բաւական ընդունելութիւն գտաւ, աւելի, քան թէ «Նինօի նշընւիլը», «Խաթաբալա» և սոցա նման բազարային գրւածները»: Բազարային նա համարում է Սունդուկեանի և Մ. Տէր-Գրիգորեանի գրւածքները: Մանաւանդ պարսաւում է վերջինիս, որ նա թոյլ է տւել բեմի վրայ արտասանել այնպիսի գոեհիկ խօսքեր, ինչպէս «աւանակ», «ախմախ» և այլն:

Իր օրգանի մէջ նա գետեղում էր և ոտանաւորներ՝ Արսէն Բագրատունի ստորագրութեամբ, բայց նրանց մէջ չկար ոչինչ բանաստեղծական:

Չնայած այս բոլոր թերութիւններին, «Հայկ. Աշխարհը» զուրկ չէր և արժանաւորութիւններից: Նա աւելի առաջադէմ օրգան էր, քան թէ «Մեղուն», աւելի մարտնչող և հակւած դէպի եւրոպական լուսաւորութիւն: Ստեփանէն իր գրական և մանկավարժական թերթի նպատակը համարում էր՝ տարածել

հայերի մէջ ընթերցանութիւն, ուսում և գիտութիւն: «Հայկ. Աշխարհը» միւսնոյն ժամանակ բաւականին կենդանի օրգան էր, և նրա մէջ արձագանք էր գրտնում հայ իրականութիւնը: Խմբագիրը հետևում էր ժամանակակից կեանքի երևոյթներին և տպում էր զանազան տեղեկութիւններ, որոնք վերաբերում էին թատրոնին, գրականութեան, մանկավարժական խնդիրներին, գաղտնական կեանքին և այլն: Այստեղ կարելի էր գտնել բաւական տեղեկութիւններ նաև թիւրքահայերի և պարսկահայերի կեանքից: Այդ բոլորը նա գետեղում էր «Մեր ներքին գործեր» վերնագրի տակ՝ Հայասէր ստորագրութեամբ: Անտես չէին առնւում նոյնպէս Եւրոպայում տեղի ունեցած աչքի ընկնող երևոյթները:

«Հայկական Աշխարհին» աւելի հետաքրքրութիւն էին ներշնչում Գր. Արծրունու ուսանողական յօդւածները, որ նա ուղարկում էր արտասահմանից, օր. «Աշխատանք», «Ի՞նչ է կնամարդ», «Գրականութիւն չկայ»:

Այսպէս էր մամուլը:

Աննախանձելի պատկեր էր ներկայացնում և գեղարւեստական գրականութիւնը: Ասպարիզից հեռացել էին բոլոր յայտնի գրողները՝ Նազարեան, Նալբանդեան, Պատկանեան և Շահազիզ: Հայկական մուսան տարիների ընթացքում մի հատ աչքի ընկնող բանաստեղծական գործ չարտագրեց: Թատրոնը չունէր իր նախկին հրապոյրը, ներկայացումները կորցրել էին գրաւելութիւն: Միայն Սունդուկեանն էր, որ իր աշխոյժ պիէսներով երբեմն կենդանութիւն էր տալիս հայոց թատրոնին:

Այս տարտամ դրութիւնն, իհարկէ, առանց պատճառի չէր:

Նախ՝ այն օրէնքը, որ կրկնւում է իւրաքանչիւր ազգի կուլտուրական կեանքում: Ինչպէս անհատի հոգեկան տրամադրութիւնը երկար ժամանակ կարող չէ մնալ միւսնոյն աստիճանի վրայ, այլ շարունակ ենթարկւում է յեղյեղման, մերթ բարձրանում է, մերթ իջնում է, նոյնը տեղի է ունենում և ազգերի կեանքում: Վերածնութեան շրջանում հայ գործիչների արդիւնաբերող ոյժերը չափազանց լարւած էին: Այդ լարւած դրութիւնը տեեց եօթ-ութ տարի, որի ընթացքում մի գրական գործ արդէն կատարւած էր. գրան հետեց մտադադար, յոգնածութիւն:

Այստեղ նշանակութիւն ունէր և մի հանգամանք: Մեր վերածնութիւնն ինքն ըստ ինքեան քարոզչական բնոյթ ունէր. քարոզում էր հրապարակախօսը, քարոզում էր բանաստեղծը: Մի քանի տարի շարունակ ծեծւում էին լուսաւորութեան շուրջը պտտող հարցեր: Ընթերցողների այն մասը, որոնք ընդունակ էին սեփականելու այդ գաղափարները, արդէն իւրացրել էին, և այնուհետև կրկնել միշտ միևնոյնը՝ ուսում և ուսում՝ բոլորովին աւելորդ էր: Վերածնութեան գործիչներից շատերը կամ սպառւած էին կամ առայժմ ոչինչ չունէին ասելու: Նազարեանը «Հիւսիսափայլից» յետոյ գրեթէ ոչինչ չգրեց, և նրա փափազը՝ նոր լրագիր («Լապտեր») հրատարակել— չիրականացաւ: Նալբանդեանը հանգչում էր գերեզմանում: Պատկանեանը երկար տարիներ չհրնչեցրեց իր քնարը: Շահազիզեանի «մուսան մեռաւ» արդէն 1864 թ. յետոյ: Իսկ Պռօշեանը մի «Սօս և Վարդիթեր տալուց յետոյ տաան և հինգ տարի Զաքարիայի լուութիւն պահպանեց:

Ժամանակը փոխւել էր, ժամանակը պահանջում էր ոչ թէ քարոզներ, այլ գործ: Այժմ հարկաւոր էր

իրականացնել այն գաղափարները, որոնց արծարծում էին վերածնութեան ռահվիրաները:

Եւ յիրաւի. ամայութեան տարիներում այդ գաղափարները սկսում են իրագործւել:

Պարբերական թերթերի, գրականութեան, թատրոնի նախկին ղեկավարները այժմ սկսել էին առաջ տանել այն գործը, որ ամենից կարեւոր էին համարում ազգի լուսաւորութեան համար: Նազարեան և Շահազիզեան նւիրւել էին մանկավարժութեան Լազարեան ճեմարանում: Պատկանեանը Նոր Նախիջևանում ուսում և կրթութիւն էր տարածում: Պոօշեանը թափառում էր հայաբնակ գաւառներում և ամեն տեղ հիմնում էր դպրոցներ: Միկնոյն ժամանակ Մատթէոս կաթողիկոսի ջանքերով և ժողովրդի աջակցութեամբ շատ տեղերում բացւում էին ուսումնարաններ: Հայ աղջիկները կրթութիւնը նոյնպէս անհրաժեշտ պահանջ էր դառնում, և հիմնւում էին նաև օրիորդաց վարժարաններ: Միաժամանակ դպրոցներին կից կամ անկախ բացւում էին գրադարան-ընթերցարաններ:

Այսպէս ուրեմն, թէև այս ամուլ տարիներում ոչ մի ասպարիզում կենդանութիւն չկար, մամուլը իջել էր իր պատշաճ բարձրութիւնից, բանաստեղծները լուել էին և թատրոնը կորցրել էր իր կենսունակութիւնը,—այնուամենայնիւ այդ լուռ ամայութեան մէջ մի գեղեցիկ գործ էր կատարւում,—զըրւում էր ժողովրդի լուսաւորութեան հիմնաքարը:

ԴԱՐԵՇՐՁԱՆԻ ԷՌԻԹԻՒՆԸ

1872 թ. նորից սկսւում է մտաւոր շարժում, որ անմիջապէս կապւած էր «Մշակի» հետ:

Հրապարակախօսութիւնը դառնում է քաղաքակրթութիւն տարածելու զօրաւոր միջոց: Օրագրութեան նշանակութիւնը, որ վերջէն տարիները այնքան ընկել էր, այժմ հասնում է իր արժանի բարձրութեան, և կուլտուրական նւաճումները աւելի խոր են թափանցում ժողովրդի խաւերի մէջ: 60-ական թւականների կենտրոնակ ոյժերը կրկին ասպարէզ են գալիս, և հայոց գրական հորիզոնում երևում են նոր լուսատուներ: Սկսում է բարգաւաճել վէպը, և ըստեղծւում է գեղեցիկ վիպական լեզու:

70-ական թւականների նշանաւոր երևոյթներից մէկն էլ այն էր, որ պատմական հանգամանքների շնորհիւ ծնունդ աւաւ հայոց հարցը, և դա մեծ զարկ տւեց հայոց ազգային ինքնաճանաչութեան:

Միկնոյն ժամանակ ասպարէզ է գալիս մի երիտասարդ սերունդ, որ ներշնչւելով ազատամիտ գաղափարներով՝ ձգտում է դառնալ հայի կեանքում մի նոր կուլտուրական ոյժ, և միւս կողմից՝ կազմակերպւում է պահպանողական կուսակցութիւն, և այսպիսով մեր մտաւոր կեանքում սկսում են իրար հետ մրցել երկու հակառակ հոսանքներ:

Դարագլխի տաղանդաւոր արտայայտիչն էր հրապարակախօսութեան մէջ Գր. Արծրունին, իսկ գեղարեւոտական գրականութեան մէջ՝ Բաֆֆին:



Ա Ր Ժ Ր Ո Ւ Ն Ի

I. Մ Ա Մ Ո Ւ Ն

Արժրունու կեանքը.

Արժրունիները իրանց համարում էին Արժրունեաց իշխանական տոհմի շառաւիղ: Գրիգոր Արժրունու պապը, Գէորգ աղան, վանեցի գաղթական էր և հաստատուել էր Թիֆլիսում XVIII դ. սկզբում: Ներսէս Աշտարակեցու առաջնորդութեան օրով Գէորգ աղան նրա ամենամօտ անձերից մէկն էր և շերմ մասնակցութիւն էր ցոյց տալիս նրա շինարար գործունէութեան մէջ: Նա ապացուցեց իր ազգասիրութիւնը մի գեղեցիկ գործով: Ամստերգամ քաղաքում

գնելով հայոց տառերի մայրերը՝ բերում է Թիֆլիս, հիմնում է հայոց տպարան և նւիրում նորաբաց Ներսիսեան գալրօցին: Նա հմուտ էր և հայկաբանութեան մէջ, որի ապացոյցը՝ նրա մի աշխատութիւնը «Դաստան խրատուց» վերնագրով, որ նա տպեց իր հիմնած տպարանում:

Արժրունու հայրը՝ Երեմեան ստացել էր զինուորական կրթութիւն, ունէր գեներալի աստիճան, քաղաքում վայելում էր բարձր զիրք, և նրանից ամենքը ակնածում էին: Յայտնի էր իր խստաբարոյ վարքով, վերին աստիճանի հպարտ, ինքնասած, անմատչելի մարդ էր:

Գրիգոր Արժրունին ծնւել է 1845 թ. Մօսկալում: Տասը տարեկան զրկւելով մօրից, իր եղբայր Անդրէասի հետ մեծացաւ հօր ձեռքի տակ: Երեմեան 1855 թ. իր զաւակների հետ ճանապարհորդեց Եւրոպա և երկու տարուց յետոյ վերադարձաւ հայրենիք: Արժրունին իր միջնակարգ կրթութիւնը ստացել է Թիֆլիսում: Հայրը ոչինչ չէր խնայում իր զաւակների կրթութեան համար: Նրանց հետ պարապում էին գիմնազիայի ընտիր ուսուցիչները, իսկ հայերէն ասանդում էր Պետրոս Սիմէօսեանը: Գեներալ Երեմեան պահանջում էր խիստ կարգապահութիւն. նրա յարաբերութիւնները պաշտօնական բնոյթ ունէին, որի շնորհիւ մօրից որբացած մանուկները անշուշտ ծնողական սիրոյ և գուրգուրանքի կարօտ էին զգում:

Արժրունին իր եղբօր հետ օրերն անց էին կացնում մեծ մասամբ հայրենական մեծ, գեղեցիկ պարտիզում, ուր միշտ լինում էր և գեներալ Երեմեան: Նրանց կղզիացած կեանքի մէջ փոփոխութիւն էր

մանում այն օրերում, երբ նրանց մօտ գալիս էին խաղալու ընկերակից մանուկները:

Արժրունու ընտանիքում տիբապետում էր ուսերէն և ֆրանսերէն լեզուն: Մինչև ասաներկու տարեկան հասակը Արժրունին գրեթէ չգիտէր իր մայրենի լեզուն: Առճասարակ նրա կրթութիւնը ազգային ոգով չէր կատարուում, և նա մինչև Պետերբուրգ գնալը մի տեսակ խորթութիւն էր զգում դէպի հայր:

1863 թ. աւարտեց գիմնազիան և մտաւ Մօսկւայի համալսարանի բնագիտական ֆակուլտետը, իսկ հետեւեալ տարին փոխադրեց Պետերբուրգի համալսարանի միկնոյն ճիւղը: Ահա այստեղ էր, որ Արժրունու մէջ տեղի ունեցաւ յեղաշրջում, և նախկին հայատեացը դարձաւ ազգասէր: Այդ վերածնութեան համար նա պարտական էր այն մտերմական ժողովներին, որոնք տեղի էին ունենում Կ. Նզեանի տանը, ուր հայ ուսանողները սիրալիր ընդունելութիւն էին գտնում և ընթերցանութեան ու տաք վիճարանութիւնների մէջ անց էին կացնում մի քանի ուրախ ժամեր:

Արժրունին, իր ընդունակութեան շնորհիւ, շուտով իւրացրեց մայրենի լեզուն, և արդէն 1865 թ. գրեց իր առաջին հայերէն յօդւածը, որի վերնագիրն էր «Բնական գիտութիւնների նշանակութիւնը դաստիարակութեան մէջ»: Յօդւածը տպւեց «Մեղու Հայաստանի» լրագրում: Այնուհետև նա շարունակ գրում էր յօդւածներ, որոնք տպւում էին «Հայկ. Աշխարհի» և «Մեղուի» մէջ:

Հիւանդութեան պատճառով Արժրունին թողեց Պետերբուրգը և, բժիշկների խորհրդով, մի քանի ժամանակ ապրեց Փրանսիայի Նիցցա քաղաքում, ուր նրա առողջութիւնը վերականգնեց: Այնուհետև նա

ամբողջովին նւիրւում է գիտութեան: Ուսումնասիրում էր գլխաւորապէս քաղաքաանտեսական գիտութիւններ: 1867 թ. նա արդէն Հէյդլբերգի համալսարանի ուսանող էր. աւարտեց 1869 թ. փիլիսոփայութեան դոկտորի աստիճանով: Արժրունին, իբրև ազատ ունկնդիր, լսում էր նաև նշանաւոր պրօֆեսորների դասախօսութիւնները գանազան համալսարաններում՝ Յիւրբիխի, Ժընեի, Պարիզի և Վիէննայի: Միևնոյն ժամանակ նա սովորում էր հայոց լեզու նախ Վիէննայի միլիթարեանների մօտ և ապա Վենետիկում՝ հայր Կիւրեղեանի ձեռքի տակ: Օժտւած բազմակողմանի գիտութեամբ և գործունէութեան ծարաւի, Արժրունին շտապում է դէպի հայրենիք, և 1871 թ. նա արդէն Թիֆլիսում է:

Դեռ ևս արտասահմանում նա յղացել էր հրապարակախօսական օրգան հիմնելու միտքը: Տեղ հասնելուն պէս՝ նրա առաջին հոգսը եղաւ ձեռք բերել շուտով լրագրի թոյլտուութիւնը: Մինչև թոյլտուութիւն ստանալը նա պարապ նստած չէր. յօդւածներ էր գրում ուսուց և հայոց լրագիրներում և «Մշակի» մասին խորհրդակցելու համար հրաւիրում էր բազմամարդ ժողովներ:

1871 թ. վերջում «Մեղու Հայաստանի» լրագրում տպւեց «Մշակի» յայտարարութիւնը, և 1872 թ. Յունւարի 1-ին լոյս տեսաւ № 1:

Սկզբում «Մշակը» շաբաթաթերթ էր. 1876 թ. լոյս էր տեսնում երկու անգամ. 1878 թ. դարձաւ ամենօրեայ (հինգ անգամ):

Արժրունին իր «Մշակը» պատուով հասցրեց մինչև 1884 թ. Այդ տարին ճակատագրական էր թէ «Մշակի» և թէ նրա խմբագրի համար: Արժրունու գալերէա կոչւած ընդարձակ ապարանքը իր բազմաթիւ խա-

նութներով, թատրոնական շէնքով և պարտիզով պարտքի տեղ աճուրդի հանւեց և մնաց Վրաց Ազնականների բանկի վրայ: Մի կողմից այդ մեծ կորուստը, միւս կողմից նիւթական օժանդակութիւնից զրկւելը ստիպեցին Արծրունուն առ ժամանակ դադարեցնել լրագիրը: Այնուհետև նա ապրում էր Շւէյցարիայում: Միայն 1886 թ. հնարաւոր եղաւ վերսկսել «Մշակը», որի հրատարակութիւնը ընդհատւեց 1892 թ. վերջում Արծրունու մահով, դեկտ. 19-ին:

Թաղման առթիւ «Մուրճի» խմբագիրը զրեց հետևեալ տողերը. «Թաղումը կատարւեց դեկտ. 27-ին, կիրակէ օր, մեզանում չեղած փառահեղութեամբ. պսակների թիւը 300-ից անց էր, որ կրում էին ութ դիակառք. յուղակաւորութեան մասնակցեց մի բազմութիւն, որ մեծ փողոցներում հասաւ մի քանի տասնեակ հազար հոգու, որոնց մէջ բազմաթիւ պատգամաւորներ կային ուրիշ քաղաքներից: Ճառախօսների թիւն էր Վանքի Մայր եկեղեցում երկու, Խօջիվանքի գերեզմանատանը տասնեակնգ հոգի, չը հաշւելով մի տասնեակ ուրիշներին, որոնց հերթ չհասաւ: Ճառախօսների թւումն էր նաև ամսագրիս խմբագիրը»:

«Մ շ ա կ»

Արծրունին ասպարէզ եկաւ լուրջ նախապատրաստութեամբ: Նրա ընտանեկան և միջնակարգ կրթութիւնը զրւած էր լաւագոյն պայմանների մէջ: Այնուհետև նա կատարելագործւեց եւրոպական համալսարաններում, լսելով հռչակաւոր պրօֆեսորների դասախօսութիւնները: Տիրապետելով ուսուսաց, գեր-

մանական, ֆրանսերէն լեզուներին, նա հնարաւորութիւն ունեցաւ մօտիկից ծանօթանալու ուսուսաց և եւրոպական հարուստ գրականութեան հետ: Աւարտելուց յետոյ ևս Արծրունին շարունակ հետևում էր եւրոպայի քաղաքական-գրական կեանքին: Այս մտաւոր հարուստ պաշարի հետ նա միացրել էր երկաթէ կամք: աննկուն ոգի և հաստատամտութիւն, յատկութիւններ, որ նա ժառանգաբար ստացել էր հօրից և որոնք անհրաժեշտ էին Արծրունու նման մարտնչողի համար:

Դեռ ևս «Մշակի» հրատարակութիւնից առաջ, եօթ տարւայ ժամանակամիջոցում, նա ձեռք էր բերել բաւականաչափ հմտութիւն հրապարակախօսութեան մէջ, աշխատակցելով հայոց և օտար լրագիրներին: Արտասահմանում գրած մի շարք յօդւածները ցոյց են տալիս, թէ դեռ այն ժամանակ որքան լուրջ խնդիրներ էին զբաղեցնում երիտասարդ ուսանողին: Նրանց մէջ արդէն նշմարւում էր ազազայ մարտնչողի յարձակողական վերաբերմունքը դէպի ժամանակակից հայ իրականութիւնը և միևնոյն ժամանակ եւրոպական հեղինակների ազդեցութիւնը հայ երիտասարդի վրայ:

Նախորդ շրջանում արդէն մի դրական գործ կատարւած էր: Հրապարակի վրայ զրւած էին և մեծ մասամբ վճռած գանազան կարևոր խնդիրներ, որոնք վերաբերում էին աշխարհիկ լեզւին, ազգի կրթութեան, եկեղեցուն և այլն: Արծրունին կոչւած էր՝ մի կողմից՝ շարունակելու «Հիւսիսափայլի» սկսած գործը. նրա գերը պիտի կայանար լուսաւորութեան գաղափարները սահմանափակ շրջանից անց կացնել դէպի ժողովրդական լայն խաւերը, ուր տակաւին իշխում էր ագիտութիւն և խաւար: Միւս կողմից՝

հարկաւոր էր հրապարակ հանել բազմաթիւ նոր, կենսական խնդիրներ, որոնք նախկին շրջանում բաւականաչափ շեշտած չէին կամ թողած էին անուշազիր, օրինակ, ժողովրդի տնտեսական վիճակը և դրա հետ կապած ուրիշ խնդիրներ:

«Մշակի» ամենակարևոր բաժինը կազմում էին առաջնորդողները, որոնց մէջ արտայայտւում էր Արծրունու ամբողջ աշխարհայեացքը և միաժամանակ նրա հրապարակախօսական ուժեղ տաղանդը: Առաջնորդողները նա վարում էր վարպետօրէն:

Յիրաւի, նրա լեզուն աղքատ էր բառերով և նուրբ դարձածներով, նա յաճախ դիմում էր օտար բառերի օգնութեան, երբ նոյն իսկ կարիք էլ չէր լինում, բայց նա ունէր մի արժանիք—մտքերը արտայայտել պարզ և մատչելի խօսքերով:

Արծրունու առաջնորդողները աչքի էին ընկնում իրանց անսովոր վերնագիրներով, օրինակ. «Նրեկ, այսօր և էգուց», «Դուք և մենք», «Մտրակով չը խփես, բան չի դուրս գայ», «Նրիտասարդներին խորատ»: Նա ունէր գրելու իր ուրոյն, գուտ Արծրունական ձևերը՝ կարճ նախադասութիւններ, մտքերի արտայայտութեան մէջ խիստ արամբանական հետևողութիւն և իր ասածի էական կէտերը շեշտել կրկնութիւններով:

Արծրունին իրրև հրապարակախօս.

Արծրունու ամբողջ հրապարակախօսական գործունէութեան մէջ խստիւ որոշում են երկու տարբեր ուղղութիւններ՝ բացասական-քննադատական և ստեղծագործական: Առաջինը աւելի տիրապետող էր:

Այդ ուղղութիւնները մեզ համար կը պարզեն, երբ մենք հետզհետէ կժանօթանանք Արծրունու հայեացքների հետ և կտեսնենք, թէ ի՞նչ էր նա քանդում, իբրև իր դարն անցկացրած հնութիւն, և ի՞նչ էր կառուցանում դրա փոխարէն:

Նախ և առաջ Արծրունին աշխարհի քաղաքացի կօմօպօէ: Չկայ նրա համար աւելի նւիրական, աւելի սուրբ լիտիզմ. գազափար, քան թէ մարդկութիւնը: Բայց նա համոզւած է, որ մարդկութեան կարելի է ծառայել ծառայելով միայն այն ազգին կամ այն հասարակութեան, որի անդամն ենք: Արծրունու հակառակորդները նրա մէջ ազգասիրութիւն չէին տեսնում, ուստի նրան անւանում էին կօմօպօլիտ: Իսկ նա դրում է իր «կօմօպօլիտութիւն» վերնագրով յօդւածը, որի մէջ բացատրում է այդ բառի իմաստը և ապացուցում է, որ նրանք լաւ չեն հասկացել այդ բառը: Նա ասում է, որ ճշմարիտ կօմօպօլիտը ունի աչքի առաջ ամբողջ մարդկութեան երջանկութիւնը, բայց նոյն իսկ այդ պատճառով երբէք չէ կարող արհամարհել ազգութիւնը: Իւրաքանչիւր անհատ պէտք է իր բոլոր ոյժերը նւիրէ իր ազգի բարօրութեան, որովհետև ազգութիւնը ամբողջ մարդկութեան կազմւածքի մի մասն է: «Օգնել մի ազգութեան, ծառայել մէկին—նշանակում է օգնել և ծառայել ամբողջ մարդկութեանը»:

Մրանից հետևում է, որ ազգին ծառայելու համար անհրաժեշտ է իմանալ նրա լեզուն, որովհետև «լեզուն հետևանք է բարոյական առանձնայատկութիւնների, որոնք իրանց կողմից կախւած են մարմնի, տիպի, կազմւածքի յատկութիւններից»: Մայրենի լեզուն թանկ է մեզ համար ոչ միայն այն պատ-

8322-58 / 16537-58



ճառով, որ մեր ազգը սիրելի է մեզ համար, այլ գլխաւորապէս այն պատճառով, որ նա բոլոր ուրիշ լեզուներէն ամենից յարմարն է մեր ուղեղի մտաւոր աշխատանքի համար: Մայրենի լեզուով աւելի զիւրին է արտայայտել իր սեփական մտքերը, քան թէ օտար լեզուով: Հիմնւելով գիտնական Կարլ Փօխտի կարծիքներէ վրայ, Արծրունին ասում է. «Հագիւ է պատահում, որ մարդը օտար լեզուի միջոցով արդիւնաբերէ մի խնդրոյ միտք»: Եթէ ֆրանսիացին չիմանայ ֆրանսերէն, ոուսը ոուսաց լեզուն, իսկ հայը հայերէն, այն ժամանակ ֆրանսիացին կատարեալ ֆրանսիացի չէ, ոուսը կատարեալ ոուս չէ, հայը կատարեալ հայ չէ: Արծրունու կարծիքով, լեզուի նշանակութիւնը կայանում է միայն նրանում, որ հանդիսանում է իբրև ամենազօրեղ միջոց մարդկային մտքերի փոխանակութեան («Լեզու և կեանք»): Գալով հայոց լեզւին, Արծրունին ցանկալի չէ համարում, որ նա բաժանուել է արևելեան և արևմտեան ճիւղերի: Այդ բաժանումը նա համարում է ազգի քաղաքական բաժանման դժբախտ հետևանք:

Հայերի դերը Փոքր-Ասիայում. Արծրունին, Նազարեանի նման, մեծ դեր էր յատկացնում հայերին Ասիայի կուլտուրական գործում: «Քրիստոնէութիւն և մահմեդականութիւն» վերնագրով առաջնորդողում նա գրում է. «Հայերը կարող էին Ռուսաստանի համար ամենահաւատարիմ միջնորդ լինել, նպաստելով այդ պետութեան նպատակներին և կոչման՝ տարածել և մտցնել Փոքր Ասիայում Աւետարանի և եւրոպական կրթութեան լոյսը, ուրեմն և ընդհանուր մարդկային քաղաքակրթութիւն»: Մի այլ յօդուածում («Հայոց լեզուի դերը Փոքր Ասիայում») Արծրունին հայոց լեզուն համարում է գեղեցիկ միջոց քաղաքակրթութիւն տարածելու

Փոքր Ասիայում, և ապա աւելացնում է. «Չմոռանանք, որ հայերի կոչումն է ամբողջ Փոքր Ասիան քաղաքակրթել»:

Կրօնական խնդիրներում Արծրունին համամիտ Կրօնական էր Նազարեանի հետ: Նա ևս կրօնը համարում է մի խնդիրներ վարդապետութիւն, որի հիմքը կազմում է սէր, հաւասարութիւն և մարդու անհատական իրաւունքը: Նշանակութիւն չտալով արտաքին ծէսերին, նա կոչ է անում հայերին վերադառնալ մաքուր, սկզբնական Հուսաւորչի եկեղեցուն («Վերադառնանք»): Մի այլ յօդուածում («Կրօն և ազգութիւն») Արծրունին ազգութիւնը բաժանում է կրօնից: Հայ լուսաւորչականը, հայ կաթողիկը, հայ բողոքականը—բոլորը հայեր են: Հայը, կրօնը փոխելով, մնում է գարձեալ հայ և պահում է իր ազգային յատկութիւնը, լեզուն և սովորութիւնները: Արծրունին դատապարտում էր կրօնամոլ հայերին, որոնք դառնալով կաթողիկ, իրանց անւանում են «ֆրանկ» և խորշում են հայութիւնից, դատապարտում էր և նրանց, որոնք բողոքականութիւն ընդունելով՝ իրանց անւանում են «լութերական»: Նա անխնայ յարձակում էր միսիօնարների վրայ, որոնք քրիստոնէական լոյս սփռելու պատրուկով մտնում են ժողովրդի մէջ, սերմանում են չար որոմներ և պառակտման պատճառ են դառնում: Արծրունին, Նազարեանի և Նալբանդեանի նման, հայ հոգևորականներին էր համարում մեղաւոր, որ «եկեղեցուց անդադար անջատում և թշնամանում են մեր եղբայրները՝ մինը բողոքական դառնում, միւսը՝ կաթողիկ»: Մի առաջնորդողում («Հոգևորականութիւն և ժողովուրդ») Արծրունին մեծ գայրոյթով է խօսում հոգևոր պաշտօնեաների բարք ու վարքի մասին և մերկացնում է նրանց արարքները. «Ժողովրդի

փողերը վասնող, խռովութիւն սերմանող, պաշտօն-
ների հետևող, անշարժ ու տգէտ, լուսաւորութեան
ընդդիմադրող, կաշառակեր, ..» Արծրունին, իր նա-
խորդ հրապարակախօսների պէս, պահանջում է բա-
րեփոխութիւն՝ եկեղեցու և հոգևոր գասի: Որպէս զի
ժողովուրդը կարողանայ աւելի լաւ բմբունել քրիստո-
նէութեան բուն իմաստը, նա առաջարկում էր Աւե-
սարանը թարգմանել աշխարհաբար: Նա չէր ընդու-
նում կուսակրօնութիւն՝ իբրև հակառակ բնութեան
օրէնքին և յորդորում էր արեղաներին դուրս գալ
խցերից դէպի լոյս աշխարհ, մտնել ժողովրդի մէջ,
ժողովրդի հետ միասին ապրել, ուրախանալ և տրբո-
մել: Կրթւած հոգևորականներ պատրաստելու համար
Արծրունին անհրաժեշտ էր համարում հիմնել միջնա-
կարգ դպրոցներ, իսկ հանրակրթական առարկաների
թւում մտցնել և այնպիսիները, որոնք նպաստում են
ժողովրդի անտեսական վիճակի բարւոքման՝ գիւղա-
անտեսութիւն, առողջաբանութիւն և արհեստ: Այդ-
պիսի ուսումնարանից դուրս եկած հոգևորականը կամ
վարժապետը չի խորշի գիւղից, այլ կապրէ գիւղա-
ցիների հետ, բնութեան մօտ. իր սեփական օրինա-
կով և խորհուրդներով աւելի արդիւնաւոր կդարձնէ
երկրագործի աշխատանքը և երկրի պաղաբերու-
թիւնը:

Կրթական Արծրունին յաճախ կանգ էր առնում ժողովրդի
խնդիրներ կրթութեան վերաբերեալ խնդիրների վրայ: Ներկա-
յայնելով գաւառական ուսումնարանների ախուր
պատկերը, նրանց մէջ տիրող հին, փտած, միջնա-
դարեան կարգերը, դրա հետ միասին և ժողովրդի
աղքատութեան և տգիտութեան աստիճանը, Արծրու-
նին սուրբ պարտականութիւն է դնում երիտասար-
դութեան վրայ գնալ գաւառը և խուլ ու խաւար

անկիւններում ուսում և լոյս տարածել:

Պատրաստւած վարժապետներ ունենալու համար
Արծրունին անհրաժեշտ էր համարում հիմնել ուսուց-
չանոցներ: Այդ ժամանակ հրապարակի վրայ դրած
էր ձեւարանի խնդիրը: Արծրունին հակառակ էր, որ
ձեւարանը դառնայ բարձր աստւածաբանական ակա-
դեմիա, որպիսի մտադրութիւն կար էջմիածնում:
Այդ խնդրին նա նւիրում է երկու յօդւած՝ «Այո կամ
ոչ», «Գիւղական քահանայ»: Նա աշխատում է ապա-
ցուցել, որ մեզ բարձր աստւածաբանական ակադե-
միա հարկաւոր չէ, որովհետև բարձր աստւածաբա-
նական ուսում ստացողը ժողովրդի պահանջին կարող
չէ բաւականութիւն տալ. այդ կարող է անել միայն
նա, ով աւարտել է վերոյիշեալ ուսուցչանոցում,
այսինքն, սովորել է գիւղատնտեսութիւն և արհեստ:

Արծրունին ջերմ պաշտպան էր կանանց էման- կանանց
սիպացիայի—կանանց իրաւունքներէ և հաւասարու- խնդր-
թեան, որ արդէն վայելում էին կանայք Եւրոպայում
և Ամերիկայում: Բարձրագոյն ուսում, աշխատանք,
բարոյական անկախութիւն—պիտի դառնան նաև կա-
նանց սեփականութիւն: Նրանց առաջ պիտի բացեն
գործունէութեան լայն ասպարէզներ: Պօսելով մաս-
նաւորապէս հայ կնոջ մասին, Արծրունին չափազանց
յուրտես կարծիքներ է յայտնում: Հայ աղջիկը իր
ընտանիքում ստրուկ է, կրթութիւնից զուրկ. ուստի
դառնալով մայր՝ նա չէ կարող կրթել իր դաւակնե-
րին. կրթել կարող է միայն կրթւած մայրը: Արծրու-
նին որոշում է երկու տեսակ ընտանիք: Մէկը նահա-
պետական, որը թէև սիրում է ազգը և մնում է նը-
րան հաւատարիմ, բայց այդ բոլորը անգիտակցական
է. կան և այնպիսի ընտանիքներ, որտեղ ամուսիննե-
րը անտարբեր են դէպի հայրենակիցների մտաւոր և

նիւթական կեանքը, դէպի լեզուն և գրականութիւնը կամ նոյն իսկ արհարմարհում են իբանց ազգութիւնը: Կանանց անտարբերութիւնը դէպի ազգը ունի իր լուրջ պատճառները: Հայ աղջիկը կիսակիրթ է, այնքան զարգացած չէ, որ համոզւի, թէ «ամեն մի մարդ պէտք է սիրէ իր ազգը և օգնէ նրան կարողութեան չափ, որովհետև այդ օգտաւէտ է ամբողջ մարդկութեան»: Այս մտքերը Արծրունին յայտնում է մի առաջնորդողում, որի վերնագիրն է՝ «Ինչի՞ մեր օրիորդները հեռու են հայութիւնից»: Հայ օրիորդների կրթութիւնը բարձրացնելու համար հարկաւոր է հիմնել բարեկարգ ուսումնարաններ, ուր մայրենի լեզուն իր պատշաճ տեղը պիտի ունենայ: Արծրունին օգտակար էր համարում երկսեռ դպրոցներ, ուր տղայք ու աղջկերք սովորում են միասին:

Քաղաքակրթիչ գործօններ

Ազգի առաջադիմութեան գործում մեծ դեր են կատարում օրագրութիւնը, զրադարան-ընթերցարաններ, թատրոն, դասախօսութիւններ և այլն: Արծրունին յաճախ զբաղւում էր այդ խնդիրներով: Մի առաջնորդողում («Օրագրութեան նշանակութիւնը») նա յայտնում է հետևեալ կարծիքները: Խմբագիրը չպէտք է բաւականանայ իր ձեռք բերած մտաւոր պաշարով: Նա պիտի շարունակ առաջադիմէ, պիտի հետևէ մարդկային մտքի զարգացման ընթացքին: Իւրաքանչիւր լրագիր պիտի ունենայ որոշ ուղղութիւն, որոշ գոյն, նոյնպէս և նպատակ, որին ծառայում է: Խմբագրից պահանջւում է բազմակողմանի զարգացում ունենալ, նա պիտի լինի «բազմագէտ», որպէս զի առօրեայ կենդանի հարցեր քննելու ժամանակ իր կարծիքը յայտնէ ամեն տեսակ երևոյթների մասին: «Այդ պաշարօնը լրացնում է խմբագրութիւնը զանազան մասնագիտական հմտութիւններ ունեցող անդամներով:

Արծրունուն զբաղեցնում էր և հայոց թատրոնը: Թատրոն. «Մշակի» մէջ միշտ երևում էին բեցենդիաներ և քննադատական յօդւածներ նոր պիէսների մասին: Գրում էր մեծ մասամբ Արծրունին Նիօբէ ստորագրութեամբ: Նրա համակրութիւնը կենցաղագրական կօմեդիայի կողմն էր, գովում էր Սունդուկեանին և Մ. Տէր-Գրիգորեանին: Իր գրական հայեացքներով նա դաւանում էր այն վարդապետութիւնը, որ ընդունում է «գեղարւեստ կեանքի համար» թէօրիան: Արծրունին հակառակ չէր պատմական ողբերգութեան. ինչ մէսս, եթէ երկու տարբեր ուղղութիւններ իրար հետ մրցեն: Նա գրում էր և առանձին յօդւածներ, ուր բացատրում էր թատրոնի նշանակութիւնը: 1879—82 թ. թատերաշրջանում Արծրունին յարձակողական դիրք բռնեց դէպի թատրոնական կօմիտեաի գործունէութիւնը, որի մասին կիսօտնք իր տեղում:

Արծրունու ծառայութիւններից մէկն էլ այն էր, Տնտեսաոր նա տնտեսական խնդիրը հրապարակ հանեց ամեկան խըննալայն ծաւալով: Ժողովրդի տնտեսական վիճակը նա դիւրնեքարձրեց բազմակողմանի ուսումնասիրութեան առարկայ և իր երկարամեայ գործունէութեան ընթացքում շարունակ ձեծում էր այդ հարցը:

Նախ և առաջ Արծրունին բացատրում է, թէ ինչ նշանակութիւն ունի տնտեսական հարցը կուլտուրական գործում: Քաղաքակրթութիւնը երբեք չէ կարող խոր արմատներ ձգել ժողովրդի մէջ, եթէ նա տնտեսապէս ապահով չէ, ինչպէս հայ ժողովուրդը, որ կանգնած է տնտեսական ստոր աստիճանի վրայ: չգիտէ օգտուել, ինչպէս հարկն է, երկրի հարստութիւնից, հողը մշակում է նախնական ձևով և անծանօթ է եւրոպական կատարելագործւած գործիքներին:

«Փոխատու ընկերութիւններ» վերնագրով յօդ-
 ւածու մ Արծրունին ասում է. «ժողովրդի ստորին,
 աշխատող դասը, այսինքն գիւղացի երկրագործը և
 քաղաքացի արհեստաւորը, իւրաքանչիւր հասարակու-
 թեան հիմք և անտեսական ոյժ են կազմում: Նրանց
 դրութիւնը բարելաւելով կարելի է բարւոքել և ամ-
 բողջ հասարակութեան անտեսական գրութիւնը»: Մարդկանց նիւթական վիճակը պէտք է բարւոքել և
 այն պատճառով, որ շատ յանցանքներ առաջ են գա-
 լիս նիւթական կարիքներից («Յանցաւորներ և հա-
 սարակութիւն»): Նիւթական անապահովութիւնից ծա-
 գում են և ուրիշ չարիքներ՝ զաղթականութիւն և
 պանդխտութիւն: Հայերը շատ չեն բազմանում շնոր-
 հիւ անտեսական պատճառների և բնութեան պայման-
 ների («Հայերի շատ չբազմանալու պատճառները»):

Բայց ի՞նչպէս բարձրացնել ժողովրդի անտեսա-
 կան գրութիւնը: Դրա համար Արծրունին առաջար-
 կում էր զանազան միջոցներ: Նախ փոխատու ընկե-
 րութիւններ, որոնց նպատակը պիտի լինի հնարաւո-
 րութիւն տալ տեղացի բնակչին 1) գումար փոխ առ-
 նել չափաւոր տոկոսով և 2) շահաւէտ կերպով յանձ-
 նել իր հաւաքած գումարը: Փոխատու ընկերութիւնը
 կունենայ նաև այն օգուտը, որ ժողովուրդը կազատի
 վաշխառուների հարստահարութիւնից: Սովից և բնա-
 կան պատահարներից ժողովրդի ապրուստն ապահո-
 վելու համար Արծրունին օգտաւէտ էր համարում
 բանալ հասարակական շտեմարաններ: Տնտեսական
 առաջադիմութեան նպատում են նաև հաղորդակցու-
 թեան ճանապարհների բարւոք վիճակը, երկրագործա-
 կան կատարելագործւած ձևերը և այլն:

Վաճառա- Արծրունին զբաղւում էր և վաճառականութեան
 կանութիւն վերաբերեալ խնդիրներով: Վաճառականութեան զար-

գացումը, նրա կարծիքով, կախած է երկրի արդիւ-
 նաբերութիւնից: Նա յորդորում էր հայերին շահա-
 գործել երկրի հարստութիւնները: Դրա համար ան-
 հրաժեշտ է անձնական նախաձեռնութիւն, որի պա-
 կասութիւնը հայերի մէջ ցաւ է պատճառում Ար-
 ծրունուն: Նա գուշակում էր, որ օտարների կապի-
 տաները պիտի թափւեն մեր երկիրը և կլանեն մեր
 հարստութիւնները: Թէև նա հակառակ չէր օտարնե-
 րի գործունէութեան մեր երկրում, բայց յորդորում
 էր հայերին պատրաստ լինել նրանց հետ յաջող
 մրցելու:

Արծրունու ծառայութիւններից մէկն էլ այն է, Ազգերի
 որ նա հրապարակ հանեց ազգերի համերաշխութեան համերաշ-
 խնդիրը: Հայերը և վրացիք պէտք է համերաշխ լի-
 նեն, որովհետև «Կովկասը թէև զանազան ազգու-
 թիւններով է բնակեցրած, որոնք այլ և այլ մէկ-մէ-
 կից տարբեր դաւանութիւնների են պատկանում,
 բայց իր տեղազրական և աշխարհագրական գրութեան
 պատճառով դառնում է այդ բոլոր ազգերի համար
 ընդհանուր հայրենիք և միջոց է տալիս նոցա ձգտե-
 լու ընդհանուր համանման օգուտներին»:

Արծրունին քարոզում էր, ի միջի այլոց, անհա-
 տականութիւն: «Անհատ», «անհատականութիւն» նրա
 սիրած խօսքերն էին: Նա յորդորում էր զարգացնել
 մարդու մէջ անհատական ոյժը թէ ընտանիքում, թէ
 ուսումնարանում և թշնամի էր այնպիսի անձանց,
 որոնք խոչընդոտ էին լինում անհատի զարգացման,
 օր. բռնակալ ծնողներին: Ով սպանում է մարդու ան-
 հատականութիւնը, նա պարտական է մնում մարդկու-
 թեան առաջ, որովհետև ուժեղ անհատներից կազմւում
 է ընտանիք, ուժեղ ընտանիքներից հասարակութիւն
 և ուժեղ հասարակութիւններից՝ մարդկութիւն:

Անհատ.

«Հայոց հարց».

Մինչև Ռուս-թուրքական պատերազմը «Մշակը» կատարում էր խաղաղ կուլտուրական ղեք: դեռևս ևս չկար հայոց հարց, ազգային խնդիր: Բայց 1877 թ. Տաճկաստանում տեղի ունեցած պատմական անցքերը մեծ յեղաշրջում առաջացրին հայերի մէջ: 1872 թ. սկսած մտաւոր շարժումը սկսեց մի առանձին թափով առաջ խաղալ:

Դեռևս Ռուս-թուրքական պատերազմը չսկսած՝ ամիսներ առաջ՝ Բալկանեան թերակղզում պաւեան ազգերը ազատագրական պատերազմ էին մղում թուրքաց զօրքերի դէմ՝ ապաւինած մի կարող ուժի, որպիսին է Ռուսաստանը: Այդ ազգութիւնների համար ծագում էր նոր կեանքի արշալոյս, որին ուշագրաւ սպասում էր Եւրոպան: Հայերը ևս կարգաւորվ նրանց հերոսական քաջագործութիւնները, վաւում էին բարի նախանձով, թէ ինչո՞ւ իրանք յետ մնան միւս մանր ազգութիւններից:

Այդ հարցին Գր. Արծրունին «Մշակում» նւիրեց մի շարք յօդւածներ, որոնց մէջ աչքի է ընկնում մէկը՝ «Միթէ այժմ էլ հայերի հերթը չէ»: Այդ ժամանակ Արծրունին այն կարծիքի էր, որ հայերը կարող են ազատել մահմեդական լծից նոյն ճանապարհով, ինչպէս պաւեան ազգերը, այն է՝ զէնքով և Ռուսաստանի օգնութեամբ: Միևնոյն ժամանակ նա դատապարտում էր Պօլսի հայերին, որ նրանք անտարբեր են զէպի ազգի վիճակը, որ սահմանադրութիւնից չկարողացան օգուել, որ նրանց լրագրութիւնը զբաղւած է կրօնական վէճերով և աննշան խնդիրներով: Մեղադրում էր, որ նրանք բողոքելու

փոխարէն՝ շնորհակալութիւններ են յայտնում սուլթանին: Իսկ մի յօդւածում («Կ. Պօլսի Ներսէս պատրիարքի խայտառակ և ամօթալի շրջաբերականը») Արծրունին շանթեր էր արձակում պատրիարքի մի շրջաբերականի աւելթով, որով նա յորդորում էր հայերին պաշտպանել Օսմանեան տէրութիւնը: Սակայն Թիֆլիսի և Կ. Պօլսի հայերը, Ազգային ժողովը, պատրիարքը և ամբողջ մամուլը դէմ էին որևէ շարժման հայերի կողմից և այդպիսի շարժում համարում էին վնասակար և ազգակործան: Հեռաւոր գաւառների իսկական դրութեան անտեղեակ լինելով, շատերը կարծում էին, որ Տաճկաստանում հայ ժողովրդի դրութիւնը այնքան էլ անտանելի չէ:

Բայց երբ 1877 թ. Տաճկ.-Հայաստանում տեղի ունեցած արհաւիրքների աբձագանքը հասաւ Եւրոպա և յուզեց հասարակութեան մտքերը, հայերը ևս ըսթափւեցին նախկին պատրանքից և տեսան, որ իրանց հայ եղբայրների դրութիւնը այնքան էլ նախանձելի չէ: Կ. Պօլսի Ազգային ժողովը, յանձին Ներսէս պատրիարքի, ներկայացրեց տէրութեան մի յուշագիր (memorandum), ուր յիշւած էին հայերի կրած ճնշումները և պահանջ էր դրւած, որ սլաւեան ազգերի համար խոստացած վերանորոգութիւնները տարածւեն և ամբողջ տէրութեան մէջ բոլոր քրիստոնեաների վրայ:

Եւրոպական մամուլը ևս զբաղւեց հայկական խնդրով: Ինչ միջոցներով կարելի էր բարւոքել հայերի դրութիւնը թուրքիայում: Ամենքը գալիս էին այն եզրակացութեան, որ միակ միջոցը խաղաղ ճանապարհն է— Ռուսաստանի և եւրոպական տէրութիւնների միջամտութիւնը:

Իրերի փոխւած դրութիւնը ազգեց և Արծրունու

հայեացքները վրայ: «Հայոց խնդիր» վերնագրով առաջնորդողում նա ևս ընդունում է, որ ապստամբելը հայոց բնաւորութեան հակառակ է, որ «հայերը իրանց ձայնը լսելի պիտի դարձնեն Եւրոպային ոչ թէ ապստամբութեամբ, այլ խելքով, մտաւոր զէնքով»:

1878 թ. Բերլինի կոնգրեսում Սան-Ստեֆանօի 16-րդ յօդւածը ենթարկւեց փոփոխութեան և դարձաւ Բերլինեան դաշնագրի 61-րդ յօդւածը, Հայոց հարց վերնագրով, որի մէջ հայերին խոստացւած էին դաշնագան բարեփոխութիւններ:

Ներսէս պատրիարքի ջանքերով պատւիրակներ ուղարկւեցին եւրոպական տէրութիւնների հետ բանակցելու հայոց հարցի մասին: Երբ սուլթանը պահանջեց Ներսէսից, որ շուտով վերադարձնէ պատւիրակներին, քաջարի պատրիարքը պատասխանեց, թէ առաջ թող իրան կախէ և ապա այդ պահանջն անէ: Արժրունին, որ երբեմն Ներսէսին դաւաճան էր անւանում, այժմ խօսք չէր գտնում նրան ըստ արժանւոյն գովելու:

Թիւրքահայերի կրած աղէտները պատմական դասի նշանակութիւն ունեցան: Հայերը տեսան, որ վերացական հայրենասիրութիւնը արժէք չունի, այլ նա պիտի երևայ գործով: Երկու միլիօն ժողովրդի համար դեռ ևս ոչինչ չէր արւած: Ամեն բան պէտք էր սկսել նորից:

Եւ սկսեց եռանդուն գործունէութիւն:

Թիւրքաց աղէտեալների համար միայն Ռուսաստանում հանգանակւեց հարիւր հազար ըուբլի: Կրթութիւն տարածելու նպատակով հիմնւում էին ընկերութիւններ, որոնք միանալով կազմեցին «Միացեալ ընկերութիւն»: Երկիրը անձամբ անձին ուսում-

նասիրելու նպատակով ուղևորւեցին Տաճկաստան Գ. Սրւանձտեան, Միրախորեան, Ալլավերդեան: Ամեն տեղ զարթնում էր հետաքրքրութիւն դէպի թուրքահայերը, և թիֆլիսում կարգացւում են մի շարք դասախօսութիւններ: Արժրունին կարգում է «Տաճկաստանի տնտեսական զրութիւնը», Շիշմանեան (Ծերենց) «Կիլիկիա», Աբ. Յովհաննիսեանը «Եւրոպացի ճանապարհորդների կարծիքները հայերի մասին» և այլն:

1877 թ.—1878 թ. պատմական անցքերի հետեւանքներից մէկն էր արևելեան և արևմտեան հայերի մերձեցումը: 1879 թ. տեղական ոյժերից և պօլսեցի դերասան-դերասանուհիներից կազմւած խումբը այդ մերձեցման նշաններից մէկն էր:

Արժրունու գործունէութեան գլխաւոր նպատակ-Ընդհանուրներից մէկն էր ստեղծել մի կուսակցութիւն, որ պի- հայեացք տի դար իրագործելու կեանքի մէջ նրա քարոզած գաղափարները: «Մեր կուսակցութիւնները» վերնագրով յօդւածում նա բացատրում է կուսակցութեան նշանակութիւնը և նրա անհրաժեշտութիւնը իւրաքանչիւր ազգի մէջ. իբրև ապացոյց, բերում է օրինակներ եւրոպական տէրութիւններից:

Բայց հասարակութեան հր խաւի մէջ նա պիտի որոնէր համախոհ կուսակիցներ: Հին սերնդի մասին խօսք անգամ չէ կարող լինել, քանի որ Արժրունին «Մշակի» հէնց առաջին համարներից սկսեց իր պատեւազմը այդ սերնդի դէմ: Նրա ազատամիտ գաղափարները այն խնդիրների մասին, որոնք շօշափում էին պահպանողականների սրբազան աւանդութիւնները, առիթ էին տալիս կատաղի բանակուիւնների: Իր յարձակումների մէջ Արժրունին անխնայ էր. մերթ զայրոյթով, մերթ կծու ծաղրով խարձազանում էր հակառակորդներին: Մի շարք առաջնորդներ (Ռ. Բն)

ենք խաբուժմ), «Մենք ձեզ կմերկացնենք» և այլն) գրւած են մեղաւականների դէմ խիստ յարձակողական ոգով: Մի ֆէլիէտօնում «Մեղու Հայաստանին» անւանւած է «Լու Հայաստանի», լրագիր անշարժական և ոչխարային»: Արծրունին յարձակողական դիրք էր բռնել և դէպի ուսեալ դասակարգը, դէպի համալսարանականները, որոնց անւանում էր «գիւլրոճաւոր»: Նրանց չէր հաւանում, որովհետև, Արծրունու կարծիքով, նրանք շատ հեռու չէին գնացել հին սերնդից, հայութիւնից օտարացել էին և անտարբեր էին դէպի հասարակական գործունէութիւնը («Նրիտասարգներին խրատ», «էլ չենք հաւատում»):

Մնում էր միայն այն երիտասարդութիւնը, որը, թէև զուրկ էր բարձրագոյն կրթութիւնից և հազիւ թեմական դպրոց աւարտած կամ աւելի պակաս կրթութեամբ, բայց այսու հանդերձ ընդունակ էր հրապուրելու ազնիւ, առաջադէմ գաղափարներով:

Ահա այդ նորատի երիտասարդութիւնն էր, որ հզօրապէս ենթարկեց Արծրունու հմայիչ ազդեցութեան: Դրանք մեծ մասամբ ուսուցիչներ և վարժուհիներ էին և գործում էին գաւառներում: Դրանք էին, որ խուլ ու խաւար անկիւններում տարածում էին լոյս, դրանք էին կազմում գաւառական թղթակիցների կօնտինգենտը, որոնք հետևում էին ժողովրդական կեանքին և աչքի ընկնող երեւոյթները արձանագրում էին թղթակցութիւնների մէջ: Եւ այսպիսով գաւառական կեանքը իր լաւ ու վատ կողմերով արտայայտւում էր լրագրութեան մէջ, իհարկէ, ոչ առանց կուսակցական գունաւորման: Թղթակիցների գրւածներում պարզ երևում էր Արծրունու յարձակողական ուղղութիւնը: Նրանք «մտրակում էին» կեղեքիչ վաշխառուներին, տգէտ քահանաներին,

եկեղեցական գումար վառնող երեսփոխներին և այդպիսի չարիքներ:

Արծրունին գնալով աւելի և աւելի հեղինակութիւն էր ձեռք բերում, դրա հետ միասին ուժեղանում էր և նրա կուսակցութիւնը, որի մէջ այժմ մտնում էին համալսարանականներ, ուսանողներ, ըսկսնակ գրողներ, կանացի սեռը, նոյն իսկ հասարակ դասակարգից մարդիկ:

Մինչև 80-ական թւականների վերջը կրթական և հասարակական հիմնարկութիւնների ղեկը գտնւում էր պահպանողականների ձեռքում: Բայց 90-ական թւականների սկզբում երիտասարդ կուսակցութիւնը այնքան ուժեղացել էր և իր շարքերում ունէր արդէն այնպիսի յայտնի անուններ, որ հին և նոր սերնդի կռիւը հասարակական տեղեր գրաւելու համար դարձաւ անխուսափելի: Եւ իրօք: Ազատամիտ կուսակցութիւնը Արծրունու առաջնորդութեամբ փառաւոր յաղթանակ տարաւ և պահպանողականների ձեռքից խլեց Հրատարակչական ընկերութիւնը: Այնուհետև սկսեցին նոր սերնդի մի շարք նւաճումները՝ Հոգևոր ձեմարանի, Ներսիսեան և միւս թեմական դպրոցների և այլն:

Նոր սերնդի յաղթանակը, անտարակոյս, Արծրունու զլխաւոր ծառայութիւններից մէկն էր, բայց ինչպէս յայտնի է, ամենափրկարար գաղափարները, աշխարհի սկզբից մինչև այժմ, շատ անգամ ըմբռնել են սխալ մտքով և պատճառ դարձել մարդկային ամենամեծ աղէտների, ինչպէս, օրինակ, կրօնական պատերազմները:

Մեզանում եւ կուսակցական գաղափարը հետզհետէ իր հշանակութիւնը կորցրեց, և նրա տեղը գրաւեց նեղ-կուսակցական ոգին, որ սկսեց արտա-

յայտել ոչ միայն լրագրական բանակոիւնների, այլ և կեանքի մէջ, օրինակ, զպրոցներում, ուր հակառակ կուսակցութիւնների պայքարը չափազանց փաստակար հետեանքներ էր ունենում դաստիարակչական գործում:

Արծրունու ծառայութիւնները ըստ արժանւոյն գնահատելու համար հարկաւոր է համեմատել նախորդ շրջանը ներկայի հետ:

Մենք արդէն գիտենք, թէ այդ շրջանում ինչպիսի ամայութիւն էր տիրում, որքան ընկած էր լրագրութիւնը, պօէզիան, թատրոնը և առհասարակ հասարակութեան տրամադրութիւնը: Բայց Արծրունու երևալով՝ տարտամ գրութիւնը միանգամից փոխեց, տեղի տալով չտեսնւած կենդանութեան: Արծրունու խրոխտ ձայնը, որ հնչեց «Մշակի» էջերից, սթափեցուցիչ նշանակութիւն ունեցաւ շատերի համար, որոնք թօթափելով իրանց վրայից թմրութիւնը, սկսեցին ահանջ գնել նրա իմաստալից քարոզներին: Արծրունին իր կորովի ձայնով զարթեցնում էր քնածներին և հրաւիրում էր դէպի գործունէութեան ասպարէզ: Նա կոչ էր անում դէպի աշխատանք, որովհետեւ եկել էր աշխատելու ժամանակը. դրա հետ միասին աւելանում էր հասարակական գործունէութեան եռանդը:

Արծրունուն պարտական ենք և մի այլ ծառայութեան համար: Նա մերկացնում էր ժամանակակից հայ իրականութիւնը իր տգեղ կողմերով: Որքան արատներ կուտակել էին ազգի մէջ դարաւոր ստորկութեան և սոցիալական պատճառով, այդ բոլորը նա մերկացնում էր և անխնայ հարւածում:

Արծրունու շնորհիւ բարձրացաւ նաև մամուլի նշանակութիւնը, և ընթերցողը սկսեց աւելի մեծ

հաւատով վերաբերել դէպի լրագրական խօսքը: Նորատի երիտասարդութեան այդ հաւատը, որ տածում էին դէպի իրանց պաշտելի դեկավարը, մեծ ծառայութիւն մատուցեց նոյն իսկ Արծրունուն, խրախուսելով նրան իր հրապարակօսական գործունէութեան մէջ: Նրա խօսքերը դարձան մի տեսակ պատգամներ նոր սերնդի համար: Նրա բոլոր գաղափարները գանազան խնդիրների մասին դարձան երիտասարդութեան սեփականութիւն և կազմակերպեցին նոր աշխարհայեացք:

Արծրունին մօտ քսան տարի միահեծան իշխում էր երիտասարդութեան մտքերի վրայ, որի հետեանքը եղաւ այն, որ նա դարձաւ նոր սերնդի կուռքը, և այդ կուռքին նրանք պաշտպանում էին ամենայն մոլեռանդութեամբ:

«Մշակի» շկօլայից 80-ական թւականներին դուրս եկան բազմաթիւ հասարակական գործիչներ և գրողներ՝ Բաֆֆի, Առաքել Բաբախանեան (Լէօ), Մալումեան, Ալ. Քալանթար, Հ. Առաքելեան և այլն:

Ահա ինչ է գրում Բաֆֆին Արծրունու նշանակութեան մասին. «Մշակը» իր մոզական հարւածով միանգամայն շարժեց հասարակական թմրած մարմինը: Մարդիկ յանկարծ աչքերը բաց արին, սկսեցին մտածել իրանց գործերի մասին, սկսեցին մտածել իրանց պէտքերի վրա: Լրագիրը դարձաւ հասարակութեան դաստիարակ և միեւնոյն ժամանակ նրա ընդհանուր կարիքների արտայայտութիւն: Իր բոլորովին թարմ, երիտասարդ խմբազրի դեկավարութեան ներքոյ «Մշակը» հեղեղեց հասարակութիւնը մի նոր, կենդանացուցիչ հոսանքով, որ ամենափոքր ժամանակում արզասաւոր արդիւնք ունեցաւ: Վարդե-

մի աւանդական ինքնախաբէութեան փոխարէն սկսեց տիրապետել կրիտիկական հայեացքը: Ինքնաքննութիւն և ինքնաձանաշութիւնը,— ահա այն գրգող և առաջ մղող տեսակէտը, որով սովորեցրեց նա հայ հասարակութեանը մտածել իր պէտքերի և իր թերութիւնների վրայ»:

Որքան էլ տաղանդաւոր համարենք Արծրունուն, իբրև հրապարակասօսի և արդիւնաւոր նրա ծառայութիւնները, այնուամենայնիւ նա ևս ունեցել է իր թերութիւնները, նա ևս գործել է սխալներ:

Նախ՝ ունենալով տաք, կրքոտ խառնածք, Արծրունին անխնայ և աններողամիտ էր դէպի իր հակառակորդները: Նրանց երեսին նետում էր այնպիսի ծանր, բարոյապէս ստորացնող խօսքեր, ինչպէս, օրինակ «իդիօտ», «ասլուշ»:

Թէև Արծրունին կողմնակից էր րէալական ուղղութեան և ընդհանրապէս գիտէր գնահատել ժամանակակից գրականութեան երևոյթները, օր.՝ Սունդուկեանի «Սախարալան», «Պէպօն» և այլն, բայց այստեղ ևս նա երբեմն թոյլ էր տալիս սխալներ կամ հակասութիւններ: Օրինակ, «Մշակի» մէջ զանազան ժամանակներում յայտնուել են բոլորովին տարբեր՝ իրար ժխտող կարծիքներ Աղայեանի մի գրքի մասին. նոյնպէս տարօրինակ էր նրա կարծիքը Աղամեանի մասին, որի մէջ նա, գոնէ սկզբում, չէր կամենում տեսնել տաղանդ: Իսկ դէպի 90-ական թւականների նորածին շարժումը, որ մի զարագուիս ստեղծեց հայ բանաստեղծութեան և ընդհանրապէս գրականութեան համար և առաջ քաշեց այնքան շնորհալի անուններ, դէպի այդ գրական նոր, թարմ հոսանքը «Մշակը» բաւական անբարեհաճ, նոյն իսկ թշնամական դիրք բռնեց: Թէ ինքը Արծրունին և թէ նրա՝

այն ժամանակւայ ամենամօտ աշխատակիցը ոչ միայն չէին խրախուսում սկսած գրական նոր երևոյթները, այլ նոյն իսկ հեգնօրէն էին խօսում «նորագոյն» բանաստեղծների մասին:

Արծրունին ասել է, որ մեծ մարդկանց թոյլատրելի է փոքրիկ սխալներ: Իսկ մենք կաւելացնենք լատինական առածը՝ errare est humanum:

«Փ Ո Ր Ձ»

Նոյն այս տարիներում Թիֆլիսում հրատարակւում էր «Փորձ» ամսագիրը, որի խմբագիրն էր Աբգար Յովհաննիսեանը:

Աբգար Յովհաննիսեանը բարձրագոյն կրթութիւն ստացել էր Եւրոպայում, տիրապետում էր ուսուսաց, գերմաներէն և ֆրանսերէն լեզուներին, Պետերբուրգում յատկապէս ուսումնասիրել էր ֆինանսական գիտութիւնները: Թիֆլիսում վայելում էր բարձր դիրք, վարում էր զանազան պաշտօններ. եղել է Առևտրական բանկի գիրեկտօր, զանազան ընկերութիւնների անդամ և նախագահ. ջերմ մասնակցութիւն է ունեցել նաև թատրոնական գործի մէջ:

Աբ. Յովհաննիսեանը յայտնի է իր հրատարակչական գործունէութեամբ և իբրև խմբագիր: Բաֆֆու երկու հատոր «Փունջը», Շիլլերի «Վիլհելմ Տէլլը», Պալասանեանի «Քերականութիւնը» նրա հրատարակութիւններն են: 80-ական թւականներին նա ձեռնարկեց մի խոշոր հրատարակութեան: Գերմանացի Լէյստի աշակցութեամբ հրատարակեց մի շարք

հաստորներ «Armenische Bibliothek» վերնագրով, որի նպատակն էր ծանօթացնել գերմանացիներին հայոց բանաստեղծների և վիպասանների հետ: Նրա ձեռնարկով թիւնն էր և գիտնական Ֆինկի գերմաներէն պարբերական թերթը «Հանդէս Հայագիտութեան» վերնագրով:

Բայց Աբ. Յովհաննիսեանի գլխաւոր գործերն են՝ «Փորձ» ամսագիրը և «Արձագանք» շաբաթաթերթը:

«Փորձը» սկսեց 1876 թ. կիսին, սկզբում եռամսեայ և ապա ամսագիր: Ջորս և կէս տարւայ հրատարակութիւնից յետոյ «Փորձը» դադարեց 1881 թ.: Ամսագրին փոխարինեց «Արձագանք» շաբաթաթերթը, որ 1890 դարձաւ պատկերազարդ, իսկ հետեւեալ տարւանից հրատարակուեց էր, որպէս օրագիր՝ շաբաթը երեք անգամ: Դադարեց 1897 թ.

Իր կեանքի վերջին տարիները երկարատե հիւանդութեան պատճառով հեռացած էր գրական և հասարակական ասպարիզից: Վերջին անգամ բժշկելու նպատակով արտասահման գնալիս մեռաւ Բաթում քաղաքում (1904 թ.), բայց նրա աճիւնը թաղեց Թիֆլիսում:

Աբ. Յովհաննիսեանը հրատարակախօսի աչքի ընկնող տաղանդ չունէր, բայց սրամիտ էր և գրում էր ֆէլիէտօններ Մախրաս ստորագրութեամբ: Իր ուղղութեամբ նա հակառակ էր Արծրունու ազատամտութեան և «Արձագանքի» մէջ միշտ գրում էր նրա դէմ: Ամեն մի առիթից օգտուելով աշխատում էր նրան բռնել հակառակ կարծիքների մէջ, ցոյց տալ նրա սխալները և առհասարակ իշխեցնել նրան իր բարձրութիւնից: Նրա հրատարակախօսական յօդւածներին կարելի է յիշել «Հայոց ազգի կատաղի թշնա-

մինները», որի մէջ նա աչքի առաջ ունի հայ վաճառականին, և նրա մի դասախօսութիւնը՝ «Շերտպացի ճանապարհորդների կարծիքը հայերի մասին»: Հրատարակախօսի գերուժ մենք նրան տեսնում ենք 90-ական թւականներին, երբ նա մի առժամանակ «Արձագանքը» դարձրեց իսկապէս հասարակաց մտքի դեկավար և ինքն էլ հանդէս եկաւ իբրև մարտնչող և ազգային շահերի պաշտպան:

«Փորձ» ամսագիրը հասարակաց դեկավարի դեր չէր կատարում: Նրա արժանիքը կայանում էր միայն նրա հարուստ բովանդակութեան մէջ: Նա լրացնում էր այն, ինչի համար սուղ էին «Մշակի» էջերը՝ ժամանակակից ինքնուրոյն և թարգմանական գրականութիւնը, պատմական ուսումնասիրութիւնները, քննադատութիւնները և այլն:

«Փորձին» աշխատակցում էին այն ժամանակւայ բոլոր յայտնի գրողները: Պատկանեանը գետեղում էր իր «Ազատ երգերը» և վէպերը, Պոօշեանը իր «Հացի խնդիրը», «Կուածադիկը» և «Շահէնը», Սունդուկեանը իր «Խաթաբալան», Պարոնեանը իր երգիծաբանութիւնները, Բարխուդարեանը կլասիկներից թարգմանած ողբերգութիւնները և այլն: Բովանդակութիւնը աւելի ևս բազմակողմանի ու հետաքրքրական էին դարձնում Պաղասանեանի (Գրիչ) քննադատութիւնները և գիտական հետազոտութիւնները Հայաստանի անցեալից, Նրիցեանի պատմական-հնագիտական յօդւածները, Բաֆֆու և Քաջբերունու ճանապարհորդական տպաւորութիւնները, Չմշկեանի թատրոնական յիշողութիւնները և այլն:

Եթէ չլինէր «Փորձ» ամսագիրը, մենք գուցէ չունենայինք մեծ մասը այն գրւածքների, որոնք տպւած են այդ ամսագրում:

ՄԻԻՍ ՊԱՐՔԵՐԱԿԱՆ ԹԵՐԹԵՐԸ

Զարմայր Մսերեանը 1879—1882 թ. հրատարակում էր «Փարոս Հայաստանի» վերնագրով պատկերազարդ հանդէսը, որը իր ուղղութեամբ ետադիմական օրգան էր: Այստեղ տպւում էին ընդարձակ քաղաքներ Կ. Պօլսի հայոց լրագիրներին, իսկ ուսասանայոց կեանքի մասին շատ սակաւ էին տեղեկութիւնները:

Եթէ կար այստեղ քիչ թէ շատ հետաքրքրական բաժին, դա կենսագրութիւններն էին և պատկերները: Բանաստեղծական բաժնի մէջ աչքի էին ընկնում Տիգրան Աշոտ, Զիււան և Կ. Սահրատեան: Վերջինս ցոյց է տալիս շնորհալի բանաստեղծի նշաններ, բայց զարմանալի է, որ նա անյայտացել է: Ահա մի նմուշ նրա ինքնուրոյն ոտանաւորին:

«Հեռու երկիր թուաւ, փախաւ
Սիրուն թռչուն մեզանից.
Իմ սիրասուն քոյրն հեռացաւ
Ուրիշ աշխարհ այստեղից:
Շուտով կը գայ կանաչ գարուն.
Եւ թռչունը կը դառնայ.
Բայց ախ... քուրիկն իմ սիրասուն
Երբէք, երբէք յետ չի գայ:

Սա չէ՞ յիշեցնում արդեօք Ալ. Ծատուրեանի «Սոխակ» վերնագրով երգը:

Նրա միւս երգը՝ «Զօրականք Վարդանայ» նոյնպէս վատ չէ և գրւած է մաքուր գրական լեզուով, որով գրում էին 90-ական թ. բանաստեղծները:

Միւս պարբերական թերթերը մասնագիտական էին և կարճատեւ կեանք ունեցան: Վ. Բաստամեանի «Դպրոցը» (1874—1876 թ.) և Տէր-Յովհաննիսեանի «Մանկավարժական թերթը» (1788—1880 թ.) ըզբաղւում էին մանկավարժական և գալը. ինքիւրներով:

2. Վ Է Պ

Վէպը, գրականութեան այդ կարևոր ճիւղը, մեզանում սկսեց զարգանալ միայն 70-ական թւականներին, երբ մէկը միւսի ետևից սասարէզ եկան Բաֆֆի, Պոօշեան, Աղայեան, Ծերենց:

Մինչև այդ ժամանակ մենք ունէինք շատ սակաւաթիւ վէպեր: Թաղիաղեանի «Վէպ Վարսենկան», Աբովեանի «Վէրք Հայաստանի», Նալբանդեանի «Մինին խօսք, միւսին հարս», Տէր-Յովհաննիսեանի «Տէր Սարգիս», Պոօշեանի «Սօս և Վարդիթեր» և, վերջապէս, Աղայեանի «Արութիւն և Մանուէլ»— ահա բոլորը:

Այդ վէպերը երևացել են պատահաբար, իրարից անկախ, այնպէս որ վէպը, իբրև գրականութեան ճիւղ, մեզանում գոյութիւն չունէր:

Վէպի բարգաւաճումը սկսւում է 70-ական թւականներին, մի անգամից գրաւելով մեր գրականութեան մէջ իր պատւաւոր տեղը, ցոյց տալով միևնոյն ժամանակ զարմանալի բեզմաւորութիւն:

Վիպագրութեան մէջ տիրապետում էին մի քանի ուղղութիւններ՝ ընդլիզմ բօմանտիկական խառնուրդով, կենցաղագրական, պատմական և տենդենցիօզ ուղղութիւններ: Բաֆֆու վէպերի մէջ միացել են գրեթէ այդ բոլոր ուղղութիւնները:

Այս դարեշրջանի ամենատաղանդաւոր և ամենահետաքրքրական վիպասանը Բաֆֆին էր:

Սկսենք նրանից:



Բ Ա Փ Փ Ի

Նրա կնանքը.

Բաֆֆին (Յակոբ Մելիք-Յակոբեան) ծնւել է 1835 թ. Պարսկաստանի Սալմաստ գաւառի Փայաջուկ գիւղում: Նրա հայրը վաճառական էր, աշխարհ տեսած մարդ և ուսման յարգը ճանաչող: Նախնական կրթութիւն Բաֆֆին ստացել է խալֆայական դպրոցում. իսկ ընտանիքում ունէր մի լաւ դաստիարակչուհի — իր տատը, որի հէքիաթները լսում էր մանկական յափշտակութեամբ:

Առևտրական գործերով հայրը ճանապարհորդում էր զանազան տեղեր, այցելում էր և Ռուսաստան:

1847 թ. Թիֆլիս գնալիս՝ հայրը որդուն տարաւ իր հետ և այնտեղ տւեց ուսման Բէլախեանի պանսիօնը, որ այն ժամանակ ամբողջ քաղաքում լաւ ուսումնարանի համբաւ ունէր: Այստեղ նա սովորեց մի քանի տարի և 1852 թ. մտաւ գիմնազիա: Թէև գիմնազիայից չորս հինգ տարւայ ընթացքում չէր կարող դուրս բերել հիմնաւոր գիտութիւն, բայց այդ տարիներում նա ծանօթացաւ Հոմերոսի, Վիրգիլիոսի, Միլտոսի և Յենելոնի երկասիրութիւնների հետ մխիթարեանների թարգմանութեամբ: Բացի այդ՝ նա քիչ թէ շատ ընտելացաւ ռուսաց լեզւին, որ յետոյ մեծ ծառայութիւն մատուցեց նրան՝ մատչելի դարձնելով նրա համար ռուսաց հարուստ գրականութիւնը:

Բաֆֆու հայրը ծերացած լինելով՝ պահանջ էր գգում մի հաւատարիմ օգնականի, որի մասին յայտնում է որդուն: Նա ստիպւած էր թողնել գիմնազիան և հօր առևտրական գործերը վարել: 1857 թ. Բաֆֆին ուխտաւորների կարաւանի հետ ճանապարհորդութիւն կատարեց Տաճկաստանում, այցելեց Վան, Վարազ, Աղթամար, Մուշ, Ս. Կարապետ: Այս ճանապարհորդութիւնը մեծ օգուտ տւեց ապագայ վիպասանին, որ ձեռք բերեց տեղագրական և կենցաղագրական բազմաթիւ տեղեկութիւններ: Առաջին անգամ ծանօթացաւ այն երկրի հետ, ուր տառապում էր մի թշուառ ժողովուրդ: Իւրաքանչիւր քայլափոխում Բաֆֆու աչքի առջև ներկայանում էին մայրենի բնութեան գեղեցիկ տեսարանները. աւերած վանքերը և բերդերը նրա սիրտը լցնում էին հայրենասիրական խանդով: Այդպիսի տխուր հոգեկան տրամադրութիւնն է թելադրել նրան «Չայն տուր, ո՛վ ծովակը»: Բաֆֆու ուղեգրական տպաւորութիւններ

ըր՝ «Աղթամարայ վանք» վերնագրով տպւած է 1860 թ. «Հիւսիսափայլի» մէջ:

Առևտրական գործերով Բաֆֆին այցելում էր և Պարսկաստանի քաղաքները՝ Թաւրիզ, Ուրմի, Պոյ, և այսպիսով Պարսկաստանի հետ ևս նա գերազանց ծանօթացաւ:

Վաճառականութիւնը բոլորովին խորթ պարապմունք էր Բաֆֆու համար: Բարեբախտաբար, նրա գործերը շատ վատ գնացին, մեծ կորուստներ ունեցաւ, և նա վերջ ի վերջոյ թողեց վաճառականութիւնը: Կարծես ճակատագիրը ձախորդութիւններ էր սփռում նրա առաջ, որպէս զի նա թողնէ իր ատելի պարապմունքը և գնայ իր կոչման յետեւից, որ նրան պիտի տանէր փառքի գագաթնակէտը:

1870 թ. մենք նրան տեսնում ենք Թիֆլիսում ծայրայեղ կարիքի մէջ, ուր նա օրւայ պարէնը հայթայթում էր մերթ դասերով մերթ շորեղէնի խանութում ստորին ծառայողի պաշտօնով:

Բայց շուտով բախտը ժպտաց Բաֆֆուն: Երբ Արծրունին «Մշակի» թոյլտուութիւնն ստանալուց յետոյ (1871 թ.) սկսեց գումարել բազմամարդ ժողովներ, Բաֆֆին դարձաւ մշտական յաճախորդներից մէկը: Իր լրջութեամբ նա իր վրայ դարձրեց երկտասարդ հրապարակախօսի ուշադրութիւնը, և այնուհետև նրանց մէջ հաստատուեց մի ներքին կապ: Նա դարձաւ «Մշակի» եռանդուն աշխատակիցը և առաջին անգամ «Մշակում» գործածեց Բաֆֆի անունը: «Մշակի» առաջին տարիներում ապւում էին նրա «Ուղևորութիւնները Պարսկաստանում», առաջին պատկերները պարսկահայոց կեանքից, երբեմն նաև ֆէլիէտօնները (Մելիքզադէ):

Միևնոյն ժամանակ 1873—1874 թ. լոյս տեսան երկու հատոր ժողովածուներ «Փունջ» վերնագրով, որի մէջ գետեղւած են Բաֆֆու անդրանիկ ոտանաւորները և սպամաճքները:

Դեռ չէր եկել այն ժամանակը, որ հայ գրողը կարողանար ապրել իր գրչի աշխատանքով: Նիւթական միջոցներից զուրկ՝ նա ստիպւած էր ապրուստի նոր աղբււր որոնել: Եւ ահա 1874 թ. նա ուսուցիչ է Թաւրիզում: Անկարող լինելով համերաշխ ապրել իր պաշտօնակիցների հետ, նա թողեց Թաւրիզը և 1877 թ. տեղափոխուեց Վերին Ագուլիս դարձեալ ուսուցչական պաշտօնով: Այստեղ ևս նա երկար չմնաց: Այդ ժամանակ նեղ կուսակցական ոգին սկսել էր սողոսկել նաև վարժարանները, որի շնորհիւ ուսուցչական խմբերի մէջ ծագում էին կռիւներ: «Մեղու Հայաստանի» լրագրում երբեմն երևում էին անւարկու թղթակցութիւններ Բաֆֆու դէմ:

Ճակատագիրը նրան մղում էր դէպի մտաւոր կենտրոնը: Հայկական սարսափների ազդեցութեան տակ Բաֆֆին գրեց իր «Ջալալէդդինը», որ բոլորովին նոր ուղղութիւն մտքրեց հայ վիպագրութեան մէջ և եղաւ անդրանիկը մի շարք նոյնանման վէպերի: Վէպը տպեց «Մշակում» 1878 թ. և մի անգամից հոչակեց հեղինակի անունը: Բաֆֆին վերջապէս գտաւ իր իսկական կոչումը, որին և նւիրեց իր ապագայ աշխատութիւնները: Այնուհետև նա վերջնականապէս հաստատուեց Թիֆլիսում: Իր մի շարք վէպերով նա սերտ կապեց «Մշակի» և Արծրունու հետ: Շնորհիւ այն մեծ յաջողութեան, որ ունեցան նրա վերջին գրւածքները, այժմ հնարաւորութիւն ունէր ապրելու իր գրական աշխատանքով: Այնուհետև մէկը միւսի ետեւից լոյս տեսան «Ոսկի աքաղա-

ղը», «Խենթը», «Դաւիթ բէկը» և այլն: Երբ 1884 թ. «Մշակը» ընդհատուեց, Բաֆֆին սկսեց գրել «Արձագանքում», ուր տպւեցին «Սամաէլ», «Ղարիբ մշեցի» և «Խաղ-փուշ»:

Բաֆֆին մեռաւ 1888 թ. ապրիլի 24-ին: Թաղումը տեղի ունեցաւ Խօջիվանքում ժողովրդական մեծ հանդիսով: Նրա դամբարանը զարդարւած է մարմարիոնէ սիւնով, որի ծայրին՝ քնար:

Ազդեցութիւններ.

Ինչպէս իւրաքանչիւր հեղինակ, նոյնպէս և Բաֆֆին ենթարկւել է զանազան ազդեցութիւնների: Ծնւելով Պարսկաստանի մի խաւար անկիւնում, նա իր բնածին ընդունակութեան և ինքնակրթութեան շնորհիւ՝ դարձաւ ազգի նշանաւոր հեղինակներից մէկը: Ամենից գլխաւորն այստեղ, իհարկէ, Բաֆֆու տաղանդն է, որով նա պարզեատրւած էր վերուստ: Բայց երկնային պարգևը կանհետանար, եթէ ինքը հեղինակը անազին աշխատանք չգնէր իր տաղանդի զարգացման վրայ:

Դեռ ևս գիմնագիտյում նա կարգացել էր Հոմերոսի, Վիրգիլիոսի, Միլտոնի և Ֆենելոնի պօէմաները: Հետզհետէ ծանօթացաւ Շէքսպիրի, Շիլլերի, Հիւգօի և միւս րոմանտիկների երկերի հետ: Ծանօթ էր և ուսաց բէալիստական ուղղութեան հեղինակների հետ՝ Փօօլի, Տուրգենևի և միւսների:

Հայ գործիչներից նրա վրայ ազդել են Նազարեանը իր լուսամիտ քարոզներով և Խրիմեան Հայրիկը իր շինարար գործունէութեամբ և ժողովրդասէր ոգով: Բայց ոչոքի՝ ազդեցութիւնը այնքան զօրեղ չէ եղել, ինչպէս Արծրունու:

Բաֆֆու մահից յետոյ Արծրունին նրա յիշատակին նւիրեց մի կենսագրական—քննադատական յօդւած, ուր նա հաղորդում է հետաքրքրական տեղեկութիւններ նրա անցեալի մասին և միևնոյն ժամանակ ըստ արժանւոյն գնահատում է նրա տաղանդը: Այստեղից երևում է, որ ինակ, որ մեր վիպասանը Արծրունու յորդորանքով է գրել իր ուղեգրական յօդւածները, որոնք տպւում էին «Մշակի» առաջին տարւայ համարներում: Նոյնպէս Արծրունու խորհրդով է նա հրատարակել տպւուց իր առաջին վէպը «Խրվրիկ» վերնագրով, որը թէև, Արծրունու կարծիքով, ունեցել է մասնաւոր գեղեցկութիւններ, «աննման նկարագրութիւններ», բայց, իբրև ամբողջութիւն, եղել է անյաջող: «Այն բոլորէից սկսած, գրում է յօդւածի հեղինակը. «Բաֆֆիի վիճակը կապուեց «Մշակի» վիճակի հետ: Նրա անունը, նրա հոչակը, նրա ժողովրդականութիւնը մեծանում էին, քանի աւելի և աւելի էր ընդարձակւում «Մշակի» գործունութիւնը: Գրեթէ ոչինչ սիստեմական ուսում չունեցող, ինքնակրթութեամբ զարգացած մարդը՝ մի տեսակ հոտառութեամբ գուշակում էր ժամանակի պահանջը, տպաւորւում էր ժամանակակից հարցերով և արտայայտում էր այդ հարցերը վիպական ձևով: «Մշակի» խմբագրութեան հետ իր վիճակը կապուեց յետոյ, Բաֆֆիի տաղանդի սահմանները և այդ տաղանդի ձևը հետզհետէ որոշւեցին»:

Արծրունին իր գրողը դրել է նաև նրա հայեացքների վրայ և ընդարձակել է նրա մտաւոր հորիզոնը: Նրա արծարծած ազատամիտ գաղափարների հետքերը նշմարւում են Բաֆֆու երկրորդ շրջանի վէպերի մէջ:

Բաֆֆին ինքն ևս խոստովանում էր Արծրունու

և «Մշակի» ազդեցութիւնը թէ հայկական կեանքի, թէ հայոց գրականութեան և թէ իր սեփական անձի վրայ: Խօսելով Արծրունու նշանակութեան մասին, ի միջի այլոց ասում է. «Մշակի» ուղղութիւնը խիստ բարերար ազդեցութիւն ունեցաւ և վիպագրութեան վրայ: Նրա օրերում վիպագրութիւնը աւելի լայն շրջանակի մէջ գրեց իր պատկերները: Նա աւելի խոր թափանցեց զանազան դասակարգերի բոլոր ծալքերի և բոլոր խաւերի մէջ և երևան հանեց նոր տիպարներ, նոր երևոյթներ: Քննադատութեան ոգին միացաւ արւեստի գեղեցկութեան հետ, և վիպագրութիւնը աւելի իրական հողի վրայ գրւեցաւ: «Մշակի» օրով զաւառական բարբառները ընկան, և գրականական լեզուն առաջին անգամ համարձակութիւն ստացաւ վէպի լեզու լինելու»:

Բաֆֆու վէպերը և վէպիկները.

Բաֆֆու գրական գործունէութիւնը բաժանուում է երկու շրջանի: Առաջինը սկսում է 1860 թ., երբ «Հիւսիսափայլի» մէջ տպւեց նրա անդրանիկ աշխատութիւնը «Աղթամարայ վանք» վերնագրով: Այդ շրջանը տևում է մինչև 1878 թ., երբ լոյս տեսաւ «Չալալէզդինը», որ նոր ուղղութիւն բերեց իր հետ: Երկրորդ շրջանը տևում է մինչև հեղինակի վախճանը:

Երկրորդ շրջանում Բաֆֆին աւելի բեղմնաւոր էր և գրական վաստակները աւելի մշակւած: Բայց առաջին շրջանը ևս ունի իր հետաքրքրութիւնը և արժանաւորութիւնները:

Առաջին շրջան.

Բաֆֆու անդրանիկ գրւածքն է «Աղթամարայ վանքը», որ տպւեց «Հիւսիսափայլի» մէջ: Այստեղ բերւած է հեղինակի խօսակցութիւնը մի վարդապետի հետ: Դուրս է գալիս, որ դա մի տգէտ և խաւարամիտ վանական է, որ թշնամի էր լուսաւորութեան. հայնոյում է Նազարեանին նրա ազատամտութեան համար, չարախօսում է Խրիմեան Հայրիկին նրա գեղեցիկ ձեռնարկութիւնների համար, ցոյց տալով իր ապիկարութիւնը գնահատելու նրա հիմնած գիւղատնտեսական դպրոցը և տպարանը: Նա միևնոյն ժամանակ թշնամի է հայ ազգասէրներին և նրանց է համարում պատճառ ժողովրդի թշւառութեան. ուստի քարոզում է հլու հպատակութիւն: Այդ վարդապետի մէջ Բաֆֆին մարմնացրել է ամենավատթար վանականի տիպը:

Դրանից յետոյ նա գրում էր ոտանաւորներ և պատմւածքներ, բայց հնարաւորութիւն չունէր տպւելու: Նրա անունը յայտնւեց սկսած 1872 թ., երբ նա դարձաւ «Մշակի» աշխատակից և լրագրի էջերում սկսեցին երևալ «Ուղեգրութիւնները Պարսկաստանում» և մանր պատկերները պարսկահայոց կեանքից:

«Ուղեգրութիւնների» մէջ Բաֆֆին նկարագրում է իր մայրենի բնութեան գեղեցիկ տեսարանները և միևնոյն ժամանակ հայ ժողովրդի վիճակը մահմեդական լծի տակ, այն բոլոր հալածանքները, որոնց ենթարկւում էին հայերը պարսիկների ձեռքից: Պարսկահայերի թշւառ վիճակը, զանազան խանութի, բէկերի, ֆարրաշների անիրաւութիւնները, հայ կանանց

ձրի աշխատանքը խաների կալածներում և զրա հետ կապած առևանգում և բռնաբարութիւններ, միւս կողմից՝ զբախտանման երկիր՝ ձոխացած բնութեան գեղեցկութիւններով — անա Բաֆֆու պարսկական պատկերների շարժառիթները: Այդ գրեւծքներում վիպասանը առաջին անգամ բողոքում է ազգի թշնամիների դէմ:

Այժմ ծանօթանանք այդ պատկերների բովանդակութեան հետ:

«Սուլը». Հեղինակը պատմում է մի գարհուրելի դէպք, որ պատահում է Պարսկաստանում 1872 թ., երբ սուլը սարսափելի չափեր էր ընդունել: Սպահանում մի պարսկուհի պառաւ մորթում է մի հայ երեխայի և նրա մտով յագեցնում իր գաղանային քաղցը:

«Կուսագրութիւն»: Այստեղ նկարագրւած է մի այլ չարիք: Պարսկաստանում մի այսպիսի սովորութիւն կար: Երբ նահանգի կուսակալը կամենում էր այցելել Շահին, իր հետ տանում էր ընծայ մի գեղեցիկ աղջիկ: Ներկայ դէպքում գոհը մի նշանած հայ աղջիկ է:

«Մի օրսավար հող». Պատկերը բնորոշում է խաների կամայականութիւնը հայերի վերաբերմամբ: Բէկի յանգուզն որդին իրանց այգում աշխատող հայ կանանցից ընտրում է գեղեցիկ Սօնային և փախցնում: Քաջարի կինը սպանում է պարսկին և իր երեխայի հետ պատսպարւում հօր տանը: Այստեղ նրանց կալանաւորում են:

«Գեղեցիկ Վարթիկ». Այստեղ գրեթէ միևնույն դէպքն է պատահում: Գիւղացի Հայրապետի ընտանիքը ձրի մշակութիւն էր անում խանի այգում: Խանի ստահակ որդին առևանգում է սիրուն Վարթի-

կին: Բայց քաջ աղջիկը հերոսանում է. նրա խէնջաւը խելով՝ վերջ է տալիս կեանքին և փրկում է իր պատիւը:

«Անըստ Հովիտի». Հետաքրքրական է նրանով, որ ցոյց է տալիս, թէ ինչպիսի անտանելի կարգեր էին տիրում պարսից բանտերում, և թէ կաշառքով ինչեր կարելի էր անել:

Բաֆֆին նկարագրում է պարսիկների կեանքը հետևեալ պատմածքների մէջ. «Բիբի Շարաբանի», «Խագ-փուշ» և «Հարեմ»:

«Բիբի Շարաբանին» մի պատմածք է արևապաշտների (զաքր) կեանքից: Պատմողը մի մոգ է, կիսամերկ ձերուհի, որ իր պէի մէջ նստած՝ շարունակ կարգում է Զէնդ-Աւեստա սուրբ գիրքը:

«Խագ փուշը» թէև տպւած է երկրորդ շրջանում, 1886 թ. «Արձագանքում», բայց իր բովանդակութեամբ մօտենում է պարսկական պատկերների սերիային, ուստի այժմ և եթ կիսուենք նրա մասին, և փոքր ինչ աւելի երկար, որովհետև այդ գրեւծքը վերոյիշեալ պատմածքների շարքում կարելի է համարել լաւագոյնը:

Հեղինակը հետևեալ տեղեկութիւններն է տալիս խագփուշների մասին. «Թէհրանում կան թշւառներ, որոնց անւանում են խագ-փուշ (սամոյրենի հագնող): Այդ թանկագին մորթին կրում են պարսից ազնուկանները կամ շատ հարուստները միայն: Իսկ աղքատների մի յայտնի հասարակութիւն կայ, որ ոչինչ հագուստ չունի, բացի ցնցոտիներից: «Խագ-փուշ» կոչելը մի դառն ծաղր է դէպի նրանց վերին աստիճանի թշւառութիւնը: Խագփուշները իրանք ևս մի առանձին պարծանքով այդ անունով են կոչում ի-

րանց մերկանդամ հասարակութիւնը: Նրանք ապրում են մութարով, հագնում են ցնցոտիներ, համարեա կիսամերկ, նոյն իսկ ձմեռայ սառնամանիքներին քնում են մեծ մասամբ բաղնիքների տաք մոխրակոյտերի մօտ: Խաղաղութիւնները սրամիտ են լինում և սաստիկ հեգնող: Կեանքի դառնութիւնը նրանց փրկիստփայ է դարձրել, իսկ անհոգ, ազատ կեանքը—բանաստեղծ... Խաղաղութիւնները ազատամիտ են, ճշմարտախօս և զիտեն աներկիւղ յանդիմանել թէ մեծի և թէ փոքրի և թէ նոյն իսկ թագաւորների թերութիւնները: Նրանց վրէժը շատ անգամ արտայայտւում է նրանով, որ այս կամ այն անձի դէմ յօրինում են ծաղրական երգեր, որոնք շուտով տարածւում են բերանից բերան անցնելով»:

«Խաղ-փուշի» բովանդակութիւնը հետեւեալն է: Մի տարի Թէհրանում սաստիկ սով էր տիրում: Նոյն իսկ փող ունեցողները դժարանում էին հաց ճարել, ուր մնաց խաղաղութիւնների նման աղքատները: Յորենաժաճառները թագցնում էին իրանց ամբարների ցորենը, որպէս զի յետոյ թանգ վաճառեն: Նրանք պաշտպանութիւն էին գտնում շուկայի վերահսկիչներից, որոնք այդպիսով նպաստում էին սովի սաստկանալուն: Շահի մերձաւորները դադարի էին պահում նրանից ժողովրդի աղէտալի դրութիւնը: Եւ ահա խաղաղութիւնների մի անագին, քաղցած բազմութիւն գրոհ է տալիս ցորենաժաճառի տան վրայ, սպանում է տիրոջը, նրա գիակի վրայ աղիւններից բլուր է կանգնեցնում: Ամբարների դռները խորտակւում են խուժանի առաջ, և ցորենը կողոպտւում է: Նոյնպիսի վրէժ են առնում և կաշառակեր վերահսկիչներից: Հետեւեալ օրը պարսիկների կիւրակին էր (ուրբաթ): Շահը, ըստ սովորութեան, իր կանանցով և շքախմբով

պիտի գնար մօտակայ ուխտատեղին աղօթելու: Երբ նա ձի հեծած՝ անցնում էր փողոցով, խաղաղութիւնների բազմութեան հոսանքը կանգ է առնում նրա առաջ ճանապարհի վրայ: Շահը, որ միշտ ուշադիր էր դէպի այդ թշուառ հասարակութիւնը, ակնարկւում է սենեկապետներից մէկին, որ նրանց գոհացնէ: Այդ ժամանակ մի երիտասարդ խաղաղութիւն սկսում է համարձակ պատմել խաղաղութիւնների կատարած ոճիրները և սպասում է Շահի դատաստանին: Բայց արդարադատ Շահը խաղաղութիւններին ճանաչում է անմեղ և խոստանում է պատժել յանցաւորներին:

Հետաքրքրական սիւժետ, դրամատիզմ, յուսահատ, քաղցած խուժանի սարսափելի վրէժը կեղեքիչներից, Շահի մեծահոգութիւնը և արդար դատաստանը—այս բոլորը նկարագրւած է տաղանդաւոր գրչով:

Նշարժը երբորդ գրւածքն է, որի նիւթը վերցրած է պարսկական կեանքից:

Այստեղ հանդէս է գալիս Արևելքը իր մեղկութեամբ և հեշտասէր բարքերով, բոմանտիկական լուսընկայ գիշերներով և սոխակների դայլայլիկներով, երկրային հիւրիներով, որոնց սրտերը հարեմի անմատչելի պարիսպների ետև տրոփում են սիրուց, որի առարկան դրսի աշխարհումն է:

Բաֆֆին նկարագրում է Թէհրանի Շահգադէի հոյակապ ապարանքը իր գեղեցիկ պարտէզներով՝ հովանաւորւած մշտականաչ ծառերով և ծաղիկներով, որոնց մէջ թագաւորում է վարդը. այս ու այն կողմում ցայտուն շատրւաններ և վճիտ աւազաններ: Այդ աւազանների մէջ վաղորդեան պահուն և երեկոյեան վերջալուսին լողանում և զւարճանում են մերկացած կանայք, որոնք նման էին յաւերժահաջս-

րանց մերկանդամ հասարակութիւնը: Նրանք ապրում են մուրալով, հագնում են ցնցոտիներ, համարեա կիսամերկ, նոյն իսկ ձմեռայ սառնամանիքներին քնում են մեծ մասամբ բազնիաների տաք մոխրակոյտերի մօտ: Խազփուղները սրամիտ են լինում և սաստիկ հեզնոզ: Կեանքի դառնութիւնը նրանց փիլիսոփայ է դարձրել, իսկ անհոգ, ազատ կեանքը—բանաստեղծ... Խազփուղները ազատամիտ են, ճշմարտախօս և գիտեն աներկիւղ յանդիմանել թէ մեծի և թէ փոքրի և թէ նոյն իսկ թագաւորների թերութիւնները: Նրանց վրէժը շատ անգամ արտայայտուում է նրանով, որ այս կամ այն անձի դէմ յօրինում են ծաղրական երգեր, որոնք շուտով տարածւում են բերանից բերան անցնելով»:

«Խազփուղի» բովանդակութիւնը հետեւեալն է: Մի տարի Թէհրանում սաստիկ սով էր տիրում: Նոյն իսկ փող ունեցողները դժւարանում էին հաց ձարել, ուր մնաց խազփուղների նման աղքատները: Յորենավաճառները թագցնում էին իրանց ամբարների ցորենը, որպէս զի յետոյ թանգ վաճառեն: Նրանք պաշտպանութիւն էին գտնում շուկայի վերահսկիչներից, որոնք այդպիսով նպաստում էին սովի սաստկանալուն: Շահի մերձաւորները գաղտնի էին պահում նրանից ժողովրդի աղէտալի դրութիւնը: Եւ ահա խազփուղների մի ահագին, քաղցած բազմութիւն գրոհ է տալիս ցորենավաճառի տան վրայ, սպանում է տիրոջը, նրա գիակի վրայ աղիւններից բլուր է կանգնեցնում: Ամբարների դռները խորտակւում են խուժանի առաջ, և ցորենը կոտորուում է: Նոյնպիսի վրէժ են առնում և կաշառակեր վերահսկիչներից: Հետեւեալ օրը պարսիկների կիւրակին էր (ուրբաթ): Շահը, ըստ սովորութեան, իր կանանցով և շքախմբով

պիտի դնար մօտակայ ուխտատեղին աղօթելու: Երբ նա ձի հեծած՝ անցնում էր փողոցով, խազփուղների բազմութեան հոսանքը կանգ է առնում նրա առաջ ճանապարհի վրայ: Շահը, որ միշտ ուշադիր էր դէպի այդ թշուառ հասարակութիւնը, ակնարկում է սենեկապեաներից մէկին, որ նրանց գոհացնէ: Այդ ժամանակ մի երիտասարդ խազփուղ սկսում է համարձակ պատմել խազփուղների կատարած ոճիրները և սպասում է Շահի դատաստանին: Բայց արդարադատ Շահը խազփուղներին ճանաչում է անմեղ և խոստանում է պատժել յանցաւորներին:

Հետաքրքրական սիւժետ, դրամատիզմ, յուսահատ, քաղցած խուժանի սարսափելի վրէժը կեղեքիչներից, Շահի մեծահոգութիւնը և արդար դատաստանը—այս բոլորը նկարագրւած է տաղանդաւոր գրչով:

«Հարսմը» երրորդ գրւածքն է, որի նիւթը վերցրած է պարսկական կեանքից:

Այստեղ հանդէս է գալիս Արևելքը իր մեղիութեամբ և հեշտասէր բարքերով, բոմանտիկական լուսընկայ գիշերներով և սոխակների դայլայլիկներով, երկրային հիւրիներով, որոնց սրտերը հարեմի ամառաչելի պարիսպների ետև տրուիւմ են սիրուց, որի առարկան զբաղ աշխարհումն է:

Բաֆֆին նկարագրում է Թէհրանի Շահադէի հոյակապ ապարանքը իր գեղեցիկ պարտէզներով՝ հովանաւորւած մշտականաչ ծառերով և ծաղիկներով, որոնց մէջ թագաւորում է վարդը. այս ու այն կողմում ցայտուն շատրւաններ և վճիտ աւազաններ: Այդ աւազանների մէջ վաղորդեան պահուն և երեկոյեան վերջալուսին լողանում և զւարճանում են մերկացած կանայք, որոնք նման էին յաւերժահարս-

ների: Հարեմի իշխանը միայնակ նստած է վերնասնունում, լուսամուտի հանդէպ, դէյլանի ծխի անուշ արբեցութեան մէջ, իր փառքի բարձրութիւնից նայում է այդ կախարդական տեսարանին:

Հարեմում տիրում էր խիստ կարգապահութիւն. կանայք գտնուում էին աշայուրջ ներքինիներէ հսկողութեան ներքոյ: Անհաւատարմութիւնը պատժուում էր ամենամեծ խստութեամբ:

Չնայած բոլոր զգուշութիւններին, որոնցով շքր-շապատուած էր այդ երկրային դրախտը, այստեղ ևս բորբոքուում էին կրքեր, վառուում էր արևելեան կրակոտ սէր, տեղի էին ունենում տարփածունների գաղտնի տեսութիւններ, որոնց վերջաբանը լինում էր կամ երջանկութիւն կամ եղերական վախճան:

«Հարեմը» լի է բովանդակական արկածներով: Շահզադէի կանանոցի զարդն է Ձէյնաբ խանումը, որը սակայն հայ ծնողների զաւակ է և մկրտութեան անունը՝ Ալմաստ: Նրա հայրենիքն է Գիւրջխտանի թագաւորանիստ քաղաքը՝ Թիֆլիս: Դեռ ևս օրօրոցում ծնողները նշանել էին նրան մի սքանչելի դէմքով պատանու՝ Միխակի հետ: Նրանց սէրը տաք էր և վառվառն: Բայց մի դժբախտ դէպք նրանց անջատում է երկար ժամանակով. նրանք երկուսն էլ գերի են ընկնում պարսից զօրքի ձեռքը, երբ ԱղաՄահմեդ-խանը զբոհ տւեց Թիֆլիսի վրայ, կրակեց քաղաքը, կոտորեց և կոտորեց բնակիչներին և ահագին քանակութեամբ գերիներ—մանկահասակ աղջիկներ և պատանիներ—քշեց Պարսկաստան: Ալմաստը բաժին է ընկնում թագաւորի գլխաւոր զօրապետ Շահզադէին:

Չնայած, որ Ալմաստը ապրում էր համարեա դրախտում, միշտ ախուր էր և մաշուում էր իր անմո-

ուանալի Միխակի սիրոյ կարօտից: Մի քանի տարւայ անջատումից յետոյ բախտը հանդիպեցնում է սիրահարներին—Շահզադէի այգում: Միխակը նոյնպէս Աղա Մահմեդ-խանի գերիներից էր, նրան ևս մահմեդական էին դարձրել և անունը դրել Քէրիմ-բէկ: Այժմ նա կառավարիչ էր քաղաքի զօրապետ ՍարՍաքերի կալածների և նշանուած էր նրա աղջկայ հետ:

Ալմաստը և Միխակը տեսակցելով այգում, խորին կարօտով գրկախառնուում են, և իրանց ազատութեան համար ծրագիր կազմում: Ալմաստը իր նպատակին ծառայեցնում է իր խափշիկին և նրա սիրեկանին, նրանց երկուսին էլ խոստանում է ազատութիւն: Գծադրւած ծրագրերը գեղեցիկ կերպով իրագործւում է: Միխակը և Ալմաստը ազատուում են գերութիւնից և զանազան արկածներով համնում են իրանց քաղցր հայրենիքը:

Այժմ ծանօթանանք այն պատուածքների հետ, որոնց մէջ դուրս են բերւած թիֆլիսեցոց բարքերը: Դրանք են՝ «Ուխտեալ միանձնուհի», «Անմեղ վաճառք», «Տնային փեսայ»:

Միանձնուհին մի կենսուրախ, չնաշխարհիկ էակ «Ուխտեալ էր, որ ծնւած էր երջանկութեան համար: Ներշնչւած միանձնու- ուսուցչի շերմ սիրով, նա տենչում էր միանալ և հի».
ձուլել նրա հետ: Բայց անագորոյն ծնողները նրան փակում են կուսանոցի մուայլ խցի մէջ, ուր նա իր սիրեցեալի կարօտից հալ ու մաշ լինելով թառամում է, ինչպէս ծաղիկ՝ զրկւած արեւից և լոյսից: Այդ հոյակապ կեանքը խորտակում են անգութ ծնողները: Հայրը նախկին հասարակ ծառայող էր, գողերի և աւազակների ընկեր, հարստացել էր կաշառքով, վաշխառութեամբ և աղքատների վերջին կոպէկները

խլելով: Նրա կինը նշանաւոր գերդաստանների շրջանում երևելի միջնորդի դեր էր կատարում և առատ հունձեր ժողովում: Երկուսն էլ կեղծաւոր փարիսեցիներ էին: Մայրը ծննդաբերութեան զժլար բուպէին ուխտ է անում Աստծուն՝ եթէ ծնունդը արու լինի, նրան մի վանքում նւիրել ճգնաւորութեան, իսկ եթէ աղջիկ, ընծայել կուսանոցին, որ սուրբ Աստուածանի աղախինը դառնայ: Զնայած այդ ամուսինների կեղտոտ անցեալին, այնուամենայնիւ նրանք բարեպաշտ քրիստոնէաների համբաւ ունէին, որովհետև իրանց միակ աղջկան նւիրեցին Աստծուն և, բացի այդ, սրբութեամբ կատարում էին արտաքին ծէսերը՝ պաս, ծոմապահութիւն, աղօթք: Սակայն շատերը չը գիտէին, որ նրանց արտաքին բարեպաշտութեան քօղի ներքոյ ինչպիսի փարիսեցիութիւն էր թագնւած. չգիտէին, որ նրանք խլում էին աղքատների վերջին կոպէկը և այդ փողով մոմեր վառում սուրբ պատկերների առաջ:

Քարասիրտ ծնողներին յայտնի էր իրանց դստեր հիւանդութեան պատճառը, բայց դա նրանց գութը չէր շարժում: Բժիշկը նրանց առաջարկում է հիւանդ աղջկան հեռացնել կուսանոցից, իբրև նրա փրկութեան միակ միջոց, այդ ևս չէ ազդում, և թշուառ աղջիկը մեռնում է իր պաշտելի ուսուցչի զրկում:

«Անմեղ վաճառք»-ի մէջ Բաֆֆին ներկայացնում է որոշ դասակարգի բարոյական պատկերը յանձին բօշա Առաքելի, որ քաղաքի ամենահարուստներիցն էր, բայց իր բնաւորութեամբ փուշ և անպիտան մարդ էր: Իր տները և կարողութիւնը ձեռք էր բերել կեղծ անանկութեամբ և վաշխառուական տոկոսներով: Իր գեղիս կեանքի համար ոչինչ չէր խնայում, իսկ բարեգործութիւնը նրան օտար էր:

Աղքատի թաղման համար դիմողները մերժում են ստանում: Ծառային արտաքսում և ոռճիկը կտրում է մի առարկայ կտրելու համար: Երեխայի ձեռքից խլում է փողոցում հաւաքած փայտի կտորները, որով նա պիտի տաքացնէր իրանց ցուրտ խրճիթը:

Միևնոյն ժամանակ նա բռնակալ էր իր գերդաստանում: Մի կին ունէր նա, որ իր առաքինութեամբ ամենքից յարգւած էր. միակ անձը, որ նրան ատում և հալածում էր, նրա անարժան ամուսինն էր: Բայց այդ բոլորը չէ: Բօշա Առաքելը վերին աստիճանի վաւաշտ մարդ էր և իր հեշտասիրութեան զոհում է մի մանկահասակ կոյս:

Գարշելի կաւատի միջոցով համնում է իր պիղծ նպատակին, բայց այդպիսով կործանում է մի ամբողջ ընտանիք: Հիւանդ մայրը մեռնում է խրճի խայթոցից, որ ստիպւած ծայրայեղ կարիքից՝ վաճառեց անմեղ աղջկան. աղջիկը վերջ է տալիս կեանքին կուր գետում. անտէր մանկանը սպասում էր կորուստ:

Բաֆֆին կարծես ուզում է ասել իր այս պատմւածքով, թէ անա ուր է հասցնում մեծ հարստութիւնը, եթէ նա գտնւում է փուշ մարդկանց ձեռքում, և ուր ծայրայեղ կարիքը, որի ճիրանների մէջ տանջւում են խեղճերը: Երկուսն էլ տանում են դէպի անբարոյականութիւն:

Այստեղ Բաֆֆին դուրս է բերում իրականութիւնը իր բոլոր մերկութեամբ և որոշ մտքով Զօլայի հետևող է: Նոյն ոգով են գրւած և երկու ուրիշ վէպեր՝ «Զահրումար» և «Մինն այսպէս, միւսը այնպէս», որոնց մէջ հեղինակը ներկայացնում է Թիֆլիսի հասարակութեան այն միջավայրը, ուր տիրում է գեղխութիւն, գւարճութիւնների անյազ ծաւալ, շոտլ կենցաղ, օտարամոլութիւն: Սակայն դը-

բանց վրայ մենք աւելորդ ենք համարում երկար կանգ առնել, քանի որ ինքը հեղինակն էլ իր կենդանութեան օրով արժանի չհամարեց տպել. «Զարհու մարը» լոյս տեսաւ նրա մահից յետոյ: Զարժէ խօսել և այն գրածքների մասին, որոնք անձնական կրքով տողորւած՝ մի մի պարսաւագիրներ են: Օրինակ, «Քաւտաոր», ուր նա ծաղրում է «Մեղու Հայաստանի» խմբագրին և նրա աշխատակիցներին, «Թաթոսները», որի մէջ նա տալիս է հայ ուսանողութեան միակողմանի նկարագիրը, «Են Ֆէլիէտօնիստ չեմ», ուր նա իր հին հաշիւներն է տեսնում ազուրեցոց հետ: Այս բոլորը աւելորդ անգամ ապացուցում է, թէ նրան ուժեղ էր կիրքը նոյն իսկ մեր աչքի ընկնող հեղինակների մէջ:

Ամփոփելով առաջին շրջանը, մենք գալիս ենք հետևեալ եզրակացութեան: Բաֆֆին այդ տարիներում իրականութիւնը միացնում էր բոմանտիկական ուղղութեան հետ: Այդ ժամանակ նա ծառայում էր աւելի գեղարւեստին, քան թէ իր սեփական միտումներին: Միևնոյն ժամանակ նա յայտնագործում էր արդէն իր տաղանդի նշանները՝ հարուստ բովանդակութիւն, նիւթերի գեղարւեստական մշակութիւն և մի լեզու, որ թէև սկզբում ներկայացնում էր խառնուրդ զանազան ձևերի, բայց հետզհետէ կոկլելով զարձաւ մի գեղեցիկ վիպական լեզու:

Նրկորդ շրջան.

Այժմ Բաֆֆին թողնում է մանր պատմածքները և սկսում է գրել խոշոր վէպեր: Միևնոյն ժամանակ մտցնում է նոր, տենդենցիօզ ուղղութիւն, որ

այնուհետև սկսում է տիրապետել: Այժմ նրա վէպերի դիւսաւոր շարժառիթը կազմում են Ռուս-տաճկական պատերազմի անցքերը, որոնք առաջ բերեցին Հայոց հարցը: 1878 թ. մի նշանաւոր տարեթիւ էր, որովհետև առաջին անգամ ամենացայտուն կերպով հրատարակ հանւեց ազգային խնդիրը և իր վրայ դարձրեց եւրոպացոց ուշադրութիւնը: Ինքն ըստ ինքեան ծագում էր հարց՝ մինչև երբ պիտի շարունակւի հայ ազգի տառապանքը և ի՞նչ կարելի էր անել նրա թշուա կացութեանը վերջ տալու համար:

Ահա ինչպիսի հարցեր դարձան Բաֆֆու մտատանջութեան առարկայ և ամբողջովին յափշտակեցին նրա էութիւնը:

Բաֆֆին քաջ ծանօթ էր Հայաստանի անցեալին և ներկայ վիճակին. գիտէր նրա թշուաութեան բուն պատճառները: Այժմ նրան զբաղեցնում էր մի կարեւոր խնդիր. ի՞նչ միջոցներով կարելի էր ստեղծել ազգի համար ապահովութիւն և ինքնակրթութեան նպաստաւոր պայմաններ: Դրանց պատասխանը Բաֆֆին տալիս է մի շարք աշխատութիւնների մէջ:

«Զալալէղուն».

«Զալալէղունով» սկսում է այն տրիլոգիան, որ հռչակեց Բաֆֆու անունը:

Վէպի հիմքում գրւած են մի քանի միջադէպեր վերջին Ռուս-տաճկական պատերազմից-Պարսկաստանի սահմանակից Աղբակ գաւառում տեղի ունեցած բարբարոսութիւնները, որոնց զրդիչն էր քրդերի կրօնապետ Շէյխ-Իբրահիմը, իսկ կատարածողը՝ Շէյխ-Զալալէղունը, որ մի կատաղի բազմութեան

հոգևոր պետ և զօրավար էր: Աղբակի դաշտերից մէկում իր բանակի առաջ թամբերից կազմեած ամբիոնի վրայ բարձրանալով և կարմիր դօշակը բռնած, նա սկսում է իր քաջալերական, գրգռիչ ճառը, որը ելեկտրական ուժի ներգործութիւն է ունենում տանեակ հազար զինեած խուժանի վրայ: Մահմեդի և նրա յաջորդների անուշով օրհնելով իսլամի հաւատացեալներին, նա կոչ է անում դէպի պատերազմ կրօնի թշնամիների դէմ: «Նրանց կայքը, կեանքը, ընտանիքը, և ամեն ինչ, որ պատկանում է անհաւատներին, Աստուած մասնում է ձեր ձեռքը: Յափշտակեցէք, կողոպտեցէք, այրեցէք և կոտորեցէք, որքանով կլիանայ ձեր սիրտը: Աւարը և իր կրօնի թըշնամիների արիւնը Աստուած հալալ է անում սուրբ պատերազմի զինուորներին»: Քաջալերելով զօրքին, Շէյխը միևնոյն ժամանակ խոստանում էր առատ վարձատրութիւն՝ ընկածներին Մահմեդի խոստացած դրախտը, կենդանի մնացածներին՝ աւարից հարուստ բաժին: Մոլեռանդ քարոզչի ազդեցութեան տակ բորբոքում են հօրդայի գազանային բնազդները և քրիստոնեաների արեան ծարաւը:

Մի այդպիսի կատաղի, անհամբեր բազմութիւն Շէյխ-Ջալալէդդինի առաջնորդութեամբ գրոհ է տալիս Աղբակի գիւղերի վրայ: Փոթորկի նման անցնելով մի ծայրից մինչև միւսը, նրանք թողնում են իրանց ետևից արիւն և աւեր: Ջալալէդդինի արշաւանքը Բաֆֆին համեմատում է մի սարսափելի հեղեղի հետ, որ մի անգամով չէ վերջանում, որ գալիս է, յետոյ ընդհատում է, և կրկին կատաղի հեղեղը սաստկանում է նոր և նոր յորձանքով:

Աննկարագրելի են քրդերի բարբարոսութիւնները: Քսան և չորս հայ զիւղեր պլպլում էին բոցերի

մէջ. ամեն տեղ սփռում էին կոտորած և աւեր: Մոլեռանդութիւնը դրանով չէր բաւականանում: Նրանք պղծում էին քրիստոնէական սրբութիւնները և կողոպտում թանկագին անօթները: Բայց այն, ինչ որ տեղի ունեցաւ Բարդուղիմէոս առաքեալի վանքում, վեր է ամեն մի նկարագրութիւնից: «Գեղեցիկ տաճարը, որ Լուսաւորչի դարից էր հասել, բոլորովին մերկացել էր իր փառահեղ զարդարանքից. նրա հոյակապ կամարների ներքոյ տիրում էր դատարկութիւն միայն. ո՛չ խաչեր, ո՛չ գրքեր, ո՛չ պատկերներ, ո՛չ ջահեր, ո՛չ ինչ չէր երևում. սուրբ սեղանը ներկայացնում էր սպանդանոցի նման մի բան, որ շաղախեալ էր արիւնով... Տաճարի մի կողմում կապած են ձիաներ, միւս կողմում բորբոքում է խարոյկը: Կրակի մէջ քրդերը տաքացնում են շամփուրներ և պղնձէ թասեր: Կարմրած շամփուրներով դահիճները խաչաձև դաղում էին գերիների կուրծքը և մարմնի միւս մասերը, որով դժոխային տանջանքներ պատճառում նրանց, խոր հառաչանքներ խլելով նրանց կրծքից. պղնձէ թասերով պսակում են քահանայի գլուխը»: Այդ վայրագութիւնից առաջ նրանք սպանել էին Բարդուղիմէոսի վանահայր Եղիազարին, որը ժողովրդի կողմից գնացել էր Շէյխի բանակը գթութիւն հայցելու:

Այն ժողովուրդը, որի գլխին կատարում էին այդ բարբարոսութիւնները, առանց դիմադրութեան, ոչխարների պէս խոնարհում էր իր գլուխը քրդական սրի տակ. նրա միակ զէնքը լացն էր և աղաչանքը, բայց այդ ևս չէր օգնում: Ամենքը զգում էին իրանց անզօր կուելու արիւնուռչա թշնամու դէմ:

Սակայն Բաֆֆին չէր կարող հաշտել այդ սարսափելի իրականութեան հետ: Նրա հոգին վրդովում

էր, տեսնելով, որ մի ամբողջ ժողովուրդ նահատակ-
ւում է գազանաբարոյ ցեղերի ձեռքով՝ անձայն և
անբարբառ: Եւ ահա նա վճռում է՝ գոնէ իր երես-
կայութեան մէջ՝ աւազակային խմբերի դէմ կանգնե-
ցնել մի ընդդիմադիր ոյժ յանձին Սարհատի: Եւ այս-
պիսով ծնունդ է առնում առաջին հերոսը Բաֆֆու
գաղափարական գործիչների շարքում:

Սարհատ

Սարհատը դեռ ևս մանկական հասակում աչքի
էր ընկնում իր ըմբոստ բնավորութեամբ, որի համար
և արտաքսւեց հայրենական տնից. հայրենակիցների
մէջ ևս ընդունելութիւն չգտաւ: Ուստի և ինքն էլ
երես դարձրեց ամենքից, գնաց դարձաւ նախ արկա-
ծախնգիր թափառական, իսկ յետոյ աւազակ, որպէս
զի այդպիսով իր վրէժն առնէ վատթար մարդկան-
ցից: Տասը տարի հեռացած էր հայրենիքից: Նա իր
ձեռքի տակ ունէր մի խումբ, որ բազկացած էր
տասներկու հոգուց: Նրանց մէջ կային սասունցիք,
զէյթունցիք, շտախեսցիք և դիարբէքիւրցիք: Նրանց
մէջ կար մի քահանայ (Դալի-Բաբա) և մի վարժա-
պետ (Քիթաբ-Դալիսի): Սարհատի խումբը կազմւած
էր քրդի կերպարանքով և գործում էր քրդի ա-
նունով, որպէս զի հայերին վնաս չհասնի: Երբ Սահ-
րատին հասաւ Ջալալէզզինի արշաւանքի լուրը, իս-
կոյն իր ընկերներով Դիարբէքիւրից շտապեց դէպի
Աղբակ: Նա եկաւ փրկելու ոչ իր հայրենիքը, ոչ, գա
իր ոյժից վեր էր: Նա ինքն էլ սպասում էր գալիք
աղէտին, աչքի առաջ ունենալով հայի երկչոտու-
թիւնը:

Նա եկաւ փրկելու մէկի կեանքը: Դա գեղեցիկ
Սալին էր, նրա սիրուհին: Եւ ահա նա իր քայլերն
ուղղում է դէպի հայրենի գիւղը: Ճանապարհին նա
ականատես է գարհուրելի տեսարանների: Ահա քուրդ

ձիաւորներ, որոնց նիզակներից կախւած էին սպան-
ւած կանանց պատառոտած շորերի ծւէնները: Ահա
կոտորածից փախչող ընտանիքներ: Մի գիւղացի իր
կնոջ հետ. նա աանում է գրկումը սեղմած մի փոք-
րիկ երեխայ. արիւնը նրա ճակատից թափւում էր
երեսի վրայ, և այնտեղից կաթկաթում էր երեխայի
գլխին: Նրա կողքին գնում էր կինը և ձեռքից բռնած
տանում էր մի փոքրիկ աղջիկ: Ամուսինները բոլո-
րովին ուժասպառ՝ հազիւ կարողանում էին քայլել:
Բայց պիտի շտապեն, որ քրդի գնդակը չհասնի:
Սարհատի աչքի առաջ բացւում են նոր և նոր տե-
սարաններ: Ահա հեռու՝ հորիզոնում պլպլում են հրը-
գեհւած գիւղեր, վերևում երկինքը շառագունել է
նրանց բոցից: Միւս կողմից երևում են ձողերի վը-
րայ շամփրած մարմիններ: Դրանք հայ հոգևորական-
ների մարմիններ են:

Սարհատը արդէն իր ծննդավայրումն է և կանգ-
նած է հայրենի տան առաջ, ուր նա թողել էր իր
ընտանիքը: Այժմ այնտեղ գերեզմանային լուսթիւն
էր տիրում: Սակայն նրա ականջին հասնում է մի
խուլ անքոց: Շտապում է դէպի ձայնը—նրա առաջ
վիրաւոր հայրը: Ծերունին ուզում է վերջին անգամ
սեղմել որդուն, բայց որդին քար էր կտրել, և լուում
են միայն նրա անէծքները. «Հայր, դու արժանի ես
այդ վախճանին, որ դու ինքդ պատրաստեցիր. դու
միշտ քարոզում էիր հլու հպատակութիւն, այժմ վա-
յելիր քո սարկական քարոզի պտուղը»:

Իր ծննդավայրին հասած աղէտների մանրամաս-
նութիւնները նա իմանում է քուրդ հովիւից: Մսո-
ին յաջողւում է կոտորածից ազատել Սարհատի եղ-
բօրը և քոյրերին: Այդ հաւատարիմ քուրդը գժւար
դէպքերում միշտ օգնութեան էր հասնում իր տիրոջը:

Վերջինս նրա միջոցով կանչում է ընկերներին Սախկալ-Թուրքանի մօտ, ուր անակնկալ յարձակումով ջարդ են տալիս քրդերին և հայ գերիներին ազատում: Սարհատի խումբը երկրորդ յաղթանակը տանում է ս. Բարդուղիմէոս առաքելի վանքում: Նրա վերջին գործը Ջալալէդդինի բանակի հետ էր, որ իջևանել էր Ղանլի-Դարա ձորում (Սրիւնոտ ձոր): Այդ ժամանակ պատերազմը վերջացել էր. Ջալալէդդինի զօրքից մնացել էին միայն խղճուկ բեկորներ: Այժմ ևս քուրդ հովիւր օգնութեան է հասնում: Սպանելով փաշայի սուրհանդակին, խլում է կարևոր նամակը և անձամբ հասցնում Շէյխին: Այստեղ իմանում է, որ Սարհատի եղբայրը, քոյրերը և Ասլին գտնուում են Շէյխի բանակում:

Երբ Սարհատն իր խմբով մօտենում է Ղանլի-Դարային, նրանց առաջ ներկայանում է հետևեալ տեսարանը: Մի կողմում թմբուկներ և զուռնաներ էին ածում, միւս կողմում պար էին ածում մերկացրած կանանց: Ողորմելի արարածները յանձն էին առել այդ խայտառակ պարահանդէսը իրանց զերիչների ստիպմամբ: Ամօթը, անպատուութիւնը նրանց հասցրել էր կատաղի խելագարութեան: Սակայն կանանց սևռի անարգած պատիւը և տանջանքները չէին մեղմացնում, այլ աւելի բորբոքում էին գերիչների վայրենի կրքերը:

Այդ քստմնելի տեսարանին ակննատես էր Սարհատը իր ընկերներով: Տնայած, որ կռիւր Շէյխի բանակի հետ էր և Ասլու ու քոյրերի կեանքը ենթարկւում էր վտանգի, Սարհատը իր անձնականը զոհում է և յանուն անպատուած կանանց հրամայում է վրայ տալ: Անակնկալ յարձակումը տեղի է ունենում կայծակի արագութեամբ: Անմիջապէս հանգչում

են ջահերը, և ընդհանուր խաւարի մէջ սկսւում է սարսափելի կոտորած: Կրդերը ահազին թւով զոհեր են տալիս. բայց և այնպէս Սարհատի խումբն էլ գրեթէ ոչնչանում է: Ընկերներից մնում են երեքը, այն էլ վիրաւոր: Սարհատը ևս ծանր վիրաւորւում է, բայց նրան իր սիրելիների հետ ազատում է Մըստօն: Հովւի վրանում, որ գտնւում էր Սիփան լեռան ստորոտում, մի փոքրիկ վտակի կանաչազարդ եզերքին, շրջապատւած իր հարազատների հոգացութեամբ՝ մեռնում է քաջ հերոսը:

«Ջալալէդդինի» հիմքում զրւած է պատմական իրողութիւն: Շէյխ-Ջալալէդդինի արշաւանքը, նրա հրոսակների ասպատակութիւնները և բոլոր վայրագութիւնը, միւս կողմից՝ հայերի կրած տառապանքը, մարտիրոսութիւնը և հազարաւոր փախստականների դաղթը—այդ բոլորը վերցրած է իրականութիւնից: Բայց զրանից դուրս այստեղ կայ շատ բան, որ ծրնունդ է առել հեղինակի երեակայութեան մէջ: Որքան յայտնի է, Ջալալէդդինի արշաւանքի ժամանակ հայերի կողմից ոչ մի դիմադրութիւն չէ եղած, և ուրեմն Սարհատն իր ընկերներով և նրանց կռիւները քրդերի և Շէյխի բանակի հետ տեղի չեն ունեցել: Սակայն Բաֆֆին ցանկալի և անհրաժեշտ էր համարում Սարհատի նման հերոսներ, և ահա իր գաղափարները մարմնացնելու և իրական դարձնելու համար, ստեղծում է իդէալական անձնաւորութիւններ: Սարհատը հանդիսանում է որպէս հեղինակի մտքերի թարգման և որպէս նախատիպ մի շարք գաղափարական հերոսների, որոնց հանդիպում ենք «Սենթի» և «Կայծերի» մէջ:

«Խենթ».

Առաջին էջերում արդէն մենք ներկայ ենք Ռուս-թուրքական պատերազմի մի հետաքրքրական մոմէնտին, երբ Բայազէտը պաշարւած էր թուրքաց զօրքով և խառնիճաղանճ բաղմութեամբ: Քաղաքը դարձել էր գեհէն, հայոց թաղերում տեղի էր ունենում կոտորած և կողոպուտ: Միջնաբերդում ամրացել էին սակաւթիւ զինուորներ և նոյնքան հայ-թուրք կամաւորներ: Իրութիւնը անտանելի էր. իւրաքանչիւր տակաւ շուրը մի քանի զոհեր էր խլում: Միակ ելքն էր՝ դիմել դրսի օդնութեան: Զինուորական խորհուրդը վճռում է բերդի անել զրութեան մասին տեղեկացնել գեներալ Տէր-Ղուկասովին: Այդ վտանգաւոր յանձնաբարութիւնը կատարում է մի քաջ երիտասարդ, որ քրդի կերպարանքով և խենթի դեր կատարելով՝ յաջողութեամբ անցնում է թշնամու բանակը: Իր առաքելութիւնը կատարելուց յետոյ գնում է մէկի կեանքը փրկելու: Այդ հերոսը Վարդանն էր, որ յայտնի էր «Խենթ» անունով, իսկ նա, որի կեանքը փրկել էր ուզում, տանուտէր Խաչօի գեղեցիկ դուստր Լալան էր: Պատերազմից առաջ Վարդանը ապրում էր Խաչօի կեցած գիւղում և վայելում էր Լալայի սէրը: Ոչինչ չէր կարող խորտակել նրանց սէրը, բացի միայն տարերային ոյժից:

Իր առաքելութիւնը յաջողութեամբ պսակելով, Վարդանը գնում է այն գիւղը, ուր ապրում էր նրա ընտրեալը: Բայց նրա առջև բացւում է մի տխուր ատեսարան: Այն հովիտը, ուր մի քանի շաբաթ առաջ եռում էր ուրախ կեանք, այժմ դարձել էր «սգաւոր անապատ»:

Խաչօի քուրդ հովիւներից նա իմանում է կոտորածի մանրամասնութիւնները: Երբ պատերազմը վերջացաւ և ուսաց զօրքը յետ դարձաւ Ռուսաստան, Ալաշկերտը մնաց նորից թիւրքիայի իշխանութեան ներքոյ և դարձաւ բարբարոսութիւնների ասպարէզ. ժողովրդի մի մասը կոտորւեց, միւս մասը գերի տարւեց, և հազարաւոր ընտանիքներ գաղթեցին Ռուսաստան: Նրանց մէջ կարող էր լինել և Խաչօի ընտանիքը: Եւ ահա Վարդանը Վաղարշապատումն է, որոնում է իր թանկագին կորուստը: Որոնում է, բայց գտնում է միայն նրա թարմ հողազամբարանը: Մերթ գրկելով, մերթ համբուրելով այդ սրբավայրը՝ նա մրմնջում էր մի քաղցր անուն: Եւ ահա սրտամորմոք և ասնջւած՝ նա ընկղմւում է երազային աշխարհը: Նրա աչքին երևում է Ալաշկերտը բոլորովին կերպաբանափոխւած: Աւերակ և անապատ դարձած գիւղը այժմ վերանորոգւած՝ մի դրախտ էր դարձել: Ողորմելի գեանափոր խրճիթների տեղ՝ կառուցւած էին ձիւնի պէս սպիտակ քարաշէն տներ, շրջապատւած գեղեցիկ պարտէզներով: Լայն և ուղիղ փողոցները հովանաւորւած էին մշտականաչ ծառերով, որոնց մօտով վազում էին բիւրեղի նման յստակ առուները: Եւ այսպէս ամեն ինչ կրում էր զարգացած քաղաքակրթութեան դրոշմ: Գիւղացոց կենցաղը, սովորութիւնները, բարքերը, եկեղեցական աբարդութիւնները, զպրոցական կրթութիւնը, ներքին կառավարութիւնը — բոլորը յիշեցնում էր եւրոպական բարեկիրթ վիճակ: Այստեղ այժմ աշխատանքը օրհնւած էր, վաստակը չէր յափշտակւում անգութ հարստահարչի ձեռքով: Նոյն իսկ քրգերի անունը մոռացուել էր և նրանք յիշատակւում էին միայն պատմու-

Թեան մէջ, իբրև «երկաթէ դարի» բարբարոսներ:

Վարդանի երազը միևնոյն ժամանակ հեղինակի երազն է. վերանորոգած Ալաշկերտը նրա իդէալական գիւղն է:

«Նենթի» «Նենթի» մէջ ընթերցողը նախ և առաջ ծանօկենցազաթանում է Ալաշկերտի հայ ժողովրդի հետ: Բաֆֆին գրական մեր առաջ ներկայացնում է հայ գիւղերից մէկը, որ աւրժանիբը աչքի էր ընկնում իր գեղեցիկ դիրքով, գտնուում էր հովտի մէջ, «ուր բնութիւնը չէր խնայած այն բոլոր նկարները, ինչ որ պէտք էին նրան գեղագարդելու համար»: Գիւղի բոլոր աներից թէ իր մեծութեամբ և թէ իր հարստութեամբ որոշուում էր տանուտէր Սաչօի բնակարանը; ուր ապրում էր մի մեծ նահապետական ընտանիք՝ վեց ամուսնացած որդիներով, հարսներով, թոռներով: «Սաչօն իր աչքի առջև տեսնում էր մի քանի սերունդ, որ ապրում էին միասին, որ կազմում էին մի փոքրիկ աշխարհ»:

Աստծոյ օրհնութիւնը անթիւ բարիքներ էր թափել այդ օջախի վրայ: Այս անից ամեն առաւօտ քշում էին դէպի նախիրը հարիւրի չափ կովեր, գոմէշներ, եզներ և ձիաներ. այս տանն էին պատկանում նաև հազարի չափ ոչխարներ: Այս տանն էին պատկանում գեղեցիկ ջրաղացը, ձէթի գործարանը, ընդարձակ արօտատեղերը և վարձյաճողերը: Ընտանիքի բոլոր անդամները, բացի մանուկներից, աշխատում էին, որի շնորհիւ ասնուտէր Սաչօի ամբարները լիքն էին լինում ցորենով, իւղով, ձէթով և գինով: Ամբողջ ընտանիքը ապրում էր նախնական պարզութեան մէջ, միևնոյն յարկի տակ և միևնոյն սենեակում: Այստեղ պատրաստում էին կերակուր, այստեղ ուտում և քնում էին: Այստեղ խառնուած էին երեխաների հետ հորթեր, ուլեր և հաւեր:

Կատարեալ Նոյի տապան:

Տանուտէր Սաչօի տան բարիքը վայելում էր ոչ միայն բազմամարդ գերդաստանը, այլ նրա զոները բաց էին միշտ նաև հիւրերի առաջ: Գրգերի ցեղապետ Փաթթահ-բէկը իր բազմաթիւ շքախմբով նրա մշտական հիւրն էր և միշտ վերագառնում էր թանկագին ընծաներով. մշտական հիւրերից էր և միւս հարստահարիչը, հոչակաւոր Թոմաս Էֆենդին: Բայց և այնպէս Սաչօի հարստութիւնը չէր սպառուում, և ամբարները դարձեալ լիքն էին:

Գիւղական դէմքեր.

Գիւղական դէմքերի մէջ աչքի է ընկնում տանուտէր Սաչօն, գերդաստանի նահապետը: Նա իր անհամար հարստութիւնը զիզել էր իր սեփական և անհամար հարստութիւնը զիզել էր իր սեփական և Սաչօ. իր որդոց աշխատանքով: Զաւաճեալ հասակում տակաւին առոյգ ծերունի էր և պահպանել էր իր առողջ գատողութիւնը: Զաւագանց բարի, հիւրասէր զիւղացի էր, և սեղանը բաց էր ամենքի առաջ: Նախանձախնդիր լինելով իր արժանապատուութեան, նա սակայն կարող անձանց առաջ ցոյց էր տալիս իր տարիքին ոչ այնքան վայել խոնարհութիւն և հլու հպատակութեամբ, անարտունջ կատարում էր նրանց տնարդար պահանջները: Այդպէս էր վարւում, օրինակ, Փաթթահ-բէկի նման աւագակապետի և Թոմաս Էֆենդու նման կեղեքիչի հետ: Սակայն այդ չափագանց մեծ զգուշութիւնը, որ հասնում էր երկչոտութեան և որ ժողովուրդը համարում էր «խոհեմութիւն», իրօք տանուտէր Սաչօի բնածին յատկութիւնը չէր, այլ զարգացել էր նրա մէջ շնորհիւ այն հանգամանքի, որ միշտ կախած է եղել ուժեղ անձերից, որոնք բացի իրանց քամահանքից ուրիշ օրէնք չեն ճանաչում: Այդ խոնարհութիւնը առաւելապէս մի քաջաբաղխութիւն էր, որ նրա ձեռքին ծառա-

յում էր, որպէս միակ միջոց իր գերդաստանի կեանքը և իր ստացւածքը ապահով պահելու ամեն պատահարներին: Սակայն այդ գառամեալ ծերունու մէջ գեղեցիկ յատկութիւնները երևան էին գալիս զբժբախտութիւնների ժամանակ: Երբ նա Թումաս էֆենդուն դեռ ևս լաւ չէր ճանաչում, պատրաստ էր իր մանկահասակ աղջկան տալ նրան կնութեան, չնայած նրա տարիքին. այդպիսով նա կարող էր ձեռք բերել մի կարող հովանաւոր: Բայց յետոյ, երբ նրա առաջ բացւեց այդ անբարոյական մարդու խաւար անցեալը, նա ոչ միայն մերժում է, այլ թողնելով վախը՝ սկսում է մերկացնել նրա զարշի արտօքները և բանտ նստելով՝ ըմպում է դառնութեան բաժակը:

Խաչօի ամենաարժանի գաւակն էր Հայրապետը: Երբ նա իմանում է Ֆաթթահ-բէկի շար դիտաւորութիւնը՝ փախցնել Հալային՝ գայրացած կշտամբում է հայերի երկչոտութիւնը. «Մենք վաստակում ենք, նրանք ուտում են... մենք գեղեցիկ աղջիկներ ենք հասցնում, նրանք են վայելում մեր աղջիկների սէրը»: Նրա հետ համաձայն է միւս եղբայրը, ուստի առաջարկում է եղբայրներին միանալ և, յարձակման դէպքում, կուել Ֆաթթահ-բէկի հետ: Սակայն այդպէս չէին մտածում միւս երկու եղբայրները: Նրանցից մէկը ասում է. «Մէկ քոյր ունենք, թող չլինի. դա մեծ ցաւ չէ: Ինչո՞ւ մեր գլուխը պէտք է մահի տանք նրա համար»:

Հայրապետը, որ վեց եղբայրներից ամենագարգացածը և աշխարհ տեսած մարդ էր, Սալմանի նման գործիչներին համակրող, իր գաղափարակից եղբոր հետ ձերբակալում է, Թումաս էֆենդու ցուցմունքով, և երկուսն էլ նահատակում են բանտում:

Բացասական տիպերի մէջ ամենից յաջողած է Թումաս էֆենդին, որ պետական հարկահան է (մուլթէզիմ): Տէրութեան վճարած կապալադրամը նա կորզում էր ժողովրդից կրկնապատիկ և եռապատիկ ակելի: Ամբողջ շաբաթներով մնալով տանուտէր Խաչօի տանը, վայելում էր նրա բարիքները: Իր դիրքը մեծացնելու համար նա դիմում էր ամենաստոր միջոցների: Պարծենում էր, որ Բօսֆօրի ափերում հարուստ պալատներ ունի, որ Ներսէս պատրիարքը և Նուբար փաշան նրա մտերիմ բարեկամներն են: Նա ինքը հոգով թուրք էր և հայ ազգասէրների թշնամին. նրանց դէմ գործում էր մասնութեամբ և դաւադրութիւններով: Սալմանը, տանուտէր Խաչօն իր երկու գաւակներով նրա զոհերն են:

Միևնոյն ժամանակ Թումաս էֆենդին մի անբարոյական, հեշտասէր արարած է: Գիւղացու խաղաղ յարկի տակ գիշերները օրգիւտներ սարքել, պար ածել պատանիներին և մանկահասակ աղջիկներին, արատաւորել արհեստաւորի քրոջը նրա բացակայութեամբ—այս բոլորը նրա սովորական գլարձութիւններն են: Մի քանի անգամ ամուսնացած, արդէն ծերութեան շէմին, վճռում է տիրանալ տանուտէր Խաչօի գեղեցիկ աղջկան՝ Վարդանի նշանածին: Երբ հօրից մերժում է, նա դիմում է իր սովորական զէնքին՝ մասնութեան և գառամեալ ծերունուն իր երկու գաւակներով մաշել է տալիս բանտերում:

Սակայն այդ հրէշին հեղինակը դարձնում է հրեշտակ, զնելով նրան սիրահար պատանու դերում: Նրա սէրը, ինչպէս ասում է Բաֆֆին, ոչ այլ ինչ էր, եթէ ոչ անասնային բնազդ: Ուրեմն ինչպէս կարող էր նա այդ աստիճան բորբոքել կուսական սի-

րով, որ մերժումը նրա մէջ յարուցէր բարոյական վերածնութիւն, խղճի խայթոց և նոյն իսկ ինքնասպանութիւն: Դա հողերանական սխալ է հեղինակի կողմից:

Բացասական տիպերից է և ընչասէր Տէր-Մարութը, որ Ալաշկերտի կոտորածից յետոյ գաղթականների խմբի հետ գալով Վաղարշապատ, տակաւին չէր մոռանում իր ապառիկները:

Գաղափարական գործիչներ Բացասական տիպերին հակադրւած են գաղափարական գործիչներ, որոնք միևնոյն ժամանակ արտայայտում են հեղինակի սուբիեկտիւ կարծիքները:

Վարդան Վարդանը իր առաջին քայլից արդէն ցոյց է տալիս անձնագոհութիւն. մահն աչքի առաջ՝ մոռանալով այն, ինչ որ ամենից թանգ էր նրա համար, գնում է կատարելու իր առաքելութիւնը: Միևնոյն ժամանակ համարձակ, քաջ երիտասարդ է. Թոմաս էֆենդուն անւանում է «ամբողջ գաւառի աւագակ»: Իսկ նրա ընկերասիրութիւնը սահման չունի: Սալմանին պահապան զինւորների ձեռքից ազատելու համար իր կեանքը վտանգի է ենթարկում: «Ընկերի սէրը յաղթում է կնոջ սէրին»:

Դուզուկ-Ջեան Երկրորդ անձնաւորութիւնը նիհար, գունատ, ազքատիկ հագուստով երիտասարդ է և խորհրդաւոր անձնաւորութիւն: Բայց հետզհետէ պարզւում է նրա անցեալը: Նրա իսկական անունը Սալման էր, մահմեդականութիւն ընդունած հայ կաթողիկի որդի: Կրթութիւն ստացաւ միսթարեանների ձեռքի տակ, բայց հիմնաւոր գիտութիւն չսովորեց: Երբեմն ապրում էր Պարիզում՝ անձնատուր եղած փուչ զւարճութիւններով: Անսպասելի կերպով նրա մէջ տեղի է ունենում յեղաշրջում. արևելեան հարցի տաք ժամանակ թողնում է Պարիզի զւարճութիւնները, իր

սիրունուն և ուղեւորւում է Պօլիս, այնտեղից Հայաստան, ուր նա հանդիսանում է քարոզչի դերում:

Սալմանը բոլորովին անպատրաստ էր իր կոչման համար, ժողովրդի լեզուն չգիտէր, ուստի նրա քարոզները ինքնապաշտպանութեան մասին, նրա բողոքը ճնշումների դէմ, նրա յանդիմանութիւնը հայերի անտարբերութեան դէմ—մնում էին ձայն բարբառոյ յանապատի: Երջապատողները իսկոյն հասկանում են նրա անտիրապետութիւնը: Վարդանը ասում է. «Բարեկամ, ձեր լեզուն անհասկանալի է. դուք հագիւ թէ կարողանաք այստեղ մի գործ շինել»: Իսկ տանուաէր Խաչօն ասում է. «Հիմա, որդի, հողը պատրաստ չէ: Մի օրւայ մէջ մի այդպիսի մեծ փոփոխութիւն չէ կարող կատարւել: Դուք, պօլսեցիքդ, պէտք է վաղ սկսէիք այդ գործը»:

Սալմանը դառնադին փորձերից համոզւում է, որ, յիբաւի, ինքը անպատրաստ է իր կոչման ծառայելու և իրան համարում է մի Դօն-Կիխօտ: Այնուհետև սկսում է կշտամբել պօլսեցիներին, որ նրանք մինչև այժմ ոչինչ չեն արել: «Մենք ունէինք պատրիարք, ազգային երեսփոխանական ժողով, ուսեալ երիտասարդութիւն, տպագրութիւն, դպրոցներ, թատրոն, հարստութիւն—և ոչինչ չկարողացանք անել»: Սակայն նա չէ վհատում և հաւատում է ապագային. «Ես և գուցէ իմ բոլոր համախոհներս կընկնենք, բայց մեր անկումը ճանապարհ կբաց անէ մեր հետևողների առջև... նրանք կանցնեն մեր դիակների վրայով»:

Սալմանն այնքան միամիտ էր, որ մտնում էր անխտիր ամեն մի գիւղ. բաժանում էր տետրակներ, որոնց բովանդակութիւնը ոչ ոք չէր հասկանում և միայն շատերի ծիծաղն էր շարժում: Մի թրքական

գիւղում մինչև անգամ ծեծ է ուտում և գալիս է տուն «ոտից ցգլուխ ցեխոտած»: Նրա վախճանն էլ ողբերգական էր:

Նրան հակադրած է Մելիք-Մանսուրը, որ փորձառու, եփած մարդ էր, լաւ ճանաչում էր ժողովուրդը և ծպտեալ մանրավաճառի դիմակի տակ առաջ էր ասնում իր գործը:

«Խենթի» արտակարգ յաջողութիւնը կարելի է բացատրել նրա մի քանի աչքի ընկնող արժանաւորութիւններով: Բովանդակութիւնը շատ ժամանակակից էր և համարատասխան հասարակաց տրամադրութեան: Տաճկահայաստանում տեղի ունեցած այն բոլոր արհաւիրքները, որոնց մասին ընթերցողները կարգում էին լրագրութեան մէջ սոսկ տեղեկութիւններ, տեսնում էին կենդանացած վիպագանի գեղեցիկ նկարագրութեան մէջ: Ընթերցող հասարակութեան, մանաւանդ երիտասարդ սերնդին, գրաւում էին և այն գաղափարական անձնաւորութիւնները, որոնց ստեղծել էր հեղինակի երևակայութիւնը:

Մեծամասնութիւնը հաւատում էր, որ իրօք եղել էն Վարդան, Գուղուկչեան, Մելիք-Մանսուր, ողևորում և քաջալերութիւն էին դանում նրանց գործունէութեան և քարոզիների մէջ:

Բաֆֆու նպատակն էլ կայանում էր նրանում, որ նոր սերնդին տայ քաջութեան օրինակներ:

Այդ տեսնեցը Բաֆֆին անց է կացնում և իր «Կայծերի» մէջ:

«Կայծեր».

Ահա մեր վիպագանի ամենախոշոր աշխատութիւնը, որ ամփոփւած է երկու պատկառելի հատորների մէջ և դեռ էլի անաւարտ է: Ոչ միայն իր ծաւալով, այլ և բովանդակութեամբ բոլոր միւս վաստակներից աւելի բարդ և հարուստ է: Այստեղ հանդէս է գալիս Բաֆֆին իր ամբողջ տաղանդի ոյժով և բոլոր պակասութիւններով: Միևնոյն ժամանակ ոչ մի գրեւծքում նա այն աստիճան ցայտուն կերպով չէ արտայայտում իր դաւանանքը և իր գեղարւեստական նշանաբանը:

Պատմողը վէպի անձերից մէկն է (Փարհատ): «Կայծերի» Նա սկսում է իր վանկութիւնից, մանրամասն նկարագրում է իր ընտանիքի ծայրայեղ չքաւորութիւնը կուլթիւնը և հարկահաններից կրած ճնշումները: Փարհատը սովորում էր տէր-Թողիկի ուսումնարանում, որ յայտնի էր իր բթացնող ուղղութեամբ: Նրա երեք ընկերները—Կարօ, Սազօ, Սալան—աչքի էին ընկնում իրանց աշխոյժ բնաւորութեամբ: Նրանք չկարողացան դիմանալ տէր-Թողիկեան անտանելի ըէժիմին, մի գեղեցիկ օր թողեցին այդ «դժոխքը» և գիւղից դուրս սկսեցին վարել թափառական կեանք:

Այդ պատանիներին հովանաւորում էր մի խորհրդաւոր անձնաւորութիւն, որին կոչում էին Որսորդ Աւօ: Մի քանի տարի առաջ, մի սաստիկ ձմերային եղանակում, յայտնեց նա Սարմաստի մի քաղաքում, որպէս փախստական: Նրա ընդանիքը կազմում էին՝ դուստրը (Մարօ), վիթխարի ծառան (Մհէ), որդեգիր Հասօն և մի անտեսուհի կին: Ո՞վքեր էին գրքանք և սրտեղից եկան—յայտնի չէր, Հեռգհեռէ

միայն պարզուամ է այդ խորհրդաւոր մարդու ան-
ցեալը: Յայնուամ է, որ Աւօի իսկական անունը ե-
ղել է Մելիք-Միսաք, որ նա հասարակ մարդ չէր, այլ
ծագում էր Ռշտունեաց տոհմից, եղել է Սասունի և
Մոզաց երկրի գորաւոր Մելիքը և ունեցել է իր սե-
փական ամրոցը: Հայ տանուտէրները դաւաճանօրէն
յանձնում են նրան մի քուրդ իշխանի ձեռքը, որ
կրակ է տալիս նրա դղեակը և սրի անցկացնում ըն-
տանիքը: Վիրաւոր Մելիքին ազատում է հաւատարիմ
Մհէն և իր հզօր ուսերի վրայ բարձած տեղախոխում
է Պարսկաստան, ուր նա ապրում էր անյայտութեան
մէջ Որսորդ Աւօ անունով:

Ամենից առաջ Աւօի ազդեցութեան ենթարկուած
է Կարօն: Նա խորհուրդ է տալիս թողնել «դժոխքը»,
ինչպէս անւանում էր տէր-Թողիկի դպրոցը, և սո-
վորել արհեստ: Կարօին հետևում են միւս երկու
ընկերները՝ Սագօն և Ասլանը: Որսորդ Աւօն մտադիր
էր նրանցից պատրաստել ապագայ գործիչներ իր
վեհ նպատակների համար: Բայց նախ և առաջ հար-
կաւոր էր նրանց ուսում տալ: Բարեբախտաբար այդ
ժամանակ Սալմաստով անցնում էր մի ամերիկացի
սուրբիստ, որին կոչում էին միստրը Փիշեր: Որսորդ
Աւօի թախանձանքով գիտնական ճամբորդը համա-
ձայնում է վերցնել պատանիներին իր հետ: Ամերի-
կայում նրանց կրթութիւնը զբաղում է գերագանց
պայմանների մէջ:

Աւարտելով ուսումը, Կարօն և Սագօն վերա-
դառնում են հայրենիք Հնդկաստանի վրայով և զա-
նազան արկածներով, իսկ Ասլանը մի տարի աւելի է
մնում: Որսորդ Աւօն հէնց նրանց էր սպասում: Նը-
րանցից կազմում է իր մտածած խմբի սպար: Երբ
առաջին անգամ լուսնիայ գիշերով ժողով է գումար-

ւում քաղաքից դուրս մի խորհրդաւոր միներէթում,
այնտեղ, բացի տէր-Թողիկեան նախկին սաներից,
երևում են Ջալլազը և Մուրազը («Սաչագողի յիշ.»),
Փարհատը, որ Կարօի խորհրդով վերջապէս թողել էր
«դժոխքը» և նրանց հետ միացել. խմբի մէջ կային
մի հայ բօշա պառաւ (Սուսաննա) և մանկահասակ
աղջիկ, նրա թոռը և Կարօի աղջիկը:

Նորակազմ խմբի առաջին գործը լինում է ընդ-
հարում քրդերի հետ, որոնցից խլում են հայ գիւղա-
ցիներից յափշտակած խաչները և վերադարձնում
տէրերին: Այնուհետև այլևս այդպիսի դէպք չէ պա-
տահում: Խումբը նւիրում է խաղաղ կուտուրական
գործունէութեան, նպատակ դնելով իր առաջ լուսա-
ւորել ժողովուրդը: պատրաստել նրան ազատ և եր-
ջանիկ կեանքի համար: Մի անգամ նրանք ժողովում
են Ս. Բարդուղիմէոս առաքեալի վանքում, ուր տե-
ղի է ունենում մտքերի փոխանակութիւն, կազմում
են ծրագիրներ, յետոյ ցրում իւրաքանչիւրը մի
կողմ:

Երկար ժամանակ ասպարիզի վրայ մնում է Ասլանը
իր անբաժան Փարհատի հետ: Ճանապարհին պատա-
հում են ծանօթ դէմքեր, որոնք իրանց անւանում
են «նրանցից», տեղի է ունենում միմեանց մէջ
մտքերի փոխանակութիւն: Վան հասնելուց առաջ
Ասլանը օթևանում է մի քահանայի տանը (Դալի-
Ֆէշիշ), որը մօտ տասը գիւղեր իր պաշտպանութեան
տակ էր պահում: Նոյն երեկոյեան համում են Վան,
որով աւարտում է վէպի առաջին մասը:

«Կայծերի» երկրորդ մասում վիպական մասը
հետգնետէ տեղի է տալիս ճանապարհորդական նկա-
րագրութիւններին: Ասլանը բաւական երկար ժամա-
նակ մնում է Վանում եւրոպացի բժիշկ դօկտոր Ռիս-

մանի դիմակի տակ: Նա իր առաջին պարտքն է համարում այցելութիւններ անել նահանգապետ փաշային և հայոց առաջնորդին: Երկուսի վրայ ևս գերազանց տպաւորութիւն է թողնում: Վանի կուսակալը մինչև անգամ ամեն տեսակ զիւրութիւններ է սուլիս, որ նա կարողանայ դիտել և ուսումնասիրել Վանայ բերդի հնութիւնները: Բայց շուտով, մի մատնութեան պատճառով, Ասլանը վտանգի մէջ է ընկնում: Փաշան նրա վրայ նշանակում է գաղտնի հսկողութիւն: Նրա դէմ կազմւում է դաւադրութիւն, որպէս զի ծուղակի մէջ զցեն: Հայոց առաջնորդը փառաւոր ընթրիք է պատրաստում և հրաւիրում է քաղաքի բարձրաստիճան անձանց՝ նահանգապետ փաշային, ոստիկանապետին, հայ երեսփններին: Այնտեղ պատւաւոր տեղ ունէր և Ասլանը: Սակայն նա յաշոգութեամբ ազատւում է ծուղակից և մինչև անգամ ձեռք է բերում փաշայի համակրութիւնը, որ նրա ճանապարհորդութիւնը զիւրացնելու համար տալիս է նրան զափթիաներ և մի արաբական նժոյգ իր փառաւոր ասպաղէնքով:

Վանից դուրս գալով, Ասլանը միանում է մի մեծ կարաւանի հետ, ուր նա պատահում է նաև Ջալլազին և Մուրադին: Իր ճանապարհին նա ստանում էր միշտ նոր և նոր տպաւորութիւններ: Ռշտունեաց մի զիւղում տեսնում է Կարօի հետ, որ այնտեղ ուսուցչութիւն էր անում:

Վայելելով լեռնականների հիւրասիրութիւնը, Ասլանը շարունակում է ճանապարհը: Բաֆֆին իր հերոսին ման է ածում Վանայ եղբրքի շրջակայ գիւղերում և քաղաքներում, հանդէս է բերում նոր տեսարաններ, նոր տիպեր: Բաղէշում (Բիթլիս) բուն էր դրել բողոքականութիւնը, իսկ կաթողիկոսութիւնը տա-

րածւած էր գլխաւորապէս Տարօնում: Ասլանը ցոյց է տալիս Ֆարհատին, ի միջի այլոց, Ասողաբերդը, որ Աւօի ժառանգական ամրոցն էր իր տխուր անցեալով: «Կայծերի» երկրորդ հատորի վերջում մենք տեսնում ենք Ասլանին Առաքելոց վանքում, ուր հոգևոր կոչում ստացած՝ ապրում էր Համբը («Ուաչագ, յիշատակ—ից») և պարապում էր գրականութեամբ: Ասլանը յանձնում է նրան Ֆարհատի դաստիարակութիւնը և ինքը մեկնում է Հնդկաստան:

Այստեղ ընդհատւում է պատմութիւնը:

«Կայծերի» մէջ կայ երկու աշխարհ՝ իրական և Իրական երևակայական: Ծանօթանանք նախ իրական աշխարհի հետ: Իրական աշխարհը:

Դա Տաճկահայաստանն է իր ճոխ բնութեամբ: Հայութեան գլխաւոր կենտրոնները՝ Վասպուրական, Տարօն, Մալմաստ փուլած են մեր առաջ: Բաֆֆու գրչի տակ կենդանանում են մայրենի բնութեան մէկը միւսից սիրուն տեսարանները: Մենք տեսնում ենք Մալմաստը, որի հունձը և բերքը պատկանում են ոչ թէ քրտինք թափող մշակին, այլ ձրիակեր ազաններին: Տեսնում ենք Վանը իր կանաչ Այգեստանով, իր լայն փողոցներով, որոնց աջ և ձախ կողմից վազում են առուներ՝ հովանաւորւած ուռենի և բարդի ծառերով,—բայց այդ դրախտում հայի կեանքը շարունակ վտանգի մէջ է: Ահա Ռշտունիքը իր կենսարար օդով, խորունկ ձորերով, բարձրաբերձ լեռներով, ուր ապրում է մի քաջարի ժողովուրդ, որ արձևի նման անմատչելի է թշնամուն: Եւ այսպէս մի շարք սիրուն տեսարաններ գալիս անցնում են աչքի առաջ՝ Մուշի ընդարձակ դաշտավայրը, Վանայ ծովը իր կանաչազարդ ափերով, սքանչելի Վարազը

իր ծաղկեալ վիճակում, Կտուց անապատը իր մռայլ ճգնաւորներով:

Բաֆֆու ուշադրութիւնից չեն վրիպում նաև պատմական յիշատակարանները՝ Ոստանի, Աստղաբերդի աւերակները, բազմաթիւ բերդեր, եկեղեցիներ, վանքեր, որոնք պատահում են գրեթէ իւրաքանչիւր քայլափոխում: Հեղինակը իւրաքանչիւրի մասին տալիս է մանրամասն տեղեկութիւններ, չէ մոռանում յիշատակել նաև ժողովրդական աւանդութիւնները:

Իրական աշխարհը դրանով չէ սահմանափակում: «Կայծերի» մէջ ներկայ են բոլոր դասակարգերի ներկայացուցիչները և զանազան պարապմունքների մարդիկ՝ պետական պաշտօնեաներ, առաջնորդ, քահանայ, վարժապետ, երկրագործ, արհեստաւոր, վաճառական և այլն: Բաֆֆին տալիս է մի շարք գեղարւեստական պատկերներ ժողովրդական և ընտանեկան կեանքից:

Կուզէք իմանալ, օրինակ, ինչպիսի առաջնորդ է նստած Վանում: —Մտէք նրա դահլիճը, աչքի անցկացրէք շրջապատող ձոխութիւնը, սրբազանի սև առլասէ կամ ծիրանագոյն փարաջան՝ դարդարւած Օսմանեան ադամանդեայ շքանշանով. ներկայ եղէք նրա ընթրիքին, լսեցէք նրա մտերմական զրոյցը փաշայի հետ: Ահա և կուսակալը: Ժողովրդի տրտունջը նրան չէ հասնում: Եւրոպացի հիւրի առաջ ինչպէս է գովում իր ստանձնած երկիրը: Ժողովուրդը գոհ է, և ամեն տեղ տիրում է անդորրութիւն: Բաֆֆին ընթերցողին ման է ածում ամեն տեղ և ցոյց է տալիս մէկը միւսից հետաքրքրական տիպեր և տեսարաններ: Մենք զարմանքով տեսնում

ենք, որ լուսաւոր դարում ևս գոյութիւն ունեն միջնադարեան ճգնաւորներ, ինչպէս Կտուց անապատի վանականները: Մենք որոշ դադափար ենք կազմում գաւառական պանդոկների հասարակութեան մասին, կարգալուծութիւնս ախպօր սրճատան նկարագիրը: Իսկ եթէ ուզում ենք իմանալ, ինչ արժէք ունի հայի կեանքը այդ բարբարոս երկրում, պէտք է յիշել Փարհատի հօրը, որի գլուխը թոցնում են գրագով: Բաֆֆին տալիս է նաև հարեան ցեղերի բնաւորութեան և նիստ ու կացի ճշգրիտ նկարագրութիւնը:

«Կայծերի» մէջ Բաֆֆուն զբաղեցնում են երկու կարևոր խնդիրներ՝ մէկը ազգի թշուառութեան պատճառը, միւսը՝ նրան ազատելու միջոցը: Իր կարծիքներն այդ խնդիրների մասին Բաֆֆին յայտնում է Կարօի և Աւլանի բերանով: Ընկերական ընթրիքի ժամանակ Կարօն ասում է մի ճառ, որի մէջ նկարագրում է ազգի դժբախտութիւնը և բացատրում է նրա սլատճառը: Պատճառը՝ ասում է նա—ժողովրդի ծուլութիւնը չէ: «Այդ ժողովուրդը ծոյլ չէ: Նա անդադար աշխատում է, աշխատում է աւելի, քան թէ կներէր մարդի ոյժը: Նրա կիրնը, նրա փոքրիկ երեսխաներն անդամ դարձակից են լինում գերզատանի հօր աշխատութեան»... Չնայած դրան, ժողովուրդը ապրում է դարձեալ դառն, ցաւալի աղքատութեան մէջ: Նրա պատճառը կարօն գտնում է նրա մէջ, որ ժողովուրդը ապրում է այն հողի վրայ, որ թէև մի ժամանակ պատկանում էր իր նախնիքներին, այժմ դարձել է թուրքի սեփականութիւն: Պէտք է աւելացնել նաև բազմաթիւ հարկերը, որ նա վճարում է ազային: Դա ծնում է մի այլ շարիք: Մեր ժողովուրդը իր հայրենի հողի վրայ սնունդ չգտնելով, գաղթում է և օտար երկիրներում է բախտը որոնում: Կա-

Երևակա-
յական
աշխարհ

րօն ցաւում է, որ թէ ընտանիքը և թէ դպրոցը հաստատում են մեր մէջ ստրկութիւն, որովհետեւ վարժապետը աշխարհային կեանքը համարում է ունայն և անցաւոր: Մի ուրիշ անգամ նոյն ոգով խօսում է Ասլանը «Ասլանի դատողութիւնները» վերնագրով գլխում: Նա ևս գտնում է, որ հայերը դարևոր հարստահարութիւնների տակ ճնշւելով մինչ այն աստիճան հոգով մարմնով թուլացած են, որ շատ բնական են գտնում իրանց վիճակի բոլոր գառնութիւնները... Մի ձեռք, մի գօրեղ ձեռք պէտք է, որ դրանց բարձրացնէ ընկած դրութիւնից և կանգնեցնէ մարդկային ազատ իրաւունքի վրայ: Այդպիսի մի գօրեղ ոյժ Ասլանը չէ գտնում ոչ վաճառականական դասակարգի, ոչ եկեղեցականների և ոչ էլ երիտասարդութեան մէջ: Եկեղեցականը, որ ազգի մէջ էլ լինի, միշտ ընդդէմ է մարդկային անհատական ազատութեան: Եկեղեցականը միշտ ընդդէմ է ազգայնութեան գաղափարին. նա ճանաչում է ազգը միայն կրօնի անունով: Ոչ դրամատէրերը, ոչ եկեղեցականները կարող չեն բարձրացնել ազգը ընկած դրութիւնից: Այդ կարող էր անել թարմ երիտասարդութիւնը, բայց գժբախտաբար, մենք երիտասարդութիւն չունենք: Ասլանը այնուամենայնիւ իր յոյսը չէ կորցնում. յոյսը դնում է ամբոխի վրայ, որը թէև անմշակ, բայց մեծ գօրութիւն է ներկայացնում. միւս կողմից՝ երկրի բնութեան վրայ. «Վան-Տոսպը իր անմատչելի լեռներով, իր անդնդախոր ձորերով և իր նեղ փապարներով մի հսկայական ամբոց է. այստեղ շատ դժւարութեամբ կարող է մուտք գործել օտար ինքնակոչ հիւրը»:

Եւ անա Բաֆֆին իր այդ նւիրական գաղափարներն իրագործելու համար ստեղծում է իղէալական

հերոսներ: Այդպիսի անձնաւորութիւններն են՝ Որսորդ Աւօ, Ասլան, Կարօ, Սագօ և այլն:

Խումբը ձգտում է իրագործելու մի ընդհանուր նպատակ—զարթեցնել ժողովրդի թմրած ոյժերը, կայծեր վառել սառած սրտերում: Այդ նպատակին հետևելով՝ իւրաքանչիւր անգամ գործում է ազատ, իւրաքանչիւր անգամ ընտրում է իր սիրած ասպարէզը:

Կարօն ուսուցիչ է Ռշտունեաց գիւղում, ուր մեծ ազդեցութիւն ունի գիւղացոց վրայ և վայելում է նրանց յարգանքը: Սագօն Վանայ սրճատան մուսուլցի վաճառական է և յայտնի է Խօջա-Թորոս անունով: Զալլադը բողոքական է և կշտամբում է բողոքականներին նրանց ազգատեաց քարոզների համար. նոյնը անում է կաթոլիկ Արփիարը կաթոլիկների վերաբերմամբ: Ասլանը շարունակ զբաղւած է հետազօտութիւններով. վերցնում է Վանայ բերդի յատակագիծը, քննում է Վանայ լիճը նաւագնացութեան տեսակէտից, յարաբերութիւններ է սկսում բարձրաստիճան անձանց հետ:

Խմբի գործունէութեանը մասնակցում էր և կանացի սեռը—Աւօի դուստր Մարօն, Կարօի աղջիկ Հիւբբին, նրա տատը՝ Սուսաննան: Հիւբբին շարունակ թափառում էր՝ ձեռքում բռնած կախարդական գաւազան օձի գլխով, որ նամակների պահարան էր:

Ընկերութեան ազդեցութիւնը հետզհետէ աւելի և աւելի ծաւալւում էր: Խմբի նպատակներից մէկն էր նաև դաշինք հաստատել զրացի ցեղերի հետ: Կարօն բարեկամացել էր ասորոց պատրիարք Մար-Շիմօնի հետ, Աւօն եղիպիների ցեղապետի հետ, Ասլանը աշխատում էր աղքատացած քուրդ ազնւականներին իր կողմը գրաւել:

Այդ գործիչները յաճախ փոխում էին իրանց կերպարանքը: Ասլանը մերթ անապատական ճգնաւոր է, մերթ եւրոպացի բժշկապետ: Քամելէնուութիւնը ինքնասպաշտպանութեան զլխաւոր միջոցներից մէկն էր:

Ահա Բաֆֆու ստեղծած գեղեցիկ, բոմանտիկական աշխարհը, որ լի է խորհրդաւորութեամբ: Խորհրդաւոր է Որսորդ Աւօի անցեալը, խորհրդաւոր է Կարօի ամուսնութիւնը գնչուհու հետ, խորհրդաւոր է անապատական ճգնաւորը ս. Տիրամօր վանքում ժողովրդական տօնախմբութեան հանգիսին: Խորհրդաւոր է և խմբի առաջին ժողովը, որ տեղի է ունենում կիսաւեր մինարէթում լուսնկայ գիշերը՝ խորին լուութեան մէջ: Բացի գրանից, այդ աշխարհը նշանաւոր է իր արտասովոր երևոյթներով և արկածներով: Կարօն և ընկերները, ուսումնաւարտելուց յետոյ, փոխանակ շտապելու իրանց հայրենիք և անմիջապէս ձեռնարկելու օգտաւէտ գործի, երկար ժամանակ մտում են Հնդկաստանում, կադմում են հայկական մեծ գաղթավայր հիմնելու Փանտառտիկ ծրագիրը, որ, իհարկէ, շուտով օղն է ցնդում: Բախար հասցնում է մի բարերարի՝ յանձին ամերիկացի տուրիստի՝ ուղիղ այն վայրկեանին, երբ Որսորդ Աւօն կանգնած էր մի անլուծելի խնդրի առաջ՝ ինչ միջոցներով յաջողեցնել տէր-Թողիկեան սաների բարձր կրթութիւնը: Մի անգամ Ասլանը այնպիսի ծուղակի մէջ է ընկում, որ նրան կարող էր փրկել միայն պատահականութիւնը: Ասլանին փրկիչ հանգիստանում է Վանայ օստիկանապետի ամուսինը, որ հայ քահանայի աղջիկ էր և համակրութիւնից զրգւած, տալիս է Ասլանին կարգալու մասնութեան նամակը, որի մէջ խառն էր և տէր-Թողիկի մատը:

Առհասարակ սրտահականութիւնը, անսովոր, բացառիկ գէպքերը, երբեմն նոյն իսկ անհաւատալիք որոշ դեր են կատարում թէ «Կայծերում» և թէ միւս գրւածքների մէջ: Սակայն այդպիսի հանգամանքներ ամենևին նշանակութիւն չունէին ընթերցողների համար: Հնդկականակը, շատերին գրաւում էր այդ խորհրդաւորութիւնը, այդ բացառիկ, անակնկալ գէպքերը:

«Կայծերը» Բաֆֆին չվերջացրեց, և դժւար էր աւարտել այդպիսի բարդ և խճողւած գործ: Սակայն նրա մահից յետոյ դուրս եկաւ «Կայծերի վերջը» վերնագրով մի փոքրիկ գրքոյկ, որի բովանդակութիւնը յիշեցնում է Վարդանի երազը: Այստեղ հանդէս է բերւած Թուրքահայաստանի ապագայ վիճակը: Երկիրը խաղաղւել է, սկսւած է կուլտուրական աշխատանք: Բարբարոսութիւններ այլ ևս չկան, քրդերը ծառայում են հայերի մօտ:

Իրական վէպեր

Տենդենցիօզ վէպերի հետ միաժամանակ Բաֆֆին գրում էր իրական վէպեր՝ «Սաշագողի յիշատակարանը», «Ոսկի աքաղաղ», «Ղարիբ մշեցի»:

«Սաշագողի յիշատակարանը».

Գրքի սկզբում Բաֆֆին բացատրում է, թէ ինչ է խաշագողը:

Պարսկաստանի Սալմաստ գաւառում կայ մի բաւականին մեծ գիւղ, որ կոչւում է Սաւբա և համարւում է խաշագողների որջ: Նրանց սովորութիւնն է թողնել տուն ու տեղ, ընտանիք, օտար երկրներ:

րում տարիներ թափառել, ամեն անազնիւ և ստոր միջոցներով, նոյն իսկ արիւնհեղութեան առաջ կանգ չառնելով, դիզել հարստութիւն, որը նրանց կեանքի գլխաւոր նպատակն է: Այդ զգւելի պրօֆեսեսան խաչագողների մէջ զարգացրել է ամենավատթար հակումներ: Խաչագողը վերին աստիճանի խորամանկ, ճարպիկ և խաբեբայ է: Չկայ արգելք, որ նրան կտրողանայ խոչնդոտ հանդիսանալ, չկայ մի այնպիսի դժւար գրութիւն, որից նա չկարողանայ դուրս գալ և սատանայի պէս աներևոյթանալ: Ոչ ոք խաչագողի պէս չէ կարող փոխել իր կերպարանքը, շորը, կրօնը, լեզուն, մինչև անգամ բնաւորութիւնը. նայած թէ ո՞վ է խօսակիցը՝ ազնւական, ռամիկ թէ ուսումնասիրան: Գիտէ յարմարել իւրաքանչիւր մարդու կարծիքներին և տրամադրութեան: Խաչագողը նայում է տիեզերքի վրայ զուտ անճնապաշտական տեսակէտից, այսինքն, որ նա հունձի արտ է. չէ ցանում, բայց հնձում է: Խաչագողները մեծ մասամբ մեռնում են օտարութեան մէջ:

Համառօտ բովանդակ. Վէպը իր ժամանակին մեծ հետաքրքրութիւն շարժեց ընթերցող հասարակութեան մէջ թէ իր արկածալից բովանդակութեամբ և թէ իր նոր տիպով, որպիսին հանդիսանում էր խաչագողը:

Վէպի գլխաւոր անձը՝ քաւոր Պետրոսը թողնում է իր հայրենիքը, անցնում է սահմանը և իր սխրագործութիւնների ասպարէզ ընտրում է հիւսիսային Կովկասը և Ռուսաստանը: Իր բոլոր սատանայական հնարները գործ դնելով, չկանգնելով նոյն իսկ յանցանքների առաջ, նա ձեռք է բերում բաւական մեծ հարստութիւն: Իր բողբոխնորհական արկածների մէջ նա միշտ յաջողութիւն էր գտնում: Բայց ազահութիւնը նրան կուրացնում է, և նա վերջ ի վերջոյ

ազէսի պէս երկու ոտով ընկնում է թակարգ: Շաւր հարստանալու տեսչը նրան ձգում է գրամանենգ ընկերների որջը, որ շատ շուտով կախնաւորւում է ամբողջ կազմով, նրանց թւում և քաւոր Պետրոսը: Բոլորեքեան դատապարտւում են տաժանակիր աշխատանքների: Բայց այս անգամ էլ հռչակաւոր խաչագողին յաջողւում է ազատել բանտից: Այնուհետև նա վճռում է չհեռանալ Սիբիրից, մինչև չազատէ իր ընկերներին: Այդ ևս նրան յաջողւում է:

Խաչագողի տիպը դուրս է բերւած շատ յաջող, գուցէ վոքր ինչ շափազանցացրած: Քաւոր Պետրոսը կենդանի կանգնած է մեր առաջ իր խորամանկ աշքերով և սատանայական ժպիտով: Իր կեանքի միակ նպատակը դարձնելով արծաթը և ոսկին, նա կանգ չէ առնում ոչ մի խոչնդոտի առաջ: Նա իր ձեռքի գործիք է դարձրել Մուրադին, որը նրա ցուցմունքով մի քանի ոճիրներ է գործում: Ոչ ոք չունի նրա ճարպիկութիւնը և հնարագիտութիւնը: Իր հետ վերցրած իրեղէնները ազատւում է մաքսից, թագցնելով համետի մէջ: Բանտից ազատւում է՝ իր անունը գրել տալով մեռելների ցուցակում: Ոչ ոք չգիտէ նրա պէս մարգկային թոյլ կողմերը և ոչ ոք չէ կարող նրա պէս օգտուել այդ թոյլ կողմերից: Գիտէ հարստահարել մէկի ազիտութիւնը, միւսի կրօնամոլութիւնը, երրորդի միամտութիւնը, և այսպէս ամենքի հետ: Քաւոր Պետրոսը միևնոյն ժամանակ երևելի քամելէոն է. այսօր նա թուրք հաջի է, վաղը մանրավաճառ. մի տեղ արջ պար ածող է, մի այլ տեղ խորասանցի վաճառական: Նա մերթ Երուսաղէմի պատերազմի արեղայ է, մերթ մուրացիկան, մերթ յոյն քահանայ, մերթ դրամանենգ:

Խաչագողի տիպը

Քաւոր Պետրոսը յաջող տիպ է, իբրև բացառա-

կան անձնաւորութիւն, իբրև խաչագողի իսկական տիպ: Բայց Բաֆֆին նրա մէջ մտցնում է երկու- թիւն, որով աղճատում է խաչագողի տիպը: «Քա- ւոր Պետրոսը, պսում է հեղինակը, այն տեսակ ա- ռասպելական արարածներից էր, որ ընդունակ էր հրեշտակից սատանայ դառնալ, իսկ սատանայից հը- րեշտակ»: Նա համոզւած չարագործ է. իր յանցանք- ներն արգարացնում է Կարլ Մօօրի սովետութեամբ. «Մենք կողոպտում ենք ժլատ հարուստներից, իսկ աղքատներին պէտք է օգնել»: Բայց ինչո՞ւն է կա- յանում նրա օգնութիւնը—նրանում, որ իր ոճիրնե- րով ձեռք բերած գումարից երբեմն բաժին է հանում կարօտեալներին: Բաֆֆին աւելի ևս բարձրացնում է քաւոր Պետրոսին, դարձնելով նրան անձուէր ընկեր, որովհետև նա նպաստում է իր արքայութեան ընկերնե- րի ազատութեան թէ իր խորամանկ միջոցներով թէ իր ունեցած դրամով և թէ արժէթղթերով: Իսկ «Կայ- ծերի» մէջ քաւոր Պետրոսը արդէն ազգասէր է:

Բաֆֆին այդպէս է վարել և Թոմաս էֆենդու հետ՝ սատանային դարձրել է հրեշտակ: Բայց դրանք հոգեբանական սխալներ են:

«Խաչագողի յիշատակարանի» նշանակութիւնը կայանում է նրանում, որ Բաֆֆին ներկայացրեց մի ամբողջ հասարակութիւն, որ բուն էր գրել Պարս- կաստանում, և իր համար հարստանալու միջոց ընտ- րել ամենակեղտաւ ճանապարհներ. մի հատա- րակութիւն, որի միջից միայն կարող է ծնունդ առ- նել քաւոր Պետրոսի հման խաչագողը, որի անունով կնքում էին փուշ մարդկանց: Խաչագողները արատ էին բերում նոյն իսկ հայ ազգին:

«Ոսկի արաղաղ».

Աւելի յաջող է «Ոսկի արաղաղը»: Այստեղ Բաֆ- ֆին կանգնած է ընդհանուր հողի վրայ և գործ ունի հայ իրականութեան հետ: Մասիսեանը, վէպի հերո- սը, Բաֆֆու ստեղծած բացառական տիպերի մէջ ա- մենայաջողն է, որովհետև նրա մէջ չկայ ոչինչ երկ- ւութիւն, նրա բնաւորութիւնը և հայեացքները շատ պարզ և որոշ են. ամբողջ կեանքում նա իրան չէ դաւաճանում, միշտ մնում է իրան հաւատարիմ:

Մասիսեանը գաւառական քաղաքի ամենահա-Մասիսեան րուստ վաճառականն էր: Ունէր մի գարմանալի խա- նութ, ուր ամեն բան կարելի էր գտնել, բացի «ծի- ծեանակի կաթից»: Ունէր ընդարձակ տուն, այգի, կալւածներ: Նրա զլխաւոր առևտուրը Մօսկուայի հետ էր, ուր ապրում էր նրա կառավարիչը:

Մասիսեանը կեանքի բովի մէջ եփւած, որոշ աշխարհայեացքի տէր և խիստ ու դաժան ծերունի էր: Բացի սովորական միջոցներից՝ սուտ երգում, խաբեբայութիւն և այլն, Մասիսեանի հարստանա- լուն նպաստում էր և վաշխառութիւնը: Ահազին սո- կոսներով ճնշում, հարստահարում էր մանուանդ գիւղացիներին: Վայ այն պարտապանին, որ չկարո- ղացաւ վճարել իր պարտքը: Այդպիսիների համար կար դատաստան և բանտ:

Սակայն ինչի՞ համար էր Մասիսեանը խեղճ գեղջուկների քրտնաշան աշխատանքի գնով այնքան փող դիզում: Արդեօք լաւ ապրելու, կեանք վայելե- լու համար: Բնաւ ոչ:

Մտէք նրա տունը և աչքի անցկացրէք ձեր չորս կողմը,—և ձեզ պիտի թւայ, որ գտնուում էք մի աղ- քատի խրճիթում,—ամեն ինչ հնացած, փտած և

մաշւած, ամեն տեղ կեղտոտութիւն: Նրա տունը թէև ընդարձակ, բայց կիսաւեր ամրոցի էր նման. այս ու այն կողմում աւերմունք, փլատակներ և անխնամ թողած շինւածքներ: Նոյն բարձիթողի արած վիճակում էր և պարտէզը: Ընդարձակ բակը հովանաւորւած էր դարևոր թթենիներով, որոնց միջուկը բոլորովին փտել և դուրս էր թափւել, իսկ ծառերը իրանց պատառւած փորով ստացել էին հրէշաւոր կերպարանք: Բոլոր միւս ծառերը՝ ծերացած ուռիներ, կիսաչոր ծիրանիներ, խաղողի որդը—իրար խառնել, փաթաթւել էին: Ամեն ինչ բուսել, աճել, մեծացել էր իր վայրենի համարձակութեան մէջ, և կարծես ազամորդու ձեռք այդ ծառատունկին բնաւ չէր դիպել:

Մասիսեանի պարտէզը նկարագրելիս Բաֆֆին հաւանօրէն աչքի առաջ ունեցել էր Պլիւշկինի այգու նկարագիրը, որովհետև Գօգօլը ևս շեշտում է անխնամ թողած ծառերը և նրանց վայրենի աճումը:

Ահա այսպիսի պայմանների մէջ էր ապրում հարուստ վաճառականը: Պարզ է, որ Մասիսեանը ամենևին լաւ ապրուստի համար չէր փող գրկում. այլ դա փողի պաշտամունք էր, երկրպագութիւն Մամոնային, որ նրա մէջ ծնեցրել էր և մի ուրիշ արատ՝ ազահութիւն: Մակայն Մասիսեանի ժլատութիւնը չէր հասնում այն աստիճանի կծծիութեան, ինչպէս այդ տեսնում ենք Գօգօլի ժլատի մէջ: Մասիսեանի մէջ կար հիւրասիրութիւն, որից գուրկ էր Պլիւշկինը: Բայց իր փողասիրութեամբ Հարպագոնից էլ յետ չէր մնայ: Այդ կիրքը նրա մէջ մեռցրել էր ամեն մի մարդկային զգացում՝ և՛ ամուսնական սէր և՛ ծնողական գորով:

Մասիսեանը միևնոյն ժամանակ անձնպաշտ էր,

անսահման էգօխտ և երկրպագու ոյժի: Աշխարհը, նրա կարծիքով, դմակ է, իսկ մարդը՝ դանակ. «Կըտրիր, սրքան կարող ես»: Ամեն բան գնահատում էր շահի տեսակէտից: Ինչից շահ չկայ, վնասակար է: Որդու ուսումից շահ չկայ. ուսումը վնասակար է:

Իր ընտանիքում Մասիսեանը կատարեալ բռնակալ էր, «հրէշ», ինչպէս նրան անւանում է հեղինակը: Այստեղ թագաւորում էր միայն նրա կամքը... Բոլոր տանեցիք՝ ամուսին և զաւակներ՝ նրա հլու հպատակներն էին: «Պէտք է ուտէին, ինչ որ նա սիրում էր. պէտք է խօսէին, ինչ որ նա սիրում էր խօսել. պէտք է քնէին, երբ նա քնում էր. պէտք է վեր կենային, երբ նա վեր էր կենում»... Երբ ընտանիքում մէկը հիւանդանում էր, նա չէր թողնում բժշկ հրաւիրել, որքան էլ ծանր լինէր հիւանդութիւնը, որովհետև մահը գրւած է մարդու ճակատին: Չէ որ ինքն էլ հիւանդանում է, բայց լաւանում է առանց բժշկի:

Մասիսեանը անտանելի էր իբրև ամուսին: Նրա կինը ոչ թէ նրա ընկերն էր, այլ մի աղախին, որի պարտականութիւնն է միայն եփել, կարել, լւանալ: Նրա առևտրական գործերի մասին կինը ոչ մի գաղափար չուներ. չգիտէր, ինչ ունի մարդը, ինչ չունի:

Թէ ինչպիսի հայր էր Մասիսեանը, այդ երևում է նրա վերաբերմունքից դէպի զաւակները: Նրա առաջնեկ աղջիկը հօր հալածանքից յուսահատւած՝ վերջ է տալիս կեանքին՝ կախւելով փայտանոցի առաստաղից: Միւս աղջիկը, յոյսը կտրելով, թէ հայրը երբ և իցէ կմտածէ իրան մարդու տալու մասին, երբ և իցէ կմտածէ մի գործակատարի հետ: Տանը փախչում է խանութի մի գործակատարի հետ: Տանը անացած միւս աղջիկները մի հատ քաղցր խօսք չէին լսել հօրից: Իսկ որդին, գիմնագիտան աւարտելուց յետ-

տոյ, միջոց չունենալով ուսումը շարունակել, որովհետև հայրը չէր օգնում, պարապ նստել էր տանը:

Սակայն Մասիսեանը արդարացնում է ժողովրդական առածը՝ թէ «տանը սատանայ, դուրսը քահանայ»: Ուսնից ակնկալութիւն ունէր, նրա հետ շատ քաղցր էր վարւում, շողոքորթում էր և գովում նրա ծնողներին ու սպայերին:

Վէպի միւս անձերի մէջ աչքի են ընկնում Ստեփանը, Մասիսեանի որդին, և Միքայէլը, նրա գործակատարը: Երկուսն էլ իդէալացրած են:

Ստեփան.

Դեռ ևս աշակերտական նստարանի վրայ որդին բողոքում էր հօր անիրաւութիւնների դէմ: Յոյսը կտրած հօր օգնութիւնից և ապաւինելով իր սեփական աշխատանքին, նա ուղևորւում է Մօսկւայ, մըտնում է համալսարան, որ աւարտում է մի քանի տարուց յետոյ: Մի օր լուր է ստանում, թէ հայրը վախճանւել է և գործակատարները կողոպտել են նրա հարստութիւնը: Ստեփանը չէ շտապում գնալ հայրենիք և իր ընտանիքի քայքայւած վիճակը բարւոքել. այդ բոլորը նա թողնում է Միքայէլին, իսկ ինքը գնում է արտասահման՝ հայկական խնդիրն արծարծելու: Դա, իհարկէ, իդէալական քայլ էր Ստեփանի կողմից: Բայց բանը նրանուսմ է, որ այն փամանակայ դաւաճական դպրոցը, ընկերական շրջանը և ընտանիքը չունէին այնպիսի կրթիչ ոյժ, որ կարողանային պատրաստել Ստեփանի նման իդէալիստներ:

Միքայէլ.

Միքայէլի պատկերը Բաֆֆին նկարագրել է նոյնպէս համակրելի գծերով: Դա մի աչքաբաց գիւղացի տղայ էր, որին Մասիսեանը առաջին անգամ տեսնելուն պէս՝ հաւանում է և հօրեղբորից խելով՝ դարձնում է իր խանութի և տան ծառան: Միքայէլը

իր ընդունակութիւնների շնորհիւ, արագ բարձրացաւ: Հասարակ ծառայից դարձաւ խանութի առաջին գործակատարը և իր ընկերների նախանձը շարժեց: Նոյն իսկ Մասիսեանը այնքան հաւատ է ընծայում նրան, որ նրան յանձնում է իր առևտրական գործերը Մօսկւայում: Այնտեղ էր և Ստեփանը, որի խորհրդով Միքայէլը սկսում է յաճախել Առևտրական դպրոցը և սովորել առևտրական գիտութիւններ: Մի խօսքով, նա դառնում է մի բարեկիրթ, ինտելիգենտ երիտասարդ: Մասիսեանի մահից յետոյ նրա առևտրական խանգարւած գործերը կարգի է բերում, ընտանիքի մէջ մտցնում է սէր և խաղաղութիւն և ինքն էլ դառնում է այդ տան իսկական «ոսկի աքաղաղը»:

Աւելորդ չէմ համարում այստեղ յիշել և «Ղարիւր մշնցիւն», որի մէջ Բաֆֆին դուրս է բերում մշեցի պանդուխտների շարքաշ կեանքը Կ. Պօլսում: Հեղինակը այդ վէպը գրել է իր լսածի և կարգացած տեղեկութիւնների հիման վրայ, իսկ ինքը չէ տեսել Պօլսուր, ուստի վէպի արժէքը դրանով նւագում է:

Պատմական վէպեր.

«Սամւէլի» յառաջաբանում Բաֆֆին պատմական վէպի նշանակութիւնը որոշում է հետևեալ կերպով. «Պատմական վէպը մի ժողովրդի պատմական կեանքի նկարագիրն է: Նա պատկերացնում է իր մէջ, թէ որպէս ապրել է և որպէս գործել մի ժողովուրդ. պատկերացնում է նրա բարձր, սովորութիւնները, պատկերացնում է մտաւոր և բարոյական յատկութիւնները»:

Ուղիղ հայեացք: Յիրաւի, պատմական վէպի մէջ ամենից կարևորը ոչ այնքան անցքերն են, օրինակ, պատերազմը, որքան դարեշրջանի ոգին, ժողովրդի կեանքը:

Բաֆֆին ինքը գիտակցում էր, որ չկայ աւելի դժւար բան, քան գրել պատմական վէպ հայոց անցեալից, քանի որ մեր պատմագիրները, տարբարատարբար, զլացել են, պատերազմների մանրամասն նկարագրութեան հետ, տալ նաև ժամանակակից կեանքի պատկերը, զանազան դասակարգերի կենցաղը, նիստ ու կացը, սովորութիւնները և այլն, և չեն հետևել յունաց և հռոմայեցոց երևելի պատմաբաններին:

Զնայած այդպիսի աննպաստ պայմաններին, որոնց մէջ գրւած է հայ հեղինակը, Բաֆֆին այնուամենայնիւ բարեխղճաբար ժողովել, ուսումնասիրել է այն բոլորը, ինչ որ կարող էր գէթ մի անոտ լոյս սփռել հեղինակին զբաղեցնող խնդրի վրայ: Եւ պէտք է ասել, որ նա պատկառելի հմտութիւն է ցոյց տալիս մանաւանդ «Սամէլի» մէջ:

Սակայն անկախ պատմական ճշտութիւնից, Բաֆֆին պատմական վէպերում ևս անկարող է իսպառ անշատել իր նս-ից, իր սեփական կարծիքներից. նրա սուբիեկտիւ հայեացքները արտայայտուած են այս կամ այն հերոսի դատողութեան կամ ճառերի մէջ, ինչպէս կտեսնենք պատմական վէպերի վերլուծման ժամանակ:

«Դաւիթ բէկ».

Վէպի սուալին գիւլում Բաֆֆին տալիս է հետեւեալ տեղեկութիւնները հայ մեղիքութեան մասին. «Մինչև 1722 թ., այսինք Դաւիթ բէկի յայտնւիլը, հայոց մեղիքները տակաւին պահպանել էին իրանց նշանակութիւնը: Նրանք ունէին ամրոցներ, ժառանգաբար իշխում էին ժողովրդի մի մասի վրայ, կապում էին դաշնագրութիւններ երբեմն պարսից, երբեմն թուրքաց ներկայացուցիչներին հետ, մասնակցում էին նրանց պատերազմներին և, որպէս մի տեսակ վասալական իշխաններ, մի մասնաւոր հարկ էին վճարում այն պետութիւններին, որոնք փոփոխակի տիրում էին Հայաստանին: Սիւնեաց աշխարհը (Ղարաբաղ) պէտք է սուալինը համարել, ուր մեղիքները մինչև ուստաց տիրապետութեան ժամանակը (1813 թ.) պահպանեցին իրանց գոյութիւնը: Առանց պատճառի չէր: Երկրի բնական զիրքը՝ լեռները և անտառները՝ նպաստում էին ժողովրդի մէջ վաղեմի քաջութեան ոգու պահպանելուն: Ցաւալին այն է, որ հայոց մեղիքները մի ընդհանուր կապ չունէին միմեանց հետ: Շահերի տարբերութիւնը շատ անգամ առիթ էր տալիս նրանց մէջ թշնամական յարաբերութիւններին: Այդ պատճառով նրանք չէին միանում, որ կողմէին մի ընդհանուր միութիւն և պատերազմէին հայրենիքի ընդհանուր թշնամու դէմ... Մեղիքի ձեռքով էր հաւաքւում սուրբը և ամեն հարկեր, որ պէտք է վճարէին խանին: Մեղիքն էր վճռում իր ժողովրդի ամեն տեսակ դատեր և վէճեր»:

Ծանօթանանք նախ վէպի բովանդակութեան

հետ:

Բովանդակութիւն. 1722 թ. լեզգիները անազին բազմութիւն՝ միա-
 ցած Կովկասեան լեռնաբնակ ցեղերի հետ՝ արշաւանք
 գործեցին Աղւանից և Սիւնեաց երկիրները, ասպա-
 տակեցին Նուխու, Շամախու և Գանձակի գիւղօրայք
 և յափշտակեցին բազմաթիւ գերիներ հայոց. աղջիկ-
 ներից, պատանիներից և մանկահասակ կանանցից:
 Տեղաջին մանմեղականներն իրանք էլ մի կողմից
 սկսեցին կողոպտել հայերին: Հայերի գլխադրութիւ-
 թիւնը ստիպեց աւազակներին մաքրել երկիրը: Բայց
 լեզգիները սարսափելի հետքեր թողեցին:

Կար մի երիտասարդ, որ չէր կարող մոռանալ
 այս գազանութիւնները: Դա Գենուզի իշխան Ստե-
 փաննու Շահումեանն էր: Նա գրգռւմ էր մեկիքնե-
 րին միանալ, հզօր ոյժ կազմել թշնամիների գէմ,
 բայց միութիւն չէր կայանում: Այդպիսի մի հաւա-
 քող, կազմակերպող ոյժ նա տեսնում էր Դաւիթ բե-
 կի մէջ, որին և զիմում է նամակով:

Այդ ժամանակ Դաւիթ բեկը Վրաստանում էր
 գտնւում: Վրաց Շահնաւազ իշխանի քաջ զօրավար-
 ներից մէկն էր, տէրութեան երկրորդ անձը և իշ-
 խանի աղջկայ՝ Թամարի սիրելին: Ստացել էր թաւա-
 սութիւն, ունէր կալւածներ և ձորաքեր:

Ստանալով Շահումեանի նամակը, որի մէջ նա
 մտայն գոյներով նկարագրում էր հայրենիքի տառա-
 պանքը, թշնամու բարբառութիւնները, երկու մեկիք-
 ների դաւաճանութիւնը, և միևնոյն ժամանակ կոչ էր
 անում ժողովրդի բերանով շտապել հայրենիք և գոր-
 ծի գլուխ անցնել, Դաւիթ բեկը թողնում է իր վա-
 յելած գիրքը և պատիւը, իր գեղեցիկ Թամարին և
 1722 թ. ուղևորում է Սիւնեաց աշխարհ՝ իր հայ-
 րենիքը: Նրա հետ միանում են և այն հայերը, ո-
 րոնք գտնւում էին վրաց ծառայութեան մէջ՝ Միսի-

թար սպարապետ, Բայինզուր իշխան, ընդամենը 40
 անձինք:

Դաւիթ բեկը արդէն իր հայրենիքումն է: Տեղի
 է ունենում բացատրութիւն երկու բարեկամների
 մէջ: Ստեփան Շահումեանը անկեղծ խոստովանում
 է, որ ժողովրդական հանրագիրը կեղծւած էր և թէ
 նա այդ արել է այն նպատակով, որ Դաւիթ բեկը
 անպատճառ գայ: Դաւիթ բեկին սկզբում տիրում է
 հրասթափութիւն, թէ ինչո՞ւ խաբւեց, բայց յետոյ
 վճռում է անմիջապէս գործի գլուխ անցնել:

Ժողովրդի մէջ հեղինակութիւն ձեռք բերելու
 նպատակով, հայ զօրավարները վճռում են յարձա-
 կում գործել Կարս-չօղլու կոչւած վայրենի ցեղի
 վրայ: Դաւիթ բեկը Վրաստանից եկած քառասուն
 կտրիճներով շարդում են այդ ցեղը Ուշ-Թէփէի մօտ:
 Լուրը սարսափի մէջ է ձգում Միսիանի թուրքերին,
 որոնք թողնելով իրանց գիւղերը՝ փախչում են լեռ-
 ները: Իսկ տեղացի հայերը, իմանալով բեկի փառա-
 ւոր յաղթութիւնը, հաւաքւում են նրա դրօշակի
 տակ: Այժմ Դաւիթ բեկը արդէն իր ձեռքի տակ ու-
 նէր 500 ձիաւոր, բոլորը ամենաբնատիւ ազամարդիկ:
 Այնուհետև հայերը միւսի էտեկց մի քանի
 յաղթութիւններ են տանում, որի շնորհիւ ժողովրդի
 բոլոր խաւերում տարածւում է Դաւիթ բեկի՝ իբրև
 քաջ զօրավար՝ համբաւը:

Ազատագրական շարժումը գնալով ընդհանրանում
 էր: Բոլոր զասակարգերը շերմ մասնակցութիւն էին
 ցոյց տալիս: Մեկիքները միանում են, բացի Մեկիք-
 ծրանգիւլ և Դաւիթ Ուրացող մեկիքներից: Հոգևորա-
 կանութիւնը նոյնպէս անգործ չէր: Եկեղեցական ա-
 նօթները, ոսկին ու արծաթը հալում էին պատերազ-
 մական պիտոյքների համար: Տաթևի վանքի ներսէս

սրբագանը ազգի ներկայացուցիչներին հրաւիրում է ժողով և Վարդանանց տօնի օրը՝ Վարդան Մամիկոնեանի դագաղի առաջ՝ ասում է մի վառվռուն ճառ, որի մէջ կոչ էր անում ժողովրդին դէպի սուրբ գործը: Ճառին հետևում է երգման հանդիսաւոր ուխտը: Ոգևորւած էին և հայուհիները, որոնք իրանց թանկագին զարդերը նւիրում էին ընդհանուր գործին: Իսկ բուն ժողովուրդը տալիս էր բազմաթիւ կամաւորներ. այնպէս որ Դաւիթ բէկի գրօշակի տակ հաւաքւած զօրքերի թիւը հասնում էր 8000-ի:

Պատերազմական գործողութիւնների գլխաւոր կենտրոնը Տաթևի վանքն էր իր անառիկ դիրքով և ամրութիւններով: Դաւիթ բէկը բոլոր զնդերի սպարապետ նշանակեց Մխիթարին, իսկ իրան վերապահեց ընդհանուր հրամանատարութիւն: Իր բոլոր ոյժերը նա բաժանել էր երկու գլխաւոր մասերի: Առաջին մասը կոչւում էր տիրապետող, միւսը կազմւած էր բազմաթիւ մանր խմբերից, իւրաքանչիւրի մէջ յիսուսից ոչ աւելի զինւորներ, որոնց նպատակը պիտի լինէր պարտիզանական կռիւ մղել թշնամու հետ անակնկալ յարձակումներով: Խմբապետները գլխաւորապէս այն անձինք էին, որոնց բէկը բերել էր իր հետ Վրաստանից:

Հայերը տանում էին յաղթութիւն յաղթութեան ետևից: Դաւիթ Ուրացողը, որ Փաթալի խանի աջ թևն էր, հայերի հետ ունեցած կռուում գերի է ընկնում և հրամանատարի ներկայութեամբ գլխատւում է: Նոյնպէս եղեռնական վախճան ունեցաւ նրա որդին՝ Շահ-Կուլի անունով, որին սպանում է մի վրէժխրնդիր տաթևացի գեղջիկուհի, և այսպիսով ամբողջ Տաթևի վիճակը ազատւում է երկու մեծ շարագործներից:

Հետևեալ նշանաւոր յաղթութիւնն էր Ձևու բերդի առումը, որ գտնւում էր Ասլամազ-Կուլի-խանի իշխանութեան ներքոյ: Հայերի յաղթութեան մէջ մեծ դեր էր կատարում մի գինեվաճառ այրի կին, որ եղել է երբեմն Տաթևի վանքի Խորէն վարդապետի սիրուհին: Ահա այդ արեղան ընկերակցութեամբ Շահումեանի և երկու ուրիշ ընկերների ծպտեալ մտնում են բերդը և գինեվաճառ Սօնայի հետ կազմում են մի սարսափելի դաւադրութիւն, որի հետևանքը լինում է այն, որ բերդի զինարանի բանալիները ընկնում են հայերի ձեռքը, որոնք զինւում են. սկսւում է կոտորած, հրդեհւում են տներ, որոնց թոււում նաև Ասլամազ-Կուլի-խանի սլաւաղը: Տեսնելով, որ իր հարեմը կարող է ընկնել պիղծ գեաւուրների ձեռքը, նա պայթեցնում է ամբողջ կանանոցը, որ սուսկալի բօմբիւնով բարձրանում, ցնդում է օդում: Ձևուն ընկնում է հայերի ձեռքը: Այնուհետև Դաւիթ բէկը դարձեալ մի խոշոր յաղթութիւն է տանում, այս անգամ գործ ունենալով Փաթալի-խանի և դաւաճան Մելիք-Ֆրանգիւլի հետ: Վերջինս կամենում է հայոց զօրքը ձգել ծուղակի մէջ և դիմում է հետևեալ միջոցին: Նախ՝ իր զոջման մի թուղթ է ուղարկում հայոց զօրապետին, յետոյ ինքն էլ անձամբ ներկայանում է Թորոս իշխանին և ըսկսում է հաւատացնել, որ այժմ միանում է հայերի հետ Փաթալի-խանի դէմ կռելու: Իսկ երբ սկսւում է կռիւը, դաւաճանի դիմակն ընկնում է: Հայոց զօրքերը անհամեմատ աւելի սակաւ էին, քան թշնամու զօրութիւնը, բայց կռուում էին զարմանալի հերոսութեամբ: Երբ երեկոյեան սահուն պարսիկները շարքւած վախչում էին և հայերը հալածում, այդ միջո-

ցին հասնում է Մելիք-Փրանգիւլը, միևնոյն ժամանակ յետ են դառնում փախչողները, հայերն ընկնում են երկու կրակի մէջ,— սկսում է սարսափելի կոտորածը: Ընկնում է Թորոս իշխանը, որ հաւատացել էր դաւաճան մելիքի զոջման, վերաւորում են հայ զօրաւորներից մի քանիսը, վերջ է ստանում Ֆաթալի-խանը, գերի է ընկնում Ստեփաննոս Շահումեանը: Սակայն Մելիք-Փրանգիւլը իր արժանի պատիժը ստացաւ: Երբ կուրց յետոյ, հրձելով Թորոս իշխանի մահով, վերագառնում էր հայրենի օջախը, սպանւում է գերութիւնից ազատւած Շահումեանի գնդակով:

Այնուհետև առ ժամանակ խաղաղում է աշխարհը: Իշխան Ստեփաննոս Շահումեանը և նրա սիրածը գտել էին իրար, հասել էին իրանց փափագին: Նրանց սպասում էր անհուն երջանկութիւն:

Բաֆֆին աւարտում է իր վէպը այն միջոցին, երբ Դաւիթ բէկը դեռ չէր հեռացել պատերազմական ասպարիզից, երբ դեռ շատ գործեր ունէր կատարելու: Նա տալիս է միայն Սիւնեաց հերոսի յետագայ յաղթութիւնների համառօտ նկարագիրը:

«Դաւիթ բէկը» պատմ. տեսակետից.

Ինչպէս մեզ յայտնի է, պատմական վէպի մէջ կարևորը ոչ այնքան պատերազմներն են, որքան ժամանակակից կեանքը, ժամանակի ոգին: Մենք կուզէինք տեսնել, օրինակ, թէ ինչպէս էին ապրում մելիքները իրանց ամբոցներում. նրանց կենցաղը, նրանց ընտանեկան յարաբերութիւնները, գաւազները կրթութիւնը: Կուզէինք տեսնել, թէ ինչպէս էր ապրում հայ գեղջուկը իր խրճիթում. գոհ էր իր վիճակից, ումնից էր գանգատաւոր, ո՞վ էր նրան ճնշողը և հարստահարողը: Այդ բոլորը կարելի էր ներկայացնել գեղարւեստական պատկերների մէջ, որոնց

մէջ հանդէս կգար Սիւնիքը իր բնակիչներով: Հետաքրքրական կլինէր, օրինակ, տեսնել, թէ Դաւիթ բէկի երևալը և սկսած ազատագրական շարժումը ինչպիսի տրամադրութիւն և ինչ յոյսեր էին զարթեցրել ազգաբնակչութեան մէջ: Դրա համար բաւական էր նկարագրել մի ժողովրդական հանդէս կամ գիւղական տեսարան: Ամբողջ վէպի մէջ կայ միայն մի այդպիսի պատկեր: Դաւիթ Ուրացողի որդին, վերաւորւած կուրի մէջ, փախչում է թշնամու հետամտութիւնից և ապաստան է գտնում մի տաթևացու խորճիթում, որտեղ նրան սպանում է տանտիկինը՝ զբրգւած վրէժնորութիւնից:

Սակայն Բաֆֆին գրքի առաջին մասում գերազանց ծանօթութիւն է ցոյց աւելիս պարսիկների բնաւորութեան, նիստ ու կացին: Խանի պալատը, հարեմը, հարեմական կեանքի բոլոր գաղտնիքները գերազանց ծանօթ են վիպասանին: Եւ նա այդ բոլորը ներկայացնում է մի շարք պատկերների մէջ: Նոյնչափ հիմնաւոր տեղեկութիւններ է տալիս գրքի երկրորդ մասում վրաց ժողովրդի մասին: Մեր առջև հանդէս են գալիս իշխանական դասակարգի ներկայացուցիչները իրանց ցեղական բնաւորութեամբ և սովորութիւններով: Տեղեկութիւններ տալիս է նաև ճորտերի մասին: Վրաց ժողովրդական մի հանդէսը նկարագրւած է ամենայն մանրամասնութեամբ և պահպանւած է ցեղային կօլօրիտը:

Ինչո՞վ բացատրել, որ Բաֆֆին «Խննթի» և «Կայծերի» մէջ տւել է մի շարք գեղարւեստական պատկերներ ժողովրդական կեանքից, «Դաւիթ բէկի» մէջ զլացել է այդ անել:

Հարցը կպարզւի, եթէ ի նկատի ունենանք այն հանգամանքը, որ Բաֆֆին շատ մօտ ծանօթ էր այն

երկրին և ժողովրդին, որոնց մասին նա գրում էր «Սենթի» և «Կայծերի» մէջ: Ահա ինչո՞ւ այդ գրուածքների մէջ այնքան մեծ տեղ է բռնում կենցաղագրութիւնը: Այստեղ Բաֆֆին հարազատ հոգի վրայ է կանգնած, ամեն ինչ նկարագրում է վստահութեամբ, միևնույն ժամանակ մնում է հաւատարիմ իրականութեան: Սակայն նա չէ ապրել Սիւնեաց աշխարհում, չէ շփուել ժողովրդի հետ, անմիջապէս չէ դիտել նրա ընտանեկան և համայնական կեանքը: Իսկ ճանապարհորդել է Սիւնիքում այն ժամանակ (1881 թ.), երբ արդէն տպւած էին վէպի երկու մասերը: Եթէ այդ ճանապարհորդութիւնը մի օգուտ տւեց Բաֆֆուն, դա այն է, որ նա ուղղեց մի քանի պատմական և աշխարհագրական սխալներ, որոնք սպրտել էին վէպի երրորդ մասի 47—50 էջերի վրայ:

Քանի որ Բաֆֆին լաւ չէր ճանաչում Սիւնեաց երկրի ժողովուրդը, հասկանալի է, թէ ինչպիսի զրժւարութիւն պիտի զգար նկարագրելու, զիցուք, սիւնեցու մի ընտանիք այնպէս, ինչպէս նկարագրել է, օրինակ, ամուսնէր Թաչօի ընտանիքը:

Հեղինակի երեակայութիւնը կենցաղագրութեան մէջ անգօր է. հասկանալի է, թէ ինչու Բաֆֆին խուսափել է կենցաղագրական պատկերներից:

Վէպի մէջ կան, իհարկէ, պատմական փաստեր:

Այստեղ պատմական կարելի է համարել Դաւիթ բէկը և նրա յաղթական կռիւները, պատմական են միաբան և դաւաճան մեղիքները, Փաթալի խանը և ուրիշ անձնաւորութիւններ, որոնք մասնակցել էին հայ-պարսկական ընդհարումներին: Պատմական են և այդ կռիւները, թէև

թէև նրանց մանրամասնութիւնների մէջ անշուշտ մեծ դեր է կատարել Բաֆֆու ստեղծագործութիւնը: Նոյնպէս և հեղինակի սուբիէկտիւ հայեացքը այստեղ մեծ դեր է կատարել. դա երևում է, օրինակ, Ներսէս սրբազանի ճառի մէջ, որ նա արտասանեց Վարդանանց տօնին ահագին բազմութեան առաջ: Ճառը պարունակում էր իր մէջ այնպիսի հանճարեղ մտքեր կանանց էմանսիպացիայի, մարդկային հաւասարութեան և նման խնդիրների մասին, որ կասկածի տեղ չէ մնում, թէ այդ մտքերը նորագոյն ժամանակների արդիւնք են և որ նրանք չէին կարող ծագել XVIII դ. մտաւոր խաւարում Սիւնեաց լեռներում: Հազիւ թէ այդ ժամանակ մենք ունենայինք Ներսէսի պէս լուսաւորւած հոգևորականներ: Երբ կինը խառնում է գործի մէջ, դա նրա յաշոյութեան ամենապարզ նշանն է», ոգևորւած բացականչում է սրբազանը: «Սեփականութեան իրաւունքը սուրբ է Աստուծոյ համար», — յայտարարում է մի այլ ճշմարտութիւն: Անտարակոյս, Ներսէս արքեպիսկոպոսի բերանով խօսում է ինքը հեղինակը:

Ձնայած այս բոլոր պակասութիւններին, որոնց մասնացոյց արինք, «Դաւիթ բէկը» ունի անգնահատելի արժանաւորութիւններ:

Նախ, այն սիւժէտը, որ ընարել է Բաֆֆին, — ազգային շարժումը Սիւնիքում 18-րդ դարի առաջին քառորդում, — ինքն ըստ ինքեան հետաքրքրական է: Դրան աւելացրէք հեղինակի հմայիչ տաղանդը պատմելու մէջ, նրա հմուտ գրիչը պատմութիւնը համեմելու բովանդակական արկածներով և նկարելու բնութեան գեղեցիկ տեսարաններ:

Բայց դա արտաքին կողմն է միայն: «Դաւիթ բէկը» թէև պատմական վէպ է, բայց իր էութեամբ,

«Դաւիթ բէկը» արժանատի է որոնելու իրենները

ներքին իմաստով պատկանում է «Խենթի» և «Կայծերի» սերիային, որտեղ առաջնակարգ տեղ է բռնում գաղափարը, հեղինակի տենդենցը:

Բաֆֆին մնում է հաւատարիմ այն կարծիքին բանաստեղծութեան նշանակութեան մասին, որ նա յայտնել է «Կայծերի մէջ», այն է՝ բանաստեղծութեան նպատակը պիտի լինի տալ ժողովրդին իրէպաներ, որոնց մարմնացնելու համար հեղինակը իրաւունք ունի ստեղծել իր ցանկացած հերոսներին: Այստեղ հեղինակի ցանկացած հերոսներն են՝ Դաւիթ բէկը, Ստ. Շահումեանը, Ներսէս սրբազանը և այլն: Այդ հերոսներին թէև Բաֆֆին չէ ստեղծել, բայց նրանց սիրել է և նրանց բերանով յայտնել է իր մտքերը:

Ինչպէս միշտ, այժմ ևս Բաֆֆուն աւելի յաջողւել են բացասական անձնաւորութիւնները՝ Մելիք-Ֆրանգիւլը և Դաւիթ Ուրացողը, որոնք հակադրւած են համակրելի անձնաւորութիւններին, ինչպէս օրինակ, Դաւիթ բէկը, Թորոս իշխանը և այլն:

Մելիք-Ֆրանգիւլ ձևով, մօրուքները և ձեռները ներկւած էին հինայով, խօսում էին պարսկերէն: Երկուսն էլ փառասէր էին և իրանց նպատակներին հասնելու համար կանգ չէին առնում ոչ մի խոչնդոտի առաջ:

Մելիք-Ֆրանգիւլի առաջնորդութեամբ էր, որ Ֆաթալի խանը իր հրոսակներով գրոհ տւեց Գենուազի սահմանները, որի մելիքը, իշխան Վրթանէսը, անպատրաստ էր և ընկաւ կռի մէջ: Շահումեանի տոհմը բնաջինջ եղաւ, և այդ իշխանական տոհմից մնաց միայն պատանի Ստեփաննոսը, որ գերի ընկաւ խանի ձեռքը: Մելիք-Ֆրանգիւլը սկսում է գործ դնել իր բոլոր սատանայական հնարագիտութիւնները

Շահումեանի հայրենական ժառանգութեան տիրանալու համար: Թորոսը պիտի գար Ֆաթալի խանի մօտ թանկազէին ընծաներով ազատելու գերիներին, որոնց թւումն էր և Ստ. Շահումեանը: Մելիք-Ֆրանգիւլը միացած միւս դաւաճանի հետ՝ խորամանկ միջոցներով աշխատում էին համոզել Ֆաթալի խանին, որ մերժէ Թորոս իշխանին և գերիներին չազատէ: Բայց իշխանի բերած հազազիւտ ընծաները, «փէշքէշները», շրտցնում են խանին, և ճոխ, ուրախ ճաշկերոյթը պսակւում է գերիների ազատութեամբ: Ազատւում է և Շահումեանների տոհմի վերջին շառաւիղը՝ Ստեփաննոսը: Կարելի է երեւակայել Ֆրանգիւլի կատաղութիւնը, երբ նրա դաւադրութիւնը չէ յաջողւում: Իր նպատակին հասնելու համար նա ընդունում է մահմեդականութիւն: Իսկ թէ ինչպիսի փարիսեցիութեամբ խաբեց Թորոս իշխանին և հայոց զօրքը ծուղակի մէջ ձգեց, այդ արդէն յայտնի է ընթերցողին:

Մելիք-Ֆրանգիւլից յետ չէր մնում Դաւիթ Ուրացողը: Տաթևի մելիքութիւնը ձեռք բերելու համար մի շարք ոճիրներ է գործում: Այդ բաւական չէր: Ընդունում է մահմեդականութիւն, թուրքի անունով իրան կոչում է Բաղր, իր մանկահասակ «աղջկան» Մարիամին, որ Շահումեան Ստեփաննոսի նշանածն էր, տալիս է Ֆաթալի խանին, որպէս կաշառք: Ոճրագործութեամբ և կեղտոտ միջոցներով ձեռք է բերում Տաթևի մելիքութիւնը և Տաթևի հայ ժողովրդի համար դառնում է պատուհաս: Հարստահարում, կողոպտում էր, ծանրաբեռնում էր ժողովուրդը տուրքերով, հարկեր վերցնում էր երեքպատիկ, չորեքպատիկ աւելի, քան թէ պարտաւոր էին: Ով անկարող էր վճարել, ծախում էր տնային կարասիքը, անա-

սունները, իսկ եթէ այդ էլ չէր բաւում, վաճառում էր նրանց զաւակներին, որոնց դարձնում էին մահմեդական: Տաթևացոց արտունջը և գանդամները տեղ չէին համուում, և բոլորովին յուսահատւած, անտանելի դրութեան վերջ տալու համար, ժողովրդից մի մեծ խումբ նաֆթով այրում է իրան մահմեդական իշխանի դրան առջև:

«Սամուկը»

Բաֆֆին իր ոչ մի գրեածքը այնպիսի խնամքով չէ մշակել, ինչպէս «Սամուկը»: Այստեղ ամեն բանի մէջ երևում է նստակեաց, տոկուն աշխատանքի դրողմ: Հեղինակը իր ձեռքի տակ ունեցել է Փաւստոս Բիւզանդացին, որից յաճախ վկայութիւններ է բերում վէպի մէջ, նոյնպէս և շատ ուրիշ նիւթեր: Իրան սպացոյց կարող է ծառայել նրա պատմական հմտութիւնը, բազմաթիւ հնադիտական, տեղագրական և տոհմագրական տեղեկութիւնները:

Բաֆֆին «Սամուկի» յոռաշարքանում այսպէս է բացատրում վէպի շարժառիթը. «Խրախուսուելով այն գաղափարով, թէ որքան մեծ կրթողական ազդեցութիւն ունի պատմական վէպը ընթերցողի համար, երբ նա տեսնում է իր նախնեաց մեծագործութիւնները և աշխատում է հետևել նրանց առաքինութիւններին, տեսնում է և նրանց մոլութիւնները, աշխատում է հետու պահել իրան նրանց կատարած սխալներին, — այդ միտքը քաջալերեց ինձ»:

Իովանդան
կութիւն. յաստանը մի այսպիսի դրութիւն էր ներկայացնում:
Պարսից Շապուհ թագաւորը վճռել էր բնաջինջ

անել Հայաստանից քրիստոնէութիւնը և նրա փոխարէն մտցնել կրակապաշտութիւն կամ Մազդէզանց օրէնք, դրա հետ միասին նաև պարսից լեզուն և սովորութիւնները: Նրա նպատակն էր հայերին ձուլել պարսիկների հետ և աշխարհից ջնջել հայ ազգութիւնը: Բայց շուտով համոզուեց, որ այնքան էլ հեշտ չէ ամբողջ ազգ կլանել: Շապուհը չզիտէր, թէ հայ ազգը որքան ամուր է իր կրօնի մէջ: Նա կարծում էր, որ իր նպատակների գլխաւոր խոչնդոտներն են Արշակ Բ. թագաւորը և նախարարները: Արշակ թագաւորին հրաւիրում է մայրաքաղաք Տիրոս և նենգաբար կալանաւորում և բանտարկում է Անոյշ բերդում: Նոյնպէս նենգաբար սպանում է հայոց սպարապետ Վասակ Մամիկոնեանին և նրա պաճուճապատանքը դնում է Արշակի առաջ, որպէս զի նրա սրտից երկիրը չհեռանայ: Նա իր կողմն է գրաւում Վասպուրականի իշխան Մերուժան Արծրունուն և Տարօնի իշխան Վահան Մամիկոնեանին, որոնք երկու ամենահզօր նախարարութիւնների ներկայացուցիչներն էին: Նրանց հետ իր կապերն ամրապնդելու համար, Շապուհը Մերուժանին խոստանում է Հայոց թագաւորութիւնը և իր քրոջ Որմիզդուխտին, իսկ Վահանին սպարապետութիւն և միւս քրոջը կնութեան: Շապուհի ծրագրի մէջ մտնում էր՝ նախ դաւաճան նախարարների հետ ուղարկել Հայաստան մոգերի անհազին բազմութիւն, որպէս զի եկեղեցիների փոխարէն հիմնեն ատրուշաններ, յետոյ ամեն տեղ բաց անել պարսկական դպրոցներ և նախարարների զաւակներին դաստիարակել պարսկական ոգով: Բացի այդ, հրամայւած էր կալանաւորել նախարարներին առանձին բանտերում: Նրա նպատակն էր այդպիսով ջլատել հայոց ոյժերը:

Հայաստանը մնացել էր բոլորովին անտէր և անպաշտպան: Արշակ թագաւորը տւայտում էր Անոյշ բերդում: Հայոց թագաժառանգ Պապը իր կնոջ և որդիների հետ պատանդ էր Բիւզանդիայի Վալէս կայսեր մօտ: Հայաստանի քահանայապետ Ներսէս Մեծը արսորւած էր Պատմոս կղզում զարձեալ նոյն կայսեր հրամանով:

Երբ Սամէլը իմանում է Շապուհի հրէշաւոր ծրագիրները և Մերուժանի ու իր հօր դաւաճանութիւնը, իսկոյն լուրը յայտնում է իր հօրեղբօր որդուն՝ Մուշեղ Մամիկոնեանին: Աշտիշատի վանքի խցում գումարւում է ժողով, որին ներկայ էին, բացի հրաւիրողներից, նաև Ներսէս Մեծի որդի՝ Սահակ Պարթևը և Մեսրոպը: Ամենքը համոզւած էին, որ պատերազմն անխուսափելի է, և վճռում են անմիջապէս պատրաստութիւններ տեսնել: Բարեբախտաբար, այդ ժամանակ մի քանի նախարարների մէջ զեռ վառ էր հայրենասիրական ոգին, և Շապուհի հրէշաւոր ծրագիրների զէմ կանգնեց նրանց միաբան զօրութիւնը: Մուշեղ Մամիկոնեանը ընարւում է ընդհանուր հրամանատար, և նրա շուրջը խմբւում են Սամէլը, Ռշտունեաց իշխան Գարեգինը և ուրիշները: Գործողութիւնների կենտրոնաւեղին ընարւում է Արտազերս ամրոցը, որ գտնւում էր Փառանձեմ թագուհու ձեռքի տակ:

Հայաստանի գլխին փոթորիկը ճայթում է սպասածից վաղ: Մերուժան Արծրունին և Մամիկոնեանը պարսից զօրքերի գլուխ անցած՝ զրոհ են տալիս Հայաստան, ամեն տեղ սփռելով կոտորած և աւեր: Պաշարում են Ռշտունեաց իշխանի ամրոցը, որ կանգնած էր Ալթամարայ կղզու ապառաժների վրայ: Յարձակումը տեղի է ունենում գիշերով: Ռշտունեաց

իշխանի բացակայութեան պատճառով, պարսից զօրքը, առանձին զիմադրութեան չհանդիպելով, վերցնում է բերդը, սկսում է կողոպուտ ու կոտորած, և գերի է վերցւում տիկին Համազասպուհին: Ռըշտունցի քաջ լեռնականները սասունցիների հետ միացած՝ անակնկալ յարձակումով ջարդում են պարսիկներին և հալածում մինչև Վանայ բերդը, ուր նրանք պատասպարւում են: Նոյն գիշեր լեռնականները իրանց Գարեգին իշխանի և օրիորդ Աշխէնի առաջնորդութեամբ վերցնում են Վանայ բերդը, և նորից ջարդում են թշնամուն: Դաւաճանները սարսափահար և ամօթապարտ փախուստի են գիմում, իսկ նրանցից մէկը, Վահան Մամիկոնեանը, իր քրոջը՝ Համազասպուհունն վաղօրօք կախ է տալիս աշտարակի բարձրութիւնից:

Երբ Շապուհն իմանում է իր զօրավարների ամօթալի պարտութիւնը, վճռում է անձամբ անցնել զօրքի գլուխ և մեծ արշաւանք կատարել զէպի Հայաստան: «Նա գալիս էր, զրում է Բաֆֆին, որպէս մի մրրկածուփ հեղեղ, ամեն ինչ ողողելու, ամեն ինչ ոչնչացնելու համար: Որտեղից և անցնում էր, իր ետևից թողնում էր աւերակներ, տխուր անապատ և ամայութիւն: Քաղաքներն ու աւանները կրակի ձարակ էին դառնում, իսկ փախչելու անկարող բնակիչները զերւում էին: Նրան առաջնորդում էին Մերուժան Արծրունին և Վահան Մամիկոնեանը»: Արտազերս բերդը պաշարելու նախընթաց օրը Շապուհի հրամանով Զարեհաւանում կատարւեցին զազանային եղեռնագործութիւններ, որոնց ենթարկում էին չափահաս և անչափահաս զերիներին՝ մանկահասակ օրիորդներին, կանանց, նոյն իսկ մանուկներին: Մի ամբողջ ամիս տևեց Արտազերս բերդի պա-

չարումը: Շապուհը գայրացած թողնում է պաշարուն մը և գնում Պարսկաստան, մեծ ուրախութիւն պատճառելով Արտազերսի պաշարածներին; որոնց մէջ, բացի Փառանձեմ թագուհուց, կային հայոց սպարապետ Մուշեղ Մամիկոնեանը, Սահակ Պարթևը, Մեսրոպը, Ռշաունեաց օրիորդ Աշխէնը և ուրիշները:

Մուշեղ Մամիկոնեանը իր զօրքը վերցնում և գնում է թշնամու ետևից: Թաւրիզի մօտակայքում այնպիսի շարդ է տալիս պարսիկներին, որ Շապուհը՝ գլուխը կորցրած՝ Փախչում է, թողնելով հայերի ձեռքին արքայական վրանները, կանանոցը, թագուհուն և քոյր Որմիզգուլտին, որ Մերուժանի նշանածն էր: Մուշեղը՝ պարսիկ զերիների վրայ կատարում է նայն եղեռնագործութիւնները, ինչ որ գործել էր Շապուհը հայերի վրայ: Իսկ կանանց վերաբերմամբ նա վարւում է ոչ Շապուհի պէս, այլ մեծահոգութեամբ և մարդասիրաբար: Պարսից թագուհուն և միւս կանանց պատուով ուղարկում է Տիգրօն մայրաքաղաքը արքայից արքային, իսկ Որմիզգուլտին պահում է Արտազերսում, որպէս պատանդ, և յանձնում է Փառանձեմ թագուհու խնամակալութեան:

Շուտով իրերի գրութիւնը փոխւում է: Թագուհու խնդրանօք Մուշեղ սպարապետը գնում է Բիւզանդիոն, ուր Վաղէսին ժառանգել էր Թէոդոս կայսրը, որ աւելի բարեհաճ էր դէպի հայերը: Պատգամաւորութեան նպատակն էր Փառանձեմ թագուհու և հայ ազգի կողմից խնդրել կայսրին, որ թագաժառանգ Պապին զօրքով ուղարկէ Հայաստան և բազմեցնէ հօր գահի վրայ: Թէև սպարապետը բարի գործ չէր գուշակում պատգամաւորութիւնից, բայց զիջեց հայոց թագուհուն:

Առ ժամանակ պատերազմը դադարած էր: Շա-

պուհը իր զօրքերը տանում է քուշանաց երկիրը պատերազմելու, սլաֆեասե ապստամբել էին պարսից դէմ: Մամուկը հեռացել էր պատերազմական ասպարիզից. հիւանդ էր և ապաքինում էր մի վանքում վանական հայրերի հոգացողութեան տակ:

Մերուժանը գիտէր, որ իր Որմիզգուլտը գրանւում է Արտազերս ամրոցում, միայն սպասում էր յարմար առիթի տիրանալու թէ բերդին և թէ սիրունուն: Այդ ժամանակ Արտազերսում մի մեծ զրթբախտութիւն պատահեց: Երևաց սարսափելի ժանտախտը և սկսեց անխնայ կոտորել: Հազարաւոր մարդիկ զոհ գնացին զարհուրելի համաճարակին: Դրան աւելացաւ սովը, որ ամեն բան լրացրեց, և վերջ ի վերջոյ յայտնեց, որ ամբողջ բերդում ողջ մնացել են միայն Փառանձեմ թագուհին, Որմիզգուլտը և երկու նաժիշաներ: Վերջին հարւածն էլ հացրեց դաժան Մարդպետը, որ Արշակի օրով դաւաճանեց թագաւորին և պատճառ եղաւ նրա կործանման. այժմ ծառայում էր Շապուհի մօտ: Նա գիտէր բերդի բոլոր գաղտնի ճանապարհները: Մտնում է բերդը և տեսնում նրա ամայութիւնը:

Մերուժան Արծրունին՝ Մարդպետից իմանալով, որ բերդում զօրք չկայ, գնում է և առանց դժուարութեան վերցնում է բերդը: Եւ սւմ է տեսնում: Որմիզգուլտը նրա առաջ: Նա պատրաստ էր նրան իր գիրկն առնել, բայց հպարտ օրիորդը արժանացնում է նրան իր աշնամարանքին և դիմելով պարսից սպարապետին, պահանջում է առաջնորդել իրան և բնկերուհիներին եղբօր մօտ մինչև Տիգրօն: Աւելի մեծ անպատուութիւն չէր կարելի հասցնել դաւաճանին, քան Որմիզգուլտի այդ սպանիչ արհամարհանքը:

Պատերազմը նորոգւում է: Գաւաճան իշխանները պատերազմական թատերաբեմը տեղափոխել են Արարատեան դաշտավայրը: Այստեղ ևս նրանք կատարում են միևնոյն աւերմունքը և կանաչ երկիրը դարձնում են ամալի անապատ: Ահա նրանց անապին բանակը անթիւ վրաններով: Մի կողմում շղթայակապ գերիներ են, որոնց սպասում է դաժան մահը: Միւս կողմում՝ մի բարձր խարոյկ, որ կազմւած է սուրբ գրքերից և շուտով կրակը պիտի լափէ: Ահա հեռում դարձեալ մի բուրգ—դրանք մարդկային կառավներ են:

Սամւէլը եկել է հօր մօտ վաղուցայ նպատակը իրագործելու: Հայրը տեսնելով, որ նա չափազանց տխուր է, որդուն զբաղեցնելու համար, կազմակերպում է որսորդական արշաւանք Արաքսի ափերում: Հայր ու որդի առանձնանում են «Իշխանական կղզում», և այնտեղ Սամւէլը փորձում է համոզել հօրը, որ զղջայ և դարձի դայ,—դա զրգուում է հօր զայրոյթը և նա ձեռքը տանում է դէպի սուրը, բայց որդին աւելի ճարպիկ է գտնւում և սպանում է հօրը:

Շուտով տեղի է ունենում մի ճակատագրական և վերջին կռիւ հայերի և պարսիկների մէջ: Մերութանի թշնամին այժմ մի կին է—նրա մայրը: Քաջ ուշտունցիների գլուխ անցած՝ շրջապատել է իր որդու բանակը, պահանջում է ազատել գերիներին: Որդու պատասխանը—յարձակման հրամանն էր: Կռիւը գնալով կատաղի կերպարանք էր ստանում: Սամւէլը հրաջքներ էր գործում. աներևակայելի քաջութեամբ շանթում էր մերթ այս մերթ այն կողմը, և մի խումբ ձիաւորներով զարմանալի արագութեամբ պատառում է գերիներին շրջապատող զինւորների շրջթան, որից յետոյ գերիները «փրկութեան ժամը հա-

սաւ» աղաղակելով, փշրում էին կապանքները և ըսկառում իրանք էլ կուել:

Մերութանի վէրքը, որ նա ստացել էր որսի ժամանակ պատանի Արտաւազդի նետից, այժմ նորից բացւում է, և նա պիտի արիւնաքամ լինէր և մեռնէր, եթէ Սամւէլը չկապէր նրա վէրքը:

Այնուհետև Սամւէլին տեսնում ենք հայրական տանը, ուր նա հասնում է այն ժամին, երբ մայրը մոգերով շրջապատւած՝ զարնան հանդիսաւոր տօնն էր կատարում: Սամւէլը նախ խնդրում, յետոյ սպառնում է մօրը—հանգցնել զոհարանի կրակը, բայց արժանանում է մօր արհամարանքին, և զժբախտ որդին սպանում է մօրը «այն սրով, որով սպանեց դաւաճան հօրը»:

Մենք արդէն գիտենք, թէ որքան մեծ դժւար-«Սամւէլը»
րութիւն կայ հայ հեղինակի համար գրել պատմա- պատմա-
կան վէպ ազգի հեռաւոր անցեալից, քանի որ հայկան տեսա-
պատմագիրները զլացել են տեղեկութիւններ հաղոր- կէտից.
դել ժողովրդի կենցաղի մասին: Մեր պատմութեան
այդ մեծ թերութեան վրայ երկար կանգ է առնում
Բաֆֆին «Սամւէլի» յառաջաբանում:

Այն հարցին, թէ ինչ է տալիս մեզ հայոց պատմութիւնը, նա պատասխանում է. «Մենք կարդում ենք նրա մէջ մեր թագաւորների, մեր իշխանների անուանները, ծանօթանում ենք նրանց ներքին կռիւների և արտաքին պատերազմների հետ. գիտենք, թէ որքան արքան տարի տիրեց կամ ինչ լաւ և վատ գործեր կատարեց,—այդ բոլորը գիտենք մենք: Բայց թէ ինչպէս էր կազմակերպւած նրանց ընտանեկան կեանքը, ինչ սովորութիւններ ունէին, ինչպէս էին հագնւում, ինչ տեսակ տների մէջ էին ապրում, մի խօսքով, իբրև մարդ, նրանց ընտանեկան և հասա-

բաղական կենցաղավարութեան մասին մեր պատմութիւնը, եթէ չասեմ իսպառ, կարող եմ ասել, մեծ մասամբ լուծւում է: Մեր պատմութեան մէջ գրեթէ բոլորովին մոռացւած է ամբողջ: Մեր պատմագիրները չեն նկատել, որ բացի թագաւորներից և իշխաններից, բացի հոգևորականներից և զինւորներից, Հայաստանում կար և ժողովուրդ, որ ապրում էր, որ իր կեանքն ունէր, որ իր տօները, հանդէսները և ցընծութիւններն ունէր... Մենք չգիտենք, ի՞նչ պէտք էր ապրում հայ շինականը, ի՞նչ տեսակ էր հագնւում, և ի՞նչ տեսակ գլարճութիւններ ունէր: Մենք չգիտենք, թէ ի՞նչ էր շինում հայոց արհեստաւորը, որ երկրների հետ գործ ունէր հայոց վաճառականը, կամ ի՞նչ տեսակ անասուններ էր սնուցանում հայոց խաշնարածը: Մեր պատմութիւնը լուռ է այդ բոլորի մասին: Մեր պատմութեան մէջ մոռացւած է և մեր ժողովրդի մի նշանաւոր տարրը—կիւնը: Մենք ծանօթ ենք մի քանի կանանց անունների հետ միայն, իսկ նրանց կեանքը իր բոլոր մանրամասներով մեզ անյայտ է: Ի՞նչ էր հայ կիւնը, որպէս ամուսին, ի՞նչ էր նա, որպէս մայր, ի՞նչ գեր էր խաղում, որպէս ընտանիքի և հասարակութեան անդամ—այդ մենք չգիտենք: Իսկ առանց կնոջ վէպ կարող չէ լինել կիւնն է նրա ոգին և կենդանութիւնը»:

Բաֆֆու այս խոստովանութիւնից յետոյ հասկանալի է, թէ ի՞նչու IV դարի հայոց կեանքի նկարագրութիւնը այնքան չնչին տեղ է բռնում «Սամէլի» մէջ: Այստեղ դուրս է բերւած գլխաւորապէս իշխանական դասակարգը: Առաջին էջերից մեր առջև բացւում է Վահան Մամիկոնեանի Ողական ամբողջ իր փառահեղ գահիճներով և փարթամ կահաւորութեամբ, որտեղ միահեծան իշխում է Սամէլի մայր

Տաճատուհին, որ լի տոհմային հպարտութեամբ, փառասէր, պարսից կրօնին և սովորութիւններին հակւած մի կին է:

Բայց ահա և մի ուրիշ ընտանիք, որ առաջինի հակապատկերն է: Այստեղ տիրապետում է հայրենիքի սէրը, և հալածւած է օտարամոլութիւնը: Գերդաստանի գլուխը մի հայ մատրօնա է, որ տան դուռը փակում է անարժան որդու առաջ, որ իր դաւաճան որդու գէմ գնում է զօրքով: Դա Մերուժան Արծրունու ընտանիքն է:

Մրանից երևում է, որ Բաֆֆին քիչ թէ շատ տեղեկութիւններ տալիս է իշխանական դասակարգի մասին: Սակայն ժողովրդական կեանքից պատկերներ գրեթէ բացակայում են: Իբրև բացառութիւն, կարելի է բերել մի այսպիսի տեսարան: Մերուժանը, հայրենական քաղաքում կրած անպատուութիւնից յետոյ, թիկնապահներից լքւած, ահ ու դողի մէջ որոնում էր մի ապահով տեղ: Մութը պատել էր աշխարհ, իսկ նա գնում էր յոգնած, ջարդւած և քաղցած: Ճանապարհին տեսնում է հովիւներ: Նրանք Մերուժանի հովիւներն էին, բայց չճանաչեցին իրանց տիրոջը: Վասպուրականցի լեռնական հովիւը նրան հրաւիրում է իր տաղաւարը, բերում է հիւրի համար հաց, պանիր, սոխ և խորոված: Մերուժանը ուտում է մեծ ախորժակով, որովհետև ամբողջ օրը քաղցած էր: Տաղաւարի շուրջը հաւաքւում են միւս հովիւները, և հետաքրքրական խօսակցութիւն է ըսկաւում: Պարզամիտ հովիւները չգիտէին, որ հիւրը Մերուժան Արծրունին է, իրանց տէրը, և նրա հասցէին տեղում էին գլարճալի կատակներ. որը նրա մասին ծիծաղելի առակ էր պատմում, որը հայ-

հոյուժ էր, իսկ տաղաւարի տէրը խստիւ դատապարտուժ էր ուրացող իշխանին: Հայաստան աւերողը այդ ժամին համբերութեամբ տանում էր իր սեփական հովիւների կծու ծաղրը, կուլ էր տալիս նրանց վիրաւորանքը: Ահա սրբան յեղյեղուկ է մարդկային բախտը:

Աւելի յաջողել է Րաֆֆուն պատկերացնել Հայաստանի քաղաքական դրութիւնը, երբ ազգի լինել կամ չլինելու հարցն էին որոշում հայերը պարսիկների հետ:

Վէպի հերոսը Սամէլը:

Սամէլը նկարագրւած է ոչ այնքան յաջող թերի և անգոյն պատկերի տալաւորութիւն է թողնում: Նրա մէջ կան ինչ որ հակասութիւններ և դանդաղկոտութիւն:

Ճակատագիրը նրա վրայ դրել էր ծանր պարտականութիւն՝ հաւատափոխ և ազգուրաց հօրը դարձի բերել կամ, եթէ հակառակի, կատարել իր գիացածը: Հօր դաւաճանութեան շնորհիւ նրա ամբողջ ներքին աշխարհը վրդովւած է և պահանջում է վրէժխնդրութիւն: Բայց միևնոյն ժամանակ նա սիրում է հօրը: Ուրեմն ինչպէս պիտի վարւէր Սամէլը:

Պատասխանը շատ պարզ է: Որքան կարելի է շուտ տեսնել հօր հետ և, քանի դեռ ուշ չէ, չարիքի առաջն առնել: Դանդաղկոտութիւնը, վարանումը՝ կարող էր միայն վատ հետևանք ունենալ: Բայց ինչ էք կարծում, Սամէլը հէնց այդպէս էլ անում է, չնայած, որ ներկայացել էր շատ յարմար առիթ տեսնելու հօրը և մտերմական գրոյց անելու նրա հետ: Նրա մայրը՝ տիկին Տաճատուհին պատրաստել էր փառահեղ շքախումբ ամուսնուն ընդ առաջ գնալու համար: Սամէլը, փոխանակ պուքելութիւնը ի կատար ածելու, գնում է նախ Ռշտունեաց ամրոցը՝

չքնաղ օրիորդ Աշխէնին տեսնելու: Տեսութիւնը թէև յաջողում է, բայց նա շատ թանկ է նստում Սամէլին: Երեք հարիւր թիկնապահներից մնում են ընդամենը քառասուն հոգի. մնացեալը անհետանում, կորչում են Ռշտունեաց անտառներում: Ահա Սամէլի առաջին սխալ քայլը իր տխուր հետևանքով:

Մինչդեռ նա այսպէս դանդաղում էր, Մերութան Արծրունին արդէն սկսել էր արիւնով ողողել Հայաստանը: Տարաբախտաբար, այդպիսի վատ ժամանակում Սամէլը հիւանդանում է, որի շնորհիւ ստիպւած էր առժամանակ թողնել իր մասնակցութիւնը ազգային շարժման մէջ: Նա գնում է, վերջապէս, իր պարտականութիւնը կատարելու շատ ուշ: Նրա հայրը և Մերութանը ձեռք ձեռքի տւած ամայացրել էին շատ քաղաքներ է գիւղեր և հազարաւոր դիակներ էին թողել իրանց ետևից: Այլ ևս ինչ նշանակութիւն ունէր Սամէլի կողմից հօր համոզելը: Կամ կարելի էր արդեօք համոզել մի դաւաճանի, որի ձեռքերը ներկւած էին հայրենակիցների արիւնով: Բայց Սամէլը նոյն իսկ սպանութիւնից առաջ դարձեալ յոյս ունէր, որ կարող էր հօրը համոզել:

Սամէլը իսկական հերոսի դերի մէջ է միայն վերջում: Մերութանի հետ վարած կռուում նա քաջ պատերազմող է, աջ ու ձախ շանթում էր թշնամուն և խորտակելով պահապան զինւորների շղթան, ազատում է բազմաթիւ գերիներին, որոնց սպասում էր դաժան մահը: Հօր և մօր սպանութիւնը և այդ փառաւոր յաղթանակը կատարւում են շատ արագ, մէկը միւսի ետևից: Բայց Սամէլը մեզ զարմացնում է իր հետևեալ արարքով: Նա, որ առանց տատանելու, զուտանց խղճի խայթոցի սպանում է մօրը պարս-

կական Իօն կատարելու համար, խնամքով կապում է վերաւոր Մերուժանի վէրքը, որպէս զի նա արիւնաքամ չլինի: Խնայում է այն մեծ դաւաճանին, որ Հայաստանը աւերակ դարձրեց: Նրա մեծահոգութիւնը ներկայ դէպքում անսպասելի և անտեղի էր: Ծերունի Հարբակը, որ փորձեւած մարդ էր, դժգոհութեամբ ասում է. «Նս չեմ հասկանում այս տեսակ գթութիւններ. ի՞նչ է նշանակում կենդանի թողնել վիրաւոր վիշապին»:

Մուշեղ սպարապետը. Համեմատաբար աւելի յաջող է նկարագրւած հայոց սպարապետ Մուշեղ Մամիկոնեանը: Մենք ճանաչում ենք նրան իբրև քաջ, հմուտ պատերազմողի, որ նա ցոյց տւեց Թաւրիզի մօտակայքում տեղի ունեցած ճակատամարտի մէջ, երբ թշնամուն հասցրած շարքը այն աստիճանի զօրեղ էր, որ արքայից արքան՝ գլուխը կորցրած և սարսափահար զիմեց փախուստի, հայերի ձեռքում թողնելով թագուհուն և կանանոցը:

Մուշեղը, Շապուհի նման, հետևում էր իր նշանաբանին՝ «ակն ընդ ակն» կամ հայի ասածով՝ «խոտորնակին խոտորնակ»: Շապուհը նրա հօրը ըստականեց և նրա կաշւից շինել տւեց պաճուճապատանք: Նա ևս անում է նոյնը, բայց աւելի մեծ ծաւալով: Գերի ընկած հարիւրաւոր պարսիկներին նոյն վիճակին է արժանացնում, ինչ որ Շապուհը արեց նախկին հայոց սպարապետին: Սակայն Մուշեղը թշնամու կանանց վերաբերմամբ ցոյց է տալիս զարմանալի մարդասիրութիւն: Մինչդեռ Շապուհը հայոց ազնւականների կանանց և մանկահասակ աղջիկներին մերկացրած ցուցադրում էր իր բանակի առաջ և աւելի խայտառակ գործեր կատարում, Մուշեղ Մամիկոնեանը գերւած թագուհուն և ամբողջ

հարեմը արքայական պատուով ուղարկում է Պարսկաստանի մայրաքաղաքը: Այդ աստիճան մեծահոգութիւն չէր սպասում Շապուհը, որովհետև ինքը այդ տեսակ բան չէր անի: Ահա ինչու՝ հիացած հայոց սպարապետի վարմունքից՝ հրամայում է նրա հօր պաճուճապատանքը հեռացնել բանտից և Մուշեղի պատկերը քանդակել իր բաժակի վրայ սպիտակ նժոյգի վրայ նստած:

Մուշեղը միևնոյն ժամանակ հմուտ քաղաքագէտ է: Երբ Փառանձեմ թագուհին համոզում էր նրան գնալ Կ. Պօլիս և կայսրի օգնութեամբ թագաժառանգ Պապին բերել Հայաստան և թագաւորեցնել հօր գահի վրայ, սպարապետը յուստես կարծիքներ յայտնեց իր պատգամաւորութեան հետևանքների մասին: Եւ նրա գուշակութիւնը կատարեց. Փառանձեմը որդու տեսութեանը չարժանացաւ և գերի ընկնելով պարսից ձեռքը, անբախտացաւ:

Մուշեղի գործն էր և քուշանների ապստամբութիւնը պարսից զէմ: Յանկանալով առ ժամանակ Շապուհին հեռացնել Հայաստանից՝ մինչև իր վերադառնալը՝ նա այդ բարբարոսներին ոտի է կանգնեցնում Պարսկաստանի դէմ, և այսպիսով հասնում է իր նըպատակին: Պարսից արքան զօրքով գնում է քուշանների ապստամբութիւնը ճնշելու:

Մուշեղ Մամիկոնեանին տեսնում ենք և իր ամբողջում՝ կնոջ և զաւակի հետ հրաժեշտի ժամին, երբ նա հանդիսանում է որպէս սիրող ամուսին և հայր, և միևնոյն ժամանակ որպէս պարտաճանաչ գինւոր, որ թողնելով իր ամենասիրելի էակներին՝ գնում է պատերազմ կամ մահ կամ կեանք գտնելու: Մերուժան

Մերուժան Արծրունին և Վահան Մամիկոնեանը և Վ. Մամիկատ չեն նկարագրւած: Երկուսն էլ դաւաճան և անկոնեան

սահման փառասէր են: Իրանց նպատակներին հասնելու համար, կանգ չէին առնում ոչ մի խոչնդոտի առաջ: Նրանք դարձել էին ստոր գործիքներ Շապուհի ձեռքին, որ մտադիր էր ջնջել աշխարհի երեսից հայութիւնը: Նրանց շարագործութիւններն անթիւ էին: Բայց նրանք զուրկ չէին և մարդկային արժանաւորութիւնից: Վահան Մամիկոնեանի մէջ վառ էր ծնողական սէրը դէպի Սամէլը: Նրա տիրութիւնը ցրւելու համար, կազմում է որսորդական արշաւանք, իսկ եթէ ձեռքը տանում է դէպի սուրը, այդ էլ Սամէլի սպառնալիքներից յետոյ: Մերուժանի մէջ ևս երբեմն զարթնում էր խիղճը և սկսում էր հաշիւ տեսնել իր անցեալի հետ: Բայց իզուր էր կամենում իրան հաւատացնել, որ իր դաւաճանութեան պատճառը հայոց թագաւորական զահը չէր, այլ միայն Որմիզդուխտի սէրը: Անշուշտ երկու հանգամանքներն ևս մեծ դեր են կատարել նրա ազգուրացութեան մէջ:

Կլասիկ հե- Ըստ երևոյթին, հեղինակը ամեն կերպ աշխարհակներտել է իր մի քանի հերոսներին բարձրացնել մինչև ազդեցութ. դասական հերոսների աստիճանը: Սամէլը, որի դէմքին ժպիտ չէր փայլում, որ հեղնօրէն և ակնարկներով էր խօսում իր մօր հետ և նրա կոչին գնում է տխուր, գլխիկոր և մելամաղձոտ, Սամէլը, որ երկար ժամանակ տատանւում էր—սպանել հօրը թէ ոչ, —անկասկած Շէքսպիրի Համլետի պատճէնն է: Մուշեղ սպարապետի հրաժեշտը իր կնոջ հետ յիշեցնում է Հեկտորի և Անգրօմախէի հրաժեշտը Հոմերոսի «Իլիականի» մէջ: Երբ Մուշեղը գնում է պատերազմ, նրա մատաղահաս կինը դուրս է գալիս նրա առաջ, իսկ նրա ետևից աղախինը՝ մի մանուկ գրկած: Հայրը վերցնում է մանկան, սիրում, փայ-

փայփայլում է և էլի վերագարձնում: Մուշեղի ամուսինը ազաչում է, որ չգնայ պատերազմ, իսկ պատաճանաչ գինւորը պատանխանում է Հեկտորի նման. «Ի՞նչ կանէիր դու, նազելի Սաթենիկ, երբ մի առաւօտ, քո փափուկ անկողնում պարկած, քո խաղաղ քունը կխռովեցնէր կատաղի խուժանի աղմուկը, և դու գեղեցիկ աչքերդ բաց կանէիր, կտեսնէիր քո անարատ առագաստը շրջապատւած աւազակներով... Բո սիրելի Մուշեղին կխլեն օրօրոցից և կզարկեն գետին... Բո փառաւոր սենեակը կմերկացնեն զարդերից և քեզ սաաբորիկ ու հերարձակ կվարէին դէպի Պարսկաստան... Այնտեղ, այն ստրուկների և թշուառների աշխարհում, անգութ վերակացուի երկաթեայ մտրակը կքշէր ձեզ՝ ուրիշ գերիների խումբերի հետ՝ դէպի արեակէզ Սուզայի դաշտերը: Եւ դու քո քնքուշ մասներով քաղհան կանէիր պարսիկների մեկոնի (աֆիոն) մշակութիւնը: Կանցնէին տարիներ... Այն ժամանակ քո գոռոզ վերակացուն, մատը դէպի քեզ մեկնելով, կասէր ուղեւորին. «Պա հայոց սպարապետի կինն է և Մուշեղ իշխանի աղջիկը»: Համարեա նոյն տեսարանը, ինչ որ Հոմերոսի պօէմայում, և նոյն խօսքերը, ինչ որ ասում է Հեկտորը իր կնոջը, միայն հայ հեղինակը Մուշեղի խօսքերին հաղորդել է արևելեան գոյներ:

Այստեղ երևում է և Շիլլերի ազդեցութիւնը: Ռշտունեաց օրիորդ Աշխէնը, որ գօրքի գլուխ անցած հերոսաբար կուռնում էր պաշարւած Վանի պարիսպների տակ, Օրլէանի կոյսն է նոյն դերի մէջ:

Չնայած այն պակասութիւններին, որոնց մատուցում «Սամէլի» նացոյց արեցինք, Սամէլը և այժմ կարդացում է արժանիք մեծ հետաքրքրութեամբ: Նրա գեղեցկութիւնը պէտք է որոնել ոչ թէ վէպի ամբողջութեան, այլ նրա

մանրամասնութիւնները մէջ: Իւրաքանչիւր զուլի
ինքն ըստ ինքեան մի ամփոփ պատմածք կամ նկարազիր է: Ինչ որ էլ նկարագրում կամ պատմում է հեղինակը, — լինի դա գեղեցիկ բնութիւն՝ Ռշտունիք, Արարատեան աշխարհ, Պատմոս կղզի, կամ ճակատամարտ, օրինակ, Շապուհի հետ Թաւրիզի մօտակայքում, կամ որևէ դէպք, արկած, ինչպէս օրինակ, Մերուժանը իր հովիւները մէջ, — ամեն տեղ զգացւում է տաղանդաւոր հեղինակի դրոշմ: Վէպը լի է բազմաթիւ անցքերով, որոնք կամ սարսուռ են ազդում իրանց անսովոր դաժանութեամբ, օրինակ, Շապուհի գազանութիւնները Ջարեհաւանի մօտ, կամ հիացնում, գմայլանք են պատճառում, օրինակ, Ռըշտունեաց օրիորդի քաջութիւնը Վանի կռում, Մուշեղի զարմանալի մեծահոգութիւնը, որ նրան զբերում է պարսից թագուհուն և կանանոցը ուղարկել արքայից արքային, կամ Փառանձեմ թագուհու հոգեկան հաւասարակշռութիւնը, երբ պաշարւած Արտազերս ամրոցում, նրա աչքի առաջ մեռնում էին սովից և ժանտախտից հարիւրաւոր բնակիչներ:

Այստեղ առաքինութիւնը և թէ մարդկային արատները անազին չափերի են հասնում: Ահա, օրինակ, հետևեալ տեսարանը: Ազգուրաց Մերուժանը մտնում է հայրենի քաղաքը՝ ընտանիքը տեսնելու: Բայց քաղաքը նրան ընդունում է սևերի և սուզի մէջ: Զորս կողմ ամայութիւն և սև դրօշակներ: Ամբողջապէս սևի մէջ է և նրա առնը: Մայրը փակում է տան դուռը անարժան որդու առաջ և վերնատանից՝ շրջապատւած իր հարսով և զաւակներով՝ կշտամբում է նրան, և որդին հեռանում է քաղաքից մօր կըշտամբանքի տառափի տակ՝ անարգւած և հոգեպէս խորտակւած:

Ինչպէս միւս գրւածքներում, նոյնպէս և «Սամւէլի» մէջ Բաֆֆին մնում է նոյն սուբիէկտիւ գրողը և արծարծում է իր նւիրական գաղափարները: Մնում է հաւատարիմ իր յայտարարած բանաստեղծական նշանաբանին՝ տալ իդէալներ:

Պատմական վէպերի շարքը լրացնելու համար, յիշենք և «Պարոյր Հայկազն» վերնագրով փոքրիկ վէպը:

Թէ ո՞ր աստիճանի մեծ տեղ է բռնում Բաֆֆու գրւածքների մէջ տենդենցը, դրա ապացոյցը կարելի է գտնել վերոյիշեալ վէպիկի մէջ: Պատմական ճըշտութիւնը այստեղ գիտակցաբար գոհ է բերւած հեղինակի գաղափարին: Հեղինակի նպատակն է իրար հակադրել ազգային և հանրամարդկային սէրը և ցոյց տալ առաջինի գերազանցութիւնը, ուստի նա Պարոյրին և Մովսէս Խորենացուն, հակառակ պատմութեան, դարձնում է ժամանակակից գործիչներ:

Պարոյրը (Պրոյերեսիոս) իր կըթութիւնը ստացել էր Աթէնքում է յունական ոգով: Երևելի ճարտասանի համբաւ ունէր ամեն տեղ: Մի անգամ նա գնում է Հռոմ, որպէս հիւր, և այնտեղ նրան ընդունում են ովսանաններով, արքայական պատիւներ են մատուցանում, մինչև անգամ ի պատիւ նրա կառուցում են Հռոմում արձան՝ հետևեալ փորագրուցում են Հռոմում արձան՝ հետևեալ փորագրուցում են Հռոմում «Regina Roma regi eloquentiae», — «Թագուհին Հռոմ խօսքի թագաւորին»:

Սակայն փառքի գէնիտին հասած հայ ճարտասանը բոլորովին անտարբեր է դէպի իր ազգը: Նա այն կարծիքի է, որ ծառայելով գիտութեան՝ ծառայում է և ամբողջ աշխարհին — մարդկութեան: Երկու անգամ նրա մօտ գալիս են Հայաստանից պատգամաւորներ: Մի անգամ Մովսէս Խորենացին, միւս

անգամ հայոց Հայրապետի կողմից: Մակայն Պրոյե-
րեսիոսը մատ մատի չէ խփում, չնայած որ յարմար
առիթ էր ներկայացել ազգին բարեք անելու: Հրա-
ժեշտի ժամին կայսրը հարցնում է, թե՛ ի՞նչ կուզեր
Պրոյերեսիոսը, որ կատարէր: Երեկի ճարտասանը իր
ազգի անունը չէ տալիս, այլ խնդրում է կայսրից
Աթէնքի մաքսային հարկերը թեթևացնել:

Սորենացին տխուր վերադառնում է հայրենիք:
որտեղ նրան սպասում էր հալածանք իր կրօնակից
եղբայրներից: Նա կրում է ամեն տեսակ տառա-
պանք, բայց իր մահից յետոյ թողնում է «Հայոց
պատմութիւնը», մի երեկի յիշատակարան, որով
անմահացնում է իր անունը:

Բաֆֆին ունի նաև ուրիշ վաստակներ, օրինակ,
«Սամսայի մեղքութիւններ», «Տաճկահայեր», «Հայ
կիներ և հայ երիտասարդութիւնը» և այլն: Ունի և
թարգմանութիւններ՝ «Ղարաբաղի աստղագէտը»,
Չուբովի հեղինակութիւն, «Կայէնի կտակը», Չախեր-
Մազօխի: Բացի այդ, զանազան լրագիրների մէջ տըպ-
ւած են նրա յօդւածները և ֆելիէտօնները: Դրանց
վրայ, իհարկէ, մենք կանգ չենք առնի, որովհետև
առանձին կարեորութիւն չեն ներկայացնում:

Եզրափակենք մեր խօսքը Բաֆֆու զրական գոր-
ծունէութեան մասին:

Բաֆֆին ամենավաստակաւոր հայ հեղինակներից
հայեացք մէկն է և թողել է տասնեակ պատկառելի հատորներ:
Բեղմնաւորութիւնը, իհարկէ, մեծ առաւելութիւն
չէինք համարի, եթէ նրա հետ միացած չլինէր նաև
հեղինակի տաղանդը:

Բաֆֆին իր նիւթերը վերցնում էր հայի հեռա-
ւոր և մօտիկ անցեալից, ժամանակակից կեանքից.
նոյն իսկ հայի սպազան զբաղեցնում էր նրան

(«Վարդանի երազը»): Մինչև Բաֆֆու երևալը գրա-
կան ասպարիզում մենք շատ աղօտ հասկացողու-
թիւն ունէինք հայութեան գլխաւոր կենտրոնների
մասին: Նա մի շարք գեղարեստական պատկերների
մէջ, որոնք ցրւած են զանազան վէպերում, ներկա-
յացրել է Տաճկահայաստանը իր ճոխ բնութեամբ և
ժողովուրդը իր ուրոյն կենցաղով, անտես չառնելով
նաև գրացի ազգերը:

Բաֆֆին այն հեղինակներից չէր, որոնք պատ-
կանում են բացառապէս մի ուղղութեան. նրա մէջ
հաշտ ապրում էին զանազան ուղղութիւններ՝ նա և՛
ռէալիստ է, և՛ բոմանտիկ և՛ տենդեցիօզ: Նրա նշա-
նաբանն է՝ «գեղարեստը կեանքի համար», նրա ա-
ռաջին պահանջն էր, որ գրւածքը կրթիչ նշանակու-
թիւն ունենայ, որ նա տայ իրէպաներ:

Այդ իրէպաները մարմնացնելու համար նա ստեղ-
ծում էր իր ցանկացած հերոսներին (Սալան, Սազօ,
Կարօ և այլն), նրանց տալիս էր գործունէութեան
ծրագիրներ, նրանց բերանով յայտնում էր իր մտքերը:
Ահա ինչու այդ հերոսները դուրս էին գալիս շատ
անգոյն և անկենդան: Բաֆֆուն յաջողում էին այն
տեսակ տիպերը, որոնք վերցւած են իրականութիւ-
նից, գլխաւորապէս բացասական տիպերը, ինչպէս,
օրինակ, Մասիսեան, քաւոր Պետրոս, Տէր Թողիկ,
Թումաս Էֆենդի, Դաւիթ Ուրացոյ և այլն:

Բաֆֆին տենդենցիօզ լինելով հանդերձ՝ միևնոյն
ժամանակ վերին աստիճանի սուբլիէկտիւ գրող էր:
Հեղինակի ներկայութիւնը, նրա «եսը» զգացւում է
ամեն տեղ: Նա մեր առաջ կանգնած է իր քարոզ-
ներով, վշտերով, իղձերով և յոյսերով: Նոյն իսկ
պատմական անձնաւորութիւնը, օրինակ Ներսէս սըր-

բազանը «Դաւիթ-բէկի» մէջ, հանգէս է դալիս, որպէս նրա մտքերի թարգման:


Որ տենդենցը, այսինքն հեղինակի աչք ծակող միտումը, նպատակը վնասում է վէպի գեղարւեստականութեան, դա գրական աքսիոմաներից մէկն է: Բայց բանը նրանումն է, որ այդ աքսիոմը կարծես Բաֆֆու համար չէր: Նա կարծես գիտակցաբար գեղարւեստականութիւնը գոհ էր բերում հէնց այդ տենդենցի համար, իր նպատակներն իրականացնելու համար: Բաֆֆին ինքը գիտակցօրէն որոշել է իր ուղղութիւնը և կատարած դերը «Կայծերի» վերջում հետևեալ խօսքերով. «Բանաստեղծութիւնը (ընդարձակ մտքով) ստեղծում է ժողովրդի համար իդէալներ: Եթէ ներկայի մէջ չէ գտնում իր իդէալների տիպարները, նա մտնում է պատմութեան խորքը և ժամանակների հնութիւնից դուրս է կոչում իր ցանկացած հերոսներին, և նրանց պատկերները՝ իրանց վսեմ գործերը նկարագրելով՝ դնում է ներկայ սերնդի առջև, որ նրանցից օրինակ առնեն և նրանց նման լինեն: Նա ստեղծում է և այնպիսի տիպարներ, որոնք ներկայի մէջ դեռ ծնւած չէին, այլ ապագայում պէտք է յայտնւէին:—Նրա սուր աչքերը տեսնում են ներկայի մէջ այդ շտեմնւած տիպարների ամենափոքրիկ նշմարները միայն: Նա մարգարէի հոգով նախատեսնում է, թէ տարիներից, դուցէ դարերից յետոյ՝ որպէս այդ նշմարները իրանց սաղմնական գրութիւնից կաճեն, կզարգանան, կ'կերպարանագործւեն և կատարեալ ձև ու կազմութիւն կստանան,—և նրանց պատկերները կանխապէս նկարում է և դնում իր ժամանակի հասարակութեան առաջ»:

Այն, ինչ որ Բաֆֆին ասում է ընդհանրապէս բանաստեղծի մասին, բառացի կերպով կարելի է վե-

րագրել իրան, հեղինակին: Նրա ամբողջ նշանակութիւնը և կատարած գերը ամփոփւած է հեղինակի գեղեցիկ ձևակերպութեան մէջ: Այո, «բանաստեղծը» Բաֆֆին է, որ, եթէ ներկայի մէջ չէր գտնում իդէալների տիպարները, մտնում էր պատմութեան խորքը և ժամանակների հնութիւնից դուրս էր կոչում իր ցանկացած հերոսներին, և նրանց պատկերները՝ իրանց վսեմ գործերը նկարագրելով՝ դնում էր ներկայ սերնդի առջև, որ նրանցից օրինակ առնեն և նրանց նման լինեն: Բաֆֆին էր, որ ստեղծում էր այնպիսի տիպարներ, որոնք ներկայի մէջ դեռ ծնւած չէին, այլ ապագայում պէտք է յայտնւէին: Եւ այսպէս մինչև վերջ:

Պէտք է յիշել նաև, որ Բաֆֆու գլխաւոր ծառայութիւններից մէկն էլ այն էր, որ իր գրական վաստակներով մեծ զարկ տւեց ընթերցանութեան, ստիպեց կարդալ նոյն իսկ արհեստաւորին և հասարակ մշակին:

Եւ այս բոլորը շնորհիւ նրա տաղանդաւոր գրչին: Նրա վէպերը խիստ ժամանակակից բովանդակութիւն ունէին, նրա շօշափած հարցերը խիստ հրատապ էին և մօտ իւրաքանչիւր հայի սրտին, նա ինքըն էլ հրաշալի պատմող էր և նկարագրութեան մէջ վարպետ: Բաֆֆու լեզուն ևս, թէև ազատ չէր օտարաբանութիւններից, իր ժամանակի համեմատ կարելի էր համարել օրինակելի վիպական լեզու՝ հարուստ բառերով և դարձւածներով, իսկ ոճը ճոխ և տեղ տեղ նաև բանաստեղծական:



Պ Ո Օ Չ Ե Մ

Պերճ Պոռեանը ծնւել է 1837 թ. յունիսի 3-ին Աշտարակ գիւղում: Նրա հայրը դերձակ էր: Պերճը (մկրտութեան անունը Յովհաննէս) գրադիտութիւն սովորեց տանը հօր և եղբօր մօտ, յետոյ իննը տարեկան մտաւ տեղական ուսումնարանը, որ բացել էր էջմիածնի ժառանգաւորաց դպրոցի նախկին սան Շահնագարեանը:

1849 թ. սովորում էր Մոզնու միաբան Մարտիրոս վարդապետի ձեռքի տակ: Պոռեանը «Յուշիկները» մէջ գովասանքով է խօսում այդ հոգևորակների մասին, որ խաւաջ տեղում կրթութիւն և լոյս էր տարածում: Այստեղ նա իւրացնում է մի քանի կրօնական առարկաներ: 1851 թ. Ներսէս կաթողիկոսի տնօրէնութեամբ նա ընդունւում է որդեգիր Ներսիսի սեան դպրոցում, որ այդ ժամանակ սկսել էր իր լաւագոյն շրջանը, շնորհիւ Պետրոս Շանշեանի վերատեսչութեան: 1855 թ. աւարտեց ուսումը և գնաց

հայրենիք, ուր այնուհետև երկու տարի պարապում էր ուսուցչութեամբ: Միևնոյն ժամանակ էջմիածնի գործակալի մօտ քարտուղարի պաշտօն էր վարում. գրում էր նաև խնդիրներ զիւղացիների համար: Շփւելով միշտ ժողովրդի հետ, Պոռեանը հնարաւորութիւն ունեցաւ մօտիկից ծանօթանալու Արարատեան և Արագածոտն գաւառի հայ ազգաբնակչութեան կեանքի և զանազան տիպերի հետ:

Մի անգամ Մոզնու վանքում Պոռեանին պատահում է Ս. եպ. Զալալեանը, որ Թիֆլիսի թեմի առաջնորդ էր: Սրբազանը խորհուրդ է տալիս նրան գնալ Թիֆլիս և ինքն էլ խոստանում է նրա համար պաշտօն գտնել: 1858 թ. Պոռեանը Թիֆլիսում էր և ապրում էր վանքի մի կիսաւեր սենեակում: Այդ նեղ օրերումն էր, որ նա առաջին անգամ կարդաց «Վէրք Հայաստանին», որի հմայիչ ազդեցութեան տակ գրեց իր անդրանիկ վէպը «Սօս և Վարդիթեր» վերնագրով:

Սովի և գրկանքի օրերը վերջանում են, երբ առաջնորդը ժամանում է Թիֆլիս: Այնուհետև Պոռեանը ճաշում էր առաջնորդի մօտ և քնում էր վանքի աւելի լաւ սենեակում: Առաջնորդի միջնորդութեամբ նա ընդունւում է Ն. Տէր-Յակոբեանի նորաբաց պանսիօնը, որպէս վերակացու և հայոց լեզուի դասատու: Ստանում էր ամսական տասներկու բութի, գրա հետ և բնակարան ու ճաշ:

1859 թ. «Մեղու Հայաստանի» լրագրում տրւեց նրա անդրանիկ ոտանաւորը՝ «Առ անձկալին Շուշան՝ դուստր Վարդանայ» վերնագրով: 1860 թ. սկսած նա աշխատակցում էր «Կուսնկ» ամսագրին, վարելով միաժամանակ սրբագրիչի և խմբագրի օգնականի պաշտօն: Նոյն այդ տարին լոյս տեսաւ

«Կոռնկի» մէջ նրա առաջին վէպը «Սօս և Վարդիթեր»։ Մմբազրութեան օժանդակութեամբ նա սովորեց լուսանկարչութիւն, որ յետոյ նեղ օրերին նրան օգնութեան էր հասնում։ Այդ ժամանակ Պոռեանը Թիֆլիսում եռանդուն գործունէութիւն էր ցոյց տալիս։ Մի քանի անձանց աջակցութեամբ հիմնեց Գայրանեան (ոչ ներկայի) դպրոց։ Ջերմ մասնակցութիւն ունէր և թատրոնական գործում։

1863—1864 թ. նա ուսուցիչ էր Շուշայ թեմական դպրոցում Շանշեանի օրով։ Այստեղ տիկին Հախումեանի աջակցութեամբ հիմնեց օրիորդական դպրոց։ Իրանից յետոյ երկու տարի վարում էր աստանդական կեանք, գործադրելով իր լուսանկարչական արհեստը։ 1867 թ. Պոռեանի ձեռներէցութեամբ հիմնեց Ազուլիսում օրիորդաց դպրոց. նոյնպէս նրա ջանքերով հանդանակեց 25 հազար ըուբլի երկսեռ դպրոցի ապահովութեան համար։

1872 թ. աշխատակցում էր նորածին «Մշակին» և առաջին տարին թղթակցութիւններ էր ուղարկում Երևանից Պահլաունի ստորագրութեամբ։ 1876 թ. Աստրախանում հիմնեց ծխական դպրոց։ Հեռեւեալ տարւանից դարձաւ «Փորձ» ամսագրի սրբագրիչ և աշխատակից. այստեղ տպւում էին նրա վէպերը։ 1879 թ. Պոռեանը նշանակեց Երևանեան թեմի և Կարսի շրջանի տեսուչ։ Այդ պաշտօնը նա ստիպւած էր թողնել 1885 թ., երբ փակեցին հայոց ուսումնարանները։

Եկան դարձեալ նեղութեան օրեր։

Նրա դրութիւնը լաւացաւ, երբ 1887 թ. Ներսիսեան դպրոցում ստացաւ հայոց լեզուի դասեր։ 1889 թ. սկսած նա աշխատակցում էր «Մուրճ» ամսագրին, որտեղ տպւում էին նրա վերջին վէպերը։

1898 թ. Պոռեանը թողեց մանկավարժական ասպարէզը։ Ի պատիւ նրա երկարամեայ ծառայութեան, Ներսիսեան դպրոցի հոգաբարձութիւնը նրան յատկացրեց 600 ռ. կենսաթոշակ։ 1899 թ. կատարեց նրա 40-ամեայ յոբելեանը, որի առիթով ժողովւած նւիրատուութիւնը ապահովեց հեղինակին մի քանի տարով։

Վերջին տարիները Պոռեանը կրեց ընտանեկան դժբախտութիւններ։ Առանց այն էլ ծերութիւնից ընկճւած էր։ Բարոյական հարւածները արագացրին նրա մահը, որ տեղի ունեցաւ 1907 թ. նոյեմբերի վերջին։ Թաղեց Խօջիվանքի գերեզմանատանը։

Պոռեանի վէպերը.

Պոռեանը գրում էր երկարատև ընդհատումներով։ 1860 թ. «Կոռնկ» ամսագրում տպւեցին նրա «Սօս և Վարդիթերը» և «Վէպ Հայաստանի» վէպից փոխադրած «Աղասի» ողբերգութիւնը։ Այնուհետև նա այլևս ոչինչ չարտադրեց։ Երբ 1876 թ. սկսեց «Փորձ» ամսագիրը, նա նորից եռանդ ստացաւ և գրեց «Հացի խնդիր», «Կուածաղիկ» և «Շահէն»։ «Փորձը» դադարելուն պէս՝ Պոռեանը ևս գրիչը վայր գրեց։ Անցան տարիներ, և նա ոչինչ աչքի ընկնող բան չգրեց։ Իսկ երբ Արասխանեանը հիմնեց «Մուրճ» ամսագիրը, մէկը միւսի յետևից լոյս տեսան Պոռեանի նոր վէպերը՝ «Յեցեր», «Բղղէ», «Յունօն»։ 90-ական թւականներին նա գրում էր և մանր պատմւածքներ։

Անցնենք վէպերի քննութեան։

«Սօս և Վարդիթեր».

Պոօշեանը իր անդրանիկ վէպը գրել է Աբովեանի «Վէրք Հայաստանի» գորեղ ազդեցութեան տակ, ինչպէս երևում է նրա հետևեալ խօսքերից. «Կարգաւորով մեր նախնեաց պատմութիւնները և գտնելով նրանց մէջ ժողովրդական կեանքի մի քանի նկարագիրը, աչքներիս առաջին ունենալով մեծաքանքար Աբովեանի «Վէրք Հայաստանին», սիրահարւեցանք մեր հարց թողած աւանդութիւնների վրայ և կամենալով ծառայել ազգին, իբրև յանձնէ ելեալ, երգեցինք ըստ մեր տկար կարողութեան մեր հայրենեաց սովորութիւններն, վարք ու բարքն և այլ այսպիսի արտաքին ծէսերը:

Այսպէս ուրեմն, Պոօշեանը սկզբից և եթ որոշում է իր ուղղութիւնը, իրան յայտարարելով ժողովրդական կեանքի երգիչ: Նա վերջնում է Աբովեանից միայն կենցաղագրական կողմը, իսկ ազգայինը թողնում է:

«Սօս և Վարդիթերի» հիմքում գրւած է մի սիրային արկած: Բայց նա երկրորդական նշանակութիւն ունի վէպի մէջ: Հեղինակը բերում է սիրոյ պատմութիւնը, ցանկանալով իր գրւածքը ակորժելի դարձնել «սիրելի ազգի թէ մեծին և թէ փոքրին»: Իսկ Պոօշեանի նպատակն է նկարագրել Աշտարակի կեանքը:

Վէպի մէջ հանդէս է բերւած մի տաք, վառվռուն սէր, որ բորբոքել էր երկու մատղաշ սրտեր: Այդ սիրահարներն էին՝ Սօս և Վարդիթեր, երկուսն էլ գիւղի հարուստ աներից: Երբ դեռ ևս ծնողների մէջ համաձայնութիւն չկար, Սօսի համար աշխատում էր նրա ընկեր Գարեգինը, իսկ Վարդիթերի եղբայր Արշաւիրը աշխատում էր համոզել ծնողներին: Վերջապէս, երկու կողմն էլ համաձայնում են, բայց նշանադրութիւնը յետաձգում են մինչև աշուն, այդեկութից յետոյ: Սակայն սիրահար զոյգին վիճակւած չէր երջանկութիւն: Վարդիթերի փոփոխամիտ եղբայրը նոր փեսացու էր գտել քրոջ համար և աշխատում էր խանգարել նշանը, իսկ Սօսի վատթար փեսան, որին փողով կաշառել էր մի ուրիշ աղջկայ տէր, ճիգ էր թափում ետ կացնել Սօսին Վարդիթերից: Երբ ոչինչ չէ օգնում, նա գնում է Հեթումի տունը, ահագին կռիւ է սկսում, թէ ինչո՞ւ նրանք ուզում են իրանց աղջկան կապել իր աներոջ որդու վրին: Այդ անպատուութիւնից յետոյ Վարդիթերի հայրը զայրացած մերժում է Սօսին: Մինչև այստեղ բոլորը կարող է ճիշտ լինել: Բայց սիրոյ վերջաբանը բոլորովին անբնական է:

Մերժումը կայծակի պէս շանթահարում է սիրահարներին: Վարդիթերը, որ հազիւ տասն և մէկ տարեկան աղջիկ էր և աւելի քնքոյշ, չկարողացաւ դիմանալ բարոյական հարւածին, և մեռաւ, հոգեվարքի մէջ ցանկութիւն յայանելով, որ իրան թաղեն Սօսի հետ: Իսկ Սօսը հեռանում է հայրենական տանից, երկու շաբաթ սար ու ձորում թափառում, զլիսաբաց, ոտաբոքիկ ման է գալիս երեք գաղ ձիւնի մէջ և այն էլ ցուրտ ձմրան. ձորը մտնում, լողանում է սառը ջրում, աղւէսների և գայլերի հետ կռիւ է տալիս օրերով: Վերջապէս, Գարեգինը նրան համոզում, բերում է տուն: Երկու շաբաթւայ անտանելի կեանքը ձորի սառոյցների մէջ ոչ մի հետք չէր թողել Սօսի առողջութեան վրայ, նոյն իսկ գոյնը չէր փոխել: Իսկ երբ տանը լսում է Վարդիթերի

տուն էր նրա ընկեր Գարեգինը, իսկ Վարդիթերի եղբայր Արշաւիրը աշխատում էր համոզել ծնողներին: Վերջապէս, երկու կողմն էլ համաձայնում են, բայց նշանադրութիւնը յետաձգում են մինչև աշուն, այդեկութից յետոյ: Սակայն սիրահար զոյգին վիճակւած չէր երջանկութիւն: Վարդիթերի փոփոխամիտ եղբայրը նոր փեսացու էր գտել քրոջ համար և աշխատում էր խանգարել նշանը, իսկ Սօսի վատթար փեսան, որին փողով կաշառել էր մի ուրիշ աղջկայ տէր, ճիգ էր թափում ետ կացնել Սօսին Վարդիթերից: Երբ ոչինչ չէ օգնում, նա գնում է Հեթումի տունը, ահագին կռիւ է սկսում, թէ ինչո՞ւ նրանք ուզում են իրանց աղջկան կապել իր աներոջ որդու վրին: Այդ անպատուութիւնից յետոյ Վարդիթերի հայրը զայրացած մերժում է Սօսին: Մինչև այստեղ բոլորը կարող է ճիշտ լինել: Բայց սիրոյ վերջաբանը բոլորովին անբնական է:

մահը, խոր հոգոց է քաշում, գլուխը Գարեգինի ձեռքի վրայ դնելով, խնդրում է, որ իրան Վարդիթերի մօտ թաղեն, որ իր մօրը մխիթարէ, եղբայրներին մնաս բարով ասէ, ինքն էլ ուրախ կենայ, յետոյ աչքերը վերև բարձրացնում, ազօթք է անում ու հոգին աւանդում:

Այս անբնական վերջաբանը առաջին անգամ և անհերքելի փաստերով ցոյց տւեց Նալբանդեանը:

Վէպի ար-
ժանիքը

Ուրեմն վէպի հետաքրքրական կողմը ոչ թէ սենսեմենտալ սէրն է իր անբնական վախճանով, այլ Աշտարակը իր բնակիչներով: Այստեղ ընթերցողը կարող է հետևել Աշտարակի առօրեայ կեանքին՝ ըսկսած մարտի 15-ից մինչև հետևեալ տարւայ բարեկենդանը:

Պռօշեանը ամենայն մանրամասնութեամբ նկարագրում է բոլոր եկեղեցական և ժողովրդական տօները՝ Ծաղկազարդ, Թաթախում, Զատիկ, Մեռելոց և այլն. դրա հետ միասին և այն բոլոր հանդէսները, որոնք կապւած են տօների հետ: Այստեղ հանդէս է գալիս գիւղական կեանքի իւրաքանչիւր աչքի ընկնող երևոյթը՝ նշանադրութիւն, հարսանիք, թաղում, ուխտագնացութիւն, զւարճութիւններ և այլն: Պռօշեանը նկարագրում է և գիւղացոց աշխատանքները գաշտերում և այգիներում, նկարագրում է այգեկութիւն, օղի քաշելը, դօշաբ եփելը, շուշուխ, ալանի և ձմեռւայ ամեն տեսակ պաշար պատրաստելը:

Վէպի բովանդակութիւնը դրանով չէ սպառւում: Մեր առաջ կենդանի կանգնած է Աշտարակի ժողովուրդը: Մենք տեսնում ենք նրան ընտանիքում, հասարակական գործերում, դաշտում և այգում, ամեն տեղ: Մենք լսում ենք գիւղացոց խօսք ու զրոյցը, նրանց դատողութիւնները, փիլիսոփայութիւնը:

Մենք ծանօթանում ենք զանազան անձնաւորութիւնների հետ, որոնցից իւրաքանչիւրը աչքի է ընկնում իր ուրոյն բնոյթով: Ահա ունեւոր գիւղացի Հեթումը, որ մի ժիր, գործունեայ, նամուսով ծերունի է. հաւատարիմ, ընկերասէր տիրացու վարժապետ Գարեգինը, Վարդիթերի փոփոխամիտ եղբայր Սըշաւիը, փողապաշտ, ստոր և անխիղճ Տիրանը, գործնական Պարէտը, Սօսի և Վարդիթերի խելօք մայրերը: Հեղինակը Սօսին իղէալացրել է, դարդարել է գեղեցիկ յատկութիւններով. սակայն անգօր է գտնւել ամբողջացնել նրա բնոյթագիրը և իր հերոսին դրել է անբնական վիճակի մէջ:

Այս անձնաւորութիւնների մեծ մասը, եթէ ոչ բոլորը, Պռօշեանը վերցրել է իրականութիւնից:

Պռօշեանը «Սօս և Վարդիթերի» մէջ իսկական ժողովրդի մարդ է. մտածում է, որպէս գիւղացի, խօսում է գիւղացու նման, նրա պէս հաւատում է հրաշքների: Ս. Գէորդի մասունքը երաշտի ժամանակ դուրս են բերում, անձրև է գալիս: Տէրաէրի աւետարան կարդալով՝ մահամերձ հիւանդը բժշկւում է:

«Սօս և Վարդիթերը» մեծ նշանակութիւն ունեցաւ Պռօշեանի ապագայ գործունէութեան համար: Անդրանիկ վէպը մի անգամից որոշեց նրա ուղղութիւնը և պարզեց, թէ ի՞նչումն է կայանում նրա ոյժը, ի՞նչումն նրա թոյլ կողմը: Ստեղծել գեղարւեստական ամբողջութիւն, որ ազատ լինի աւելորդաբանութիւնից, նրա գործը չէր, նրա ոյժից վեր էր: Բայց երբ նկարագրում էր ժողովրդի կեանքը, նա ուժեղ էր, տաղանդաւոր: Նա գերազանցօրէն տիրապետում էր աշտարակեցոց բարբառին, գիտէր նրա ամենանուրբ դարձածները: Նոյնքան լաւատեղեակ էր նա ժողովրդի բնաւորութեան, աշ-

խարհայեացքին, սնապաշտութեան: Գիւղացու տուն ու տեղը, նիստ ու կացը, սովորութիւնները, նրա իւրաքանչիւր քայլը կեանքի մէջ—բոլորը լուսանկարչական ճշտութեամբ անդրադարձել է Պոռեանի նրկարագրութեան մէջ:

«Հացի խնդիր».

«Սօս և Վարդիթերի» մէջ Պոռեանը Արարատեան նահանգի սովորութիւնների նկարագիրը հասցրել է մինչև Բուն-բարեկենդան: «Հացի խնդիր» յառաջաբանում նա խոստանում է լրացնել այդ սովորութիւնները և հասցնել մինչև Ծաղկազարդ, որով Հայաստանի գլխաւոր նահանգի տեղական կեանքի պատկերը իր բարբառի, առածների, աւանդութիւնների և ծէսերի հետ ազատած կլինի ժամանակի անհետացնող ժանիքներից: Օրըստօրէ զանազան ազդեցութեանց ներքոյ կեանքը փոխւում է, և հինը իր բոլոր կազմակերպութեամբ տեղի է տալիս մի նոր կերպարանափոխութեան: Ներկան անցեալի հետ համեմատելով՝ քսան տարի առաջ եղած սովորութեանց նշոյլն անգամ չի երևում:

Պոռեանը «Սօս և Վարդիթերի մէջ նկարագրում է 40-ական թւականների Աշտարակը, այժմ «Հացի խնդիր» մէջ սկսելով նոյն թւականներից՝ հասցնում է մինչև 50-ական թւականների վերջերը:

«Հացի խնդիրը», իբրև վէպ, անհամեմատ բարձր է առաջին վէպից և թերևս լաւագոյնը նրա վէպերի շարքում:

Բովանդակութիւն: Աշտարակի հարուստ դասակարգի մէջ առաջնակարգ տեղ էր բռնում Խէչանենց

Խէչանի գերդաստանը: Նա իր հարստութիւնը և կայքը ձեռք էր բերել իր եղբօր հետ միասին ընդհանուր աշխատանքով: Եղբօր մահից յետոյ ամբողջ կարողութիւնը անցնում է Խէչանին: Տունը կառավարում էր նրա այրի քոյրը, որ վաղուց չքաւորութեան պատճառով ապրում էր եղբօր տանը իր Հերիքնազ աղջկայ հետ:

Մի բարեկենդան օր գիւղի իշխանները, տէրաւորը և պատուելին քէֆ էին անում տանուտէրի կտրան: Ուսումնարանի սանիկները գալիս են նրանց մօտ բարեկենդանը շնորհաւորելու և վարժապետից հարկ պահանջելու: Վարժապետը հրամայում է աշակերտներից մէկին երգել: Երգում է Սմբատը, Ծւիկենց Աղաջանի որդին: Խէչանը այն աստիճան հիանում է մանուկի երգով, որ նոյն իսկ արտասւում է և հողեկան զմայլանքի մէջ՝ Սմբատին՝ հօր համաձայնութեամբ՝ նշանում է («բաշիքեարթմա» է անում) իր մինուճար աղջկայ՝ Հեղնարի հետ:

Այնուհետև Սմբատը դառնում է Խէչանի տան անդամներից մէկը, իսկ Հեղնարի և Հերիքնազի հետ լնչպէս քոյր ու եղբայր:

Հեղնարը հետգհետէ զարգանալով՝ սկսում է հասկանալ, որ ինքը հօր կարողութեան ժառանգն է, և այդ գիտակցութիւնը նրան զարճնում է վերին աստիճանի հպարտ: Թէև նա չէր կարող պարծենալ իր գեղեցկութեամբ, բայց, իբրև հարուստ ժառանգ, իր գեղեցկութեան հարսնացուն էր և մի տեսակ կռածադիկ: Հեղնարը սիրում էր հարևան Արշակին, որի հետ ամեն օր տեսնւում էր «գրիջակի» միջոցով, իսկ Սմբատին ատում էր. նրան անարժան էր համարում իրան: Նա շատ դժգոհ էր, որ հայրը էր համարում իրան: Նա շատ դժգոհ էր, որ հայրը երեք տարեկան երեխային «բաշիքեարթմա» է ա-

րել նոյնպէս մի փոքրիկ երեխայի հետ:

Սմբատը նոյնպէս չէր սիրում Հեղնարին: Նրա սիրածը գեղեցիկ, խելօք Հերիքնազն էր: Հերիքնազը փոխադարձաբար սիրում էր Սմբատին, բայց խեղդում էր իր մէջ սէրը, որպէս զի իր քեռու ուխտը կատարելի և ինքն էլ ամօթով չմնայ: Այդ նպատակով նա յորդորում էր Սմբատին Խէչանի և իր հօր ուխտը սրբութեամբ կատարել, իսկ իրան սիրել իբրև քրոջ: Հեղնարին ևս ամեն կերպ աշխատում էր սառցնել Արշակից, յիշեցնում էր նրա պարտականութիւնը: Վերջ ի վերջոյ երկու կողմից ևս կայանում է համաձայնութիւն, և նշանակուում է հարսանիքի օրը: Այն միջոցին, երբ Սմբատը Հեղնարի հետ ձեռք ձեռքի տւած՝ պատրաստուում էին գնալ եկեղեցի, պսակը խանգարուում է: Եաստուլ Մարգարը երկու հրամանագիր է յանձնում տանուաէրին և քահանային: Մէկը մովրովից էր, միւսը էջմիածնի գործակալից:

Պսակի խանգարման պատճառը ուրիշ ոչ ոք չէր, եթէ ոչ միկիտան Սաքօն, որը Սև ջրի գլխին մովրովի ապարանքի մօտ ունէր մի զինեվաճառանոց: Ամբողջ գաւառում յայտնի կեղեքիչ էր և գաւառական կառավարչին, նրա օգնականին և միւս պաշտօնեաներին պար էր ածում ձեռքի վրայ: Նա վաղուց էր աչքը դրել Խէչանի հարստութեան վրայ, որին տիրանալու համար անհրաժեշտ էր տիրանալ նախ և առաջ նրա աղջկան: Պսակը խափանելուց յետոյ՝ նա փորձ է անում մտերմանալ Խէչանի ընտանիքի նետ, և ուղարկում է նրա մօտ խնամախօս՝ տանուաէրին: Բայց ազնիւ ծերունին նրան բացէիբաց մերժում է, յայտնելով, որ եթէ եօթը կոյր աղջիկ էլ ունենայ, մէկը նրան չի տալ: Սաքօն մի ուրիշ միջոցի է դի-

մում: Իր փողով Խէչանի համար գնում է մեդալ, որի զինը մի պօլիմպէրիալ էր: Բայց դա միայն զայրացնում է անփառասէր Խէչանին, մանաւանդ որ Սաքօն իր զրպանից էր վճարել: Երբ այդ ևս չէ օգնում, Սաքօն ցոյց է տալիս իր մի յատկութիւնը, որ նա աւագակների ընկեր էր: Նա մի ծրագիր է կազմում, որով պիտի ղեկավարւէին աւագակները — զիշերային յարձակում Խէչանի տան վրայ և Հեղնարի առևանգում: Բարեբախտաբար, սրիկայի ծրագիրը օգն է ցնդում: Աւագակներից մէկը սպանուում է յարձակման ժամանակ, մնացածը փախչում են:

Հեռեկալ օրը գալիս է մովրովը և սկսում է հարց ու փորձը: Սակայն քննութիւնից երևում է, որ նա եկել էր նախապատրաստւած, որովհետև ամենևին ուշագրութիւն չգարձրեց Հերիքնազի խօսքերի վրայ, որ խոստովանեց իր յանցանքը: Մովրովը հրամայում է կալանաւորել Խէչանին. իր հետ տանում է Սև ջուր և բանտարկում:

Միկիտան Սաքօին հէնց այդ էր հարկաւոր: Չոհր նրա ձեռքումն էր, ազատ ել ու մուտ էր անում Խէչանի մօտ: Խորամանկ լեզուով Սմբատին իր կողմն է գրաւում, յաճախում է Խէչանի ընտանիքը, սուտ խոստումներով յոյսեր է տալիս, և այսպիսով կամաց կամաց Խէչանի հարստութիւնը տեղափոխում էր իր զրպանը: Մնում էր վերջացնել այգու գործը, բայց մի ձախորդութիւն խանգարում էր:

Անակնկալ յայտնում է կառավարութիւնից ուղարկւած քննիչը, որը մի արգարազատ պաշտօնեայ էր: Նրա գալը իրարանցում առաջացրեց գաւառական ծառայողների մէջ, և շատերը տուժեցին: Տուժեց և մեր ծանօթ մովրովը, որ իր թուլութեան շնորհիւ լայն ասպարէզ էր բացել միկիտան Սաքօի

հարստահարութեան առաջ: Քննիչը առ ժամանակ մովրովին հեռացնում է պաշտօնից, կնքում է դատարանը և պատւիրում է նրան գնալ Երևան, որտեղ պիտի կատարւէր գործերի քննութիւնը:

Սաքօն շտապում է իր գլխի ճարը տեսնել. վաճառում է գինեատուներ և առևտուրը վերջացնում, «մինչև որ սէլաւը անցնի»:

Երևանի ճանապարհին Սաքօն և Սմբատը պատահում են իրար: Սմբատը սկսում է նրան պախարակել, որ նա է Սէչանի բռնելու պատճառը, նա է Սէչանի գերդաստանի դժբախտութեան պատճառը: Սաքօն հակառակն է ասում և աշխատում է հաւատացնել, որ իր գլխաւոր հոգսը և մտածմունքը Սէչանի ազատութիւնն է և նրա ընտանիքի բախտաւորութիւնը: Բայց Սմբատը իր հաւատը կորցրել էր դէպի միկիտանք:

Իրանից յետոյ Սաքօն թշնամացաւ Սմբատի հետ: Մի փորձ արեց սպանել աւագակների ձեռքով, բայց անաշոյ ելք ունեցաւ յարձակումը: Երբ երկուսն էլ գտնուում էին Երևանում, Սաքօն հասկացրել էր պահապաններին, որ նրան չթողնեն քննիչի մօտ: Իսկ ինքը Սէչանի այգու գործն էր առաջ տանում: Սմբատին յաշոյղում է տեսնել քննիչի հետ, որի առաջ նա մերկացնում է միկիտանի բոլոր շարագործութիւնները: Միևնոյն ժամանակ եասաուլ Մարգարն էլ իր գիտցածն է պատմում քննիչին Սաքօի մասին: Նրա սիրտը լցւած էր վրէժխնդրութեամբ, որովհետև Սաքօին էր համարում մեղաւոր, որ ինքը խաբւելով նրանից՝ պատճառ դարձաւ Աշտարակի մի պատուաւոր գերդաստանի դժբախտութեան: Այն միջոցին, երբ քննիչը Սմբատի և եասաուլ Մարգարի հետ գնում էին բանտը Սէչանին ա-

գատելու, այնտեղ էր Սաքօն: Ծերունին դողդոջ ձեռքով պատրաստուում էր ստորագրել իր այգու կալւածագիրը, երբ մտնում են քննիչը և միւսները: Միկիտանը սատանայի պէս անհետանում է: Նրան երկար փնտրում են—չեն գտնում: Յետոյ միայն նրան պատահում է Մարգարը Պարսկաստանում: Նա ընդունել էր մահմեդականութիւն և մօլլայի պաշտօն էր կատարում մի պարսկական գիւղում: Տեսնելով իր նախկին ծանօթին, Սաքօն հասկանում է նրա նպատակը և զրգուելով խուժանին նրա դէմ՝ սպանել է տալիս:

Սէչանը վերադառնում է հայրենի օջախը հալումաջ եղած և ուժասպառ: Նրա առաջ բացւում է մի տխուր տեսարան: Աղջիկը մահամերձ հիւանդ, քոյրը և Հերիքնազը բոլորովին յուսահատւած, համարեա սգի մէջ:

Հեղինարի մէջ մեծ յեղաշրջում էր կատարւել: Նախկին հպարտ աղջիկը դարձել էր անձանաչելի: Մահից առաջ նա բաց է անում իր սիրտը: Իրանց գերդաստանի դժբախտութեան պատճառը համարում է նախ իրան, որ չէ ուզեցել իր հօր խօսքը կատարել և նշանածին թողած՝ սիրել է հարևան Արշակին: Յետոյ մեղադրում է նաև հօրը և հօրաքրոջը, որ երես են տւել իրան և հսկողութիւն չեն ունեցել. մեղադրում է և Սմբատին ու Հերիքնազին՝ մէկին, որ իր աչքով տեսել է իր նշանածին օտար աղի հետ խօսելիս, չէ թքել ու հեռացել, այլ ընդհակառակը, սէրն աւելացել է, իսկ Հերիքնազն էլ մեղաւոր է, որ իմացել է նրա և Արշակի մէջ եղած սէրը և հօրը չէ ասել: Վերջում Հեղինարը խնդրում է հօրից օրհնել Սմբատին և Հերիքնազին, որովհետև Աստուած է կամենում, որ նրանք միանան:

Հեռակալ օրը Խէչանենց տանից երկու գազազ էին տանում՝ մէկը Մարիամի, միւսը Հեղնարի: Մի շաբաթից յետոյ Խէչանը մեռնում է իր աղջկայ թարմ դամբարանի վրայ:

Շուտով կատարւում է Սմբատի և Հերիքնալի հարսանիքը:

Սաքօ.

Սաքօն, վէպի հերոսը, Պուօշեանի ամենայաջող տիպերից մէկն է և վերցրւած է իրականութիւնից:

Սև ջրի մօտ կար մի ապարանք, ուր կենում էր գաւառի կառավարիչը, կամ մովրովը, ինչպէս նրան անւանում էր ժողովուրդը: Այնտեղ ապրում էին և նրա օգնականը, գրագիրները և եասաուչները: Այնտեղ էր և դիւանատունը: Այդ շինութեան ղիմաց՝ Սև ջրին աւելի մօտ գտնւում էր միկիտան Սաքօի գինետունը, որը գիւղից հեռու լինելով՝ ծառայում էր նաև իջևան-հիւրանոց:

Մենք չգիտենք Սաքօի անցեալը: Բայց հեղինակի մի քանի ակնարկից երևում է, որ նա տաս-տասներկու տարեկան հասակից քաբշ էր գալիս այս կամ այն գինետան զոներին և արդէն մանկական հասակում ճարպիկ գողի համբաւ ունէր և ոչ ոք չէր վրստահանում նրան երկար պահել իր մօտ: Շփուելով սգէտ և ստոր բարոյականութեան տէր մարդկանց հետ, ոչ մի բարի օրինակ չտեսնելով իր շուրջը, մանուկը բնականաբար պիտի իւրացնէր այն ամենը, ինչ որ տեսնում էր՝ սկսած գողութիւնից մինչև շարագործութիւն:

Իրանից յետոյ մենք տեսնում ենք Սաքօին արդէն բոլորովին կազմակերպւած և իր խսկական գերում: Նրա մէջ աչքի էր ընկնում բնական խելք, առողջ դատողութիւն, ուժեղ կամք: Նա շատ լաւ ճանաչում էր մարդկանց թոյլ կողմերը, գիտէր վարել

ամեն մէկի հետ նրա հասարակական դիրքի, աստիճանի և կարողութեան համեմատ: Նա ունէր զարմանալի լեզու, որով կարողանում էր գրաւել այցելուներին համակրութիւնը. նրա քաղցր վարեցողութիւնը, նրա ճարտար լեզուն ամենքին յայտնի էր: Ահա այդ յատկութիւնների շնորհիւ նա դարձաւ մովրովի «երկու աչքի լոյսը», և այդ պատճառով բարձրացաւ ժողովրդի աչքին: Գիւղացիները միշտ գործ էին ունենում մովրովի հետ՝ որը զանգատ, որը խնդիր, մի խօսքով, ամեն մէկը մի դարդ ունէր, և բոլորը դիմում էին Սաքօին, որովհետև նա մովրովի ամենամօտ անձն էր և նրանից շատ բան էր կախւած:

Սակայն իր բոլոր ընդունակութիւնները և փորձառութիւնը նա ծառայեցնում էր իր անձնական շահերին: Նրա կեանքի նպատակը, նրա իդէալը հարստութիւնն էր, փողը: Հարստութեան համար նա մտաւանում էր խիղճ և ամօթ, նրա համար սուրբ էին ամեն տեսակ միջոցներ: Ապօրինի թղթեր ձեռք բերել և չհասութեան պատրւակով օրինաւոր պսակը խափանել, յետին թւով գրել մուրհակներ, աւագակների ձեռքով աղջիկ փախցնել և մարդ սպանել, անմեղներին մաշել բանտերում նրանց հարստութիւնը ծծելու համար, թոյլ տալ ամեն տեսակ օրինազանցութիւն, հարստահարութիւններ, — այդ բոլորը յատուկ էր Սաքօին:

Ճօ-ական թւականներին Արևելեան պատերազմի ժամանակ Սաքօի բախտը բանեց, և նա մտաւ իր խսկական դերի մէջ: Հարստանալու ժամանակ էր: Ով չուստ, նա կուշտ: Իսկ հարստանալու ճանապարհներ շատ կային: Հարկաւոր էր, օրինակ, գորքի համար գիւղերից ցորեն հաւաքել: Սաքօն մովրովի հետ խօսքը մէկ արած՝ եասաուչներին վերցնում և առատ

հունձ անելով անցնում էին գիւղից գիւղ: Սաքօն ամեն գիւղում ունէր լրտեսներ: Մովրովից առաջ գրնում էր գիւղը և հող պատրաստում: Փողովրդի առաջ մովրովին նկարագրում էր իբրև շատ խիստ մարդու, որ հակառակութեան դէպքում եասաուլներին հրամայում էր ուղղի տալ:

Յորեն գնելը գիւղերում կապւած էր մեծ անգլթուլթիւնների հետ: Վայ այն աղքատին, որ ցորեն չունէր, — գուրս էին բերում նրա վերջին եզը, վերջին պղինձը: Այգալիսի դէպքերում շատ անգամ գործ էր տեսնում մտրակը և աքացին: Ամեն տեղ աշխատում էին որոշւած քանակից վերցնել աւելի շատ ցորեն, և այդ աւելին պատկանում էր մովրովին, Սաքօին և միւս ծառայողներին:

Սաքօն ոչ մի գիւղում ամօթով չմնաց. ում բան հասաւ կամ ոչ, նա իրանը ստացաւ: Եթէ ուրիշ բան չէր լինում, վերցնում էր հաւեր: Պուօշեանը հեզնօրէն ասում է. «Սաքօի գործ դրած խելացի հնարքի շնորհիւ, այս տարի շատ ընտանիք երեխայոց ձեռքերը բռնած՝ սկսան ողորմութիւն հաւաքել»:

Պատերազմի ժամանակ մովրովը մի ուրիշ եկամուտ ևս ունէր, որ բաժանում էր Սաքօի հետ: Ով ցանկանում էր ստանալ մեղալ որևէ ծառայութեան համար, պիտի վճարէր մի «պօլիմպերիալ», բայց ոչ նորը, այլ 184... թւականի, որ կրկնապատիկ արժէք ունէր, քան նորը: Եւ այսպիսով մեղալ ստացողը երկու անգամ աւելի էր վճարում, իսկ այդ աւելին մանում էր մովրովի և Սաքօի գրպանը, որովհետև Սաքօն իր ժամանակին բաւական «պօլիմպերիալ» էր ժողովել:

Այս բոլոր կեղեքումներին քննիչը վերջ տւեց, գոնէ առժամանակ: Մովրովը իր արժանի պատիժը

ստացաւ: Պաշտօնից զրկւեց և ընդ միշտ անբախտացաւ: Բարոյապէս պատժւեց և Սաքօն: Իր կաշին ազատելու համար, հեռացաւ հայրենիքից և օտար երկրում փոխեց հաւատը, ուրացաւ ազգը և դարձաւ մօլլա մի պարսիկ գիւղում. այնտեղ նա համակրութիւն չգտաւ: Նա այն աստիճան բարոյապէս ընկած էր, որ սպանել է տալիս եասաուլ Մարգարին, որ այնքան ծառայութիւն էր արել այդ ապերախտին: Կարելի է ասել, որ Սաքօն նաև մովրովի անկման պատճառ եղաւ, որովհետև մովրովը ինքն ըստ ինքեան անհամարձակ, նոյն իսկ երկչոտ մարդ էր, իսկ եթէ նա սկսեց այնպիսի լայն չափերով գործադրել կաշառակերութեան սիստեմը, դա շնորհիւ Սաքօինա էր իրօք տօն տուողը, ոգևորողը, նրա հետ էր բաժանում կաշառքը և այլ եկամուտները:

Խէչանենց Խէչանը Սաքօի հակապատկերն է: Խէչան. Այդ պատկառելի ծերունին իր անձը զրել էր իր գերդաստանի և աղքատների համար, մինչդեռ Սաքօն ամեն ինչ գոհում էր իր անձնական շահերին:

Խէչանը ներկայացուցիչ է գիւղի հարուստ, իշխանաւոր դասակարգի: Իբրև աշխատասէր գիւղացի, մշակում էր այգիները, զբաղւում էր տնային գործերով, մի խօսքով պարապ չէր նստում: Եղբօր մահից յետոյ գործերը բարդւեցին նրա վրայ: Խէչանը յիշեցնում է Բաֆֆու տանուտէր Խաչօին, այն տարբերութեամբ, որ նա խառնւում էր համայնական գործերի մէջ, իսկ Խէչանը՝ ընդհակառակ խուսափում էր: Պատճառն այն է, որ վերին աստիճանի նուրբ խղճի տէր մարդ էր. վախենում էր մի գուցէ սխալմունքով դանձանակի և մոմի փողիցը մի սև գրօշ խառնելի նրա գրպանի սև փողերի հետ ու ծախսի, չէ որ նրա հալալ դատածը կհարամւի, և

տունը կքանդւի. Ինչ պատասխան պիտի տար Աստ-
ծուն: Ահա որքան հեռու էր նա փառասիրութիւնից.
յիշենք, որ նոյն իսկ մեղալը չուրախացրեց նրան:

Խէչանի գեղեցիկ յատկութիւններից մէկն էր
նրա անսահման հիւրասիրութիւնը: Նրա տան զոնե-
րը բաց էին ամենքի առաջ՝ ճանապարհորդների, ո-
րոնք գիշերն Աշտարակում մնալու համար ծանօթ
չունէին, աղքատների, որոնք մի զղալ տաք կերա-
կուր չէին կերել, պաշտօնական գործերով եկած
մարդկանց և աստիճանաւորների առաջ: Նրա տանն
էին պատասպարուում նոյն իսկ երեսփոխի և տանու-
տէրի տանն իջած հիւրերը: Խէչանը ուրախ էր ա-
մենքին ընդունել, միայն թէ նրան հանգիստ թողնե-
ին և չընտրէին ոչ երեցփոխ, ոչ տանուտէր: Խէչա-
նը միևնոյն ժամանակ բարութեան տիպար էր. աղ-
քատ ընտանիքների հարկը շատ անգամ նա էր տա-
լիս:

Գիւղամիջում Խէչանը մեծ պատիւ էր վայելում
ոչ միայն իր հարստութեան, այլ և իր ազնիւ, խո-
հեմ բնավորութեան համար: Վերին աստիճանի գո-
րովագուլթ հայր էր, սիրում, փայփայում էր իր «ճար
ու ճրագ» աղջկան, մինչև անգամ երես էր տալիս
շատ սիրելուց: Ոչ միայն աշտարակեցի ծնողները,
այլ և շրջակայ գիւղացիները աչքները անկել էին
Խէչանի աղջկայ վրայ, որ պիտի ժառանգէր հօր
հարստութիւնը: Բայց նա մի սխալ գործեց, որ
հիմք դարձաւ ընտանիքի կործանման: Իսկ այն վա-
սակար սովորութիւնն է, որ ընդունւած էր գիւղե-
րում, այն է՝ «բաշխեարթման»: Ծնողները շատ ան-
գամ որոշում էին իրանց զուակներին ճակատագիր-
ները նրանց մանկական հասակում, պատահում էր և
ծնունդից առաջ: Սակայն այստեղ Խէչանը մեղաւոր

չէր: Իբրև աղէտ, անապաշտ գիւղացի, հաւատացած
էր, որ երեք տարեկան Հեղնարին բաշխեարթմա ա-
նելով վեց տարեկան մանուկի հետ, մի սուրբ և
ասուածահաճոյ գործ էր կատարում: Իր սխալը նա
հասկանում է շատ ուշ, աղջկայ մահւան վերջին
վայրկեանին: Զնայած իր գառամեալ հասակին, Խէ-
չանը քրիստոնէական համբերութեամբ տանում է իր
տառապանքը նոյն իսկ բանտում:

Մենք կանգ չենք առնի միւս անձնավորութիւն-
ների վրայ: Բոլորն էլ գիւղական ղեմքերի յաջող
նկարագիրներ են, թէև մի քանիսը իդէալացրած են,
օրինակ, Հերիքնազը. զարմանալի է թւում, թէ ինչ-
պէս մի մանկահասակ, սիրով վառւած աղջիկ կարո-
ղանում է խեղդել իր մէջ ներքին կրակը, խորունկ
սէրը ղէպի Սմբատը: Հսկայ կամք և ոյժ պիտի ու-
նենար: Հեղնարը նոյնպէս վատ չէ գծագրւած, մի-
այն անբնական է թւում նրա սիրոյ վերածնունդը՝
պատկի խանգարման պատճառով:

Հետաքրքրական տիպ է և Յաքուլը, որ ճշմար-
տախօս է և բողոքոյ. պախարակում է տանուտէրին
և գզիրին ապօրինի գործերի համար, ամեն մէկի
պակասութիւնը անվախ երեսփն է տալիս: Բայց
նրան լսող չկայ, նրա խօսքը մնում է ձայն բարբա-
ռոյ յանապատի:

«Հացի խնդիրը» կարելի է դնել Պոօշեանի լա-
ւագոյն վէպերի շարքում: Ունի հարուստ բովանդա-
կութիւն և կարդացւում է հետաքրքրութեամբ: Հե-
ղինակը երկու նպատակ է դրել իր առաջ՝ մի կողմից,
ներկայացնել 40-ական և 50-ական թւականների
Աշտարակը իր լուսաւոր և մութ կողմերով, միւս
կողմից՝ ցոյց տալ «բաշխեարթմա» կոչւած նշա-

Վէպի ար-
ժանաւո-
րութ. և
պակասու-
թիւնները.

նադրութեան վատ հետևանքները: Վէպի արժանաւորութիւններէց են և մի շարք յաջող բնոյթագրերը, որոնց մէջ իրանց ընկիւնքի գծագրութեամբ աչքի են ընկնում միկիտան Սաքօն և նահապետ Սէշանը:

Աշտարակեցոց բարբառը, որին գերագանց ծանօթ է Պոօշեանը, հանդէս է գալիս այստեղ իր բոլոր ճոխութեամբ: Հեղինակի լեզուն դեռ ևս չէ կըրում իր վրայ ժամանակակից լրագրական լեզւի ազդեցութիւնը:

«Հացի խնդրի» գլխաւոր պակասութիւնը կազմում են աւելորդաբանութիւնները, այն ամենը, ինչ որ անմիջապէս կապւած չէ վէպի հետ, թէև առանձին վերցրած՝ ինքն ըստ ինքեան հետաքրքրական են: Այդպիսի հատուածներ են հեղինակի գատողութիւնները այս կամ այն խնդրի առիթով, որոնք երբեմն խրատի ձև են ստանում, կամ որ և է ժողովրդական աւանդութիւն: Այստեղ, օրինակ, աւելորդ է «Այդը գեօլ» վերնագրով գլուխը, աւելորդ են հեղինակի գատողութիւնները մարդկային խղճի մասին, մի ուրիշ տեղ երևանցոց հիւրասիրութեան մասին, և այսպէս յաճախ ընդհատում է վէպը, որ դանդաղեցնում է գործողութիւնը և մտցնում ձանձրոյթ:

Միւս վէպերում պատահում են և ուրիշ թերութիւններ, օրինակ, հոգեբանական սխալներ, անհաւատալի անցքեր և այլն, որոնք վէպերի վերլուծման ժամանակ հետզհետէ կպարզւեն:

«Հացի խնդրի» մէջ այդպիսի պակասութիւններ սակաւ են:

«Կուածադիկ».

«Կուածադիկը» պատմական վէպի մի փորձ է, որ Պոօշեանը գրել է դարձեալ Սբովեանի գօրեղ ազդեցութեան տակ: Միայն նրանք վերցրել են տարբեր ժամանակաշրջաններ: «Վէրք Հայաստանի»-ի մէջ գուրս է բերւած Արարատեան գաւառը անցողական շրջանում, XIX դ. առաջին երեսնամեակում, իսկ «Կուածադիկի» հեղինակը վերցրել է XVIII դ. վերջերը:

Յառաջաբանում Պոօշեանը գրում է. «Իմ ցանկութիւնս էր սրանից մի դար առաջ իմ քաղցր հայրենիքում գտնւած յիշատակներն անմահացնելու, որոնց մէջ գլխաւոր տեղերից մինն անպատճառ պատկանելու էր Հայոց ազգի գլուխ երջանկայիշատակ Ներսէս Ն. իմ հայրենակից Աշտարակեցի կաթողիկոսի մանկահասակ անմեղ տարիներին»:

Վէպի աղբիւրների մասին գրում է. «Գրաւոր աղբիւրներն են քաղել եմ Սիմէօն բաղմաշխատ կաթողիկոսի տպւած աշխատութիւններից և, պ. Յարութիւն Շահադիգեանցի շնորհիւ, Ներսիսի գրութիւններից: Իսկ իբրև անսպասելի աղբիւր, եղել են իմ մանկութենէ մինչև վերջին տարիներս Աշտարակի՝ իմ ծննդեան տեղի՝ ձերուկիներից լսածներս, որոնցից շատերը խորին ձերութեան հասած՝ ականատես են եղել շատ իրողութիւնների»:

Այնուհետև հեղինակը աւելացնում է, որ նա իր կողմից թոյլ է տւել ստեղծել նոր արկածներ և նոր անձեր և որ ժամանակագրութեան ճշտութիւն չէր ուզեցել և չէր կարող պահպանել: Նոյն իսկ Ներսիսի ծննդեան տարին հաստատապէս յայտնի չէ:

«Կուլաճաղիկի» հետաքրքրութիւնը կայանում է նրանում, որ մի կողմից մենք ծանօթանում ենք մեր նշանաւոր հոգևորականի մանկութեան և պատանեկան տարիների հետ և, միւս կողմից, Աշտարակի կեանքի հետ, երբ նա գտնւում էր մահամեղախան լծի տակ:

Բովանդակութիւն. «Կուլաճաղիկի» մէջ Պոօշեանը հանդէս է բերում Շահագիգեան-Կամսարական նշանաւոր տոհմի երեք շառաւիղը:

Առաջինը՝ Գէորգ խալֆան, որ Աշտարակի ամենահարուստ և պատւաւոր իշխաններից մէկն էր, որից պատկառում էին կաթողիկոսը և պարսից իշխանները. իսկ հայրենակիցները պաշտում էին նրան: Գիւղում ոչինչ չէր կատարւում առանց Գէորգ խալֆայի: Գէորգ խալֆան էր հանդիսանում միջնորդ փողովորդի կողմից սարգարի առաջ: Նա անշափ բարի և առատ էր. նրա տան բարիքը վայելում էին բոլոր խեղճերը և քաղցածները: Նա որդի չունէր և միշտ կարօտ մնաց որդու, բայց ամբողջ գիւղին և գաւառին հայրութիւն էր անում: Խորիշանը նրա արժանի ամուսինն էր, նրա օգնականը ընտանեկան կառավարութեան մէջ, Աշտարակի կանանց թագն ու պակը և որբերի գործագութ մայրը:

Շահագիգեան-Կամսարական տոհմի միւս շառաւիղն էր տէր Յարութիւնը, որ նոյնքան համակրելի անձնաւորութիւն էր, որպէս Գէորգ խալֆան: Ասուածասէր, բարեպաշտ հոգևորականի մի տիպար: Չը նայած իր գառամեալ հասակին, տակաւին պահպանել էր երիտասարդական աշխուժութիւն: Նա ևս յայտնի էր իր բարութեամբ: Ամեն օր նրա տանը տպանեակ օտարականներ էին կերակրւում, որբեր խնամւում: Տիրուհի Սուսամբարը յետ չէր մնում իր

ամուսնուց բաբեգործութեան մէջ և նրա հետ հասարակ մասնակցում էր որբերի խնամակալութեան մէջ:

Իրանք Ներսէս Վ կաթողիկոսի ծնողներն էին:

Գէորգ խալֆայի և տէր Յարութիւնի հակապատկերն էր Շահագիգեան տոհմի երրորդ ներկայացուցիչը՝ Ղևոնդ ազան, որ յայտնի էր իր փառասիրութեամբ և ընչասէր հոգով: Նրա հարստանալու միջոցն էր թալանը, որ նա սարքում էր իր շարութեան գործակից տէր Մելիքսէթի հետ և սարգարի համաձայնութեամբ: «Քօշի» լուր տարածելով Աշտարակում, ստիպում էին բնակիչներին թողնել տուն ու տեղ և քօշել: Նրանք պատասխարւում էին Ծիրանաւոր եկեղեցում: Շփոթմունքի ժամանակ պարսիկ սարւազները վրայ էին տալիս դէպի գիւղը և սկսում իրանց թալանը:

Ղևոնդը անտանելի էր և իբրև ամուսին: Համասփուռը մի խելացի և բարի կին էր, Պոօշեանց իշխանական տոհմից, բայց դժբախտ էր, մանաւանդ այն պատճառով, որ գաւակ չունէր: Սակայն Տէրը նրան տալիս է մի աղջիկ, երբ նա հեռուում է նախքի Մանուկի կնոջ օրինակին: Նախքի Մանուկը, որ նոյնպէս ճին, բայց աղքատացած ցեղից էր, տասներկու տարի է պսակւած էր Շուշանի հետ, բայց որդի չունէր: Շուշանը յոյսը կորելով զանազան գրբացներից և ֆալշիներից, դիմում է Ասածուն: Սուրբ Կիրակին շատ ամուլ կանանց մուրազը կատարել էր. նրա մուրազն էլ կ'կատարի: Այդ յոսով Շուշանը սկսում է մի ամբողջ տարի չորեքշաբթի և կիրակնամուտ օրերը գնալ ուխտ Սուրբ Կիրակի և մոմ վառել: Իրանից յետոյ նա ունենում է մի արդայ, որի անունը գնում է Վարդ: Ղևոնդի ամուսինը

Շուշանի հետ ուխտ է կապում, որ եթէ Աստուած իրան տղայ տայ, նւիրէ վանքին, իսկ եթէ աղջիկ, նշանէ Վարդի հետ: Սուրբ Կիրակին կատարում է Համասփիւռի փափազը, տալով նրան մի աղջիկ, որի անունը դնում է Մանուշակ իր մօր անունով: Ղևոնդ աղի տանը ապրում էր պառաւ Սանդուխտը, որը մօր նման սիրում էր Մանուշակին, և նա էր, որ գիւղի մօտ Տախտակակապ կոչւած այրում Համասփիւռի ուխտը կատարեց, Մանուշակին նշանեց Վարդի հետ: Մայրը առայժմ իր ամուսնուց ծածկում էր նախրչի Մանուկի կնոջ հետ արած ուխտը:

Ղևոնդի և տէր Մելիքսէթի այս անգամւայ սարքած «քօշը» մեծ օգուտ չտւեց ոչ Ղևոնդին, ոչ պարսիկ սարւազներին, որովհետև աշտարակեցիք իրանց թանկագին իրերը թագցրել էին Ծիրանաւոր եկեղեցու պահարանում, իսկ սարվազների յարձակմանը քաջ դիմադրութիւն ցոյց տւին գիւղի պահապանները («արանչիները»): Դրան աւելացաւ և մի մեծ անյաջողութիւն, որ Ղևոնդի սիրտը դողով լըցցրեց: Նա սարգարին խոստացել էր ընծայել մի «ոսկի գութան», որ մեծ համբաւ ունէր գիւղում և գտնւում էր Գեարանենց տանը: Բայց տունը սարւազների ձեռքով տակն ու վրայ արին, գութանը չը գտնւեց: Երևաց, որ «ոսկի գութանը» այլաբանական մտքով է գործ ածւել: 70 տարեկան նահապետը բացատրում է, որ դա փայտէ գութան էր ժանգոտած երկաթէ խոփով: «Հէնց էն ա, որ մեզ համար ոսկի ա բերում», ասում է ծերունին: Ղևոնդը հաւատացրել էր սարգարին, որ իր աչքերով տեսել էր ոսկի գութանը, ահա ինչու այնքան վախենում էր: Սակայն խանը այս անգամ ներում է Ղևոնդին և տէր Մելիքսէթին, իսկ Գէորգ խալֆային պատւիրում է

զնալ, դադարեցնել «քօշը» և բնակիչներին յետ բերել իրանց տները:

Այս գէպքից յետոյ Ղևոնդի մէջ մեծ փոփոխութիւն է կատարւում: Նա թողնում է իր շարութիւնները, սկսում է զբաղւել իր ընտանեկան և կալածային գործերով, մի խօսքով, դառնում է անճանաչելի: Գիւղացիք պարզ տեսնում էին, որ Ղևոնդը կարգին մարդ է դարձել, նրան մինչև անգամ ընտրում են տանուտէր: Նա սկսում է աւելի քաղցր վարւել իր ամուսնու հետ և աւելի սիրել աղջկան: Օգուտով Ղևոնդի լաւ տրամադրութիւնից, Համասփիւռը յայտնում է իր ուխտը: Երբ նա իմանում է, որ Մանուշակը նշանւած է Վարդի հետ, ինքն ևս համաձայնում է: Այնուհետև Վարդը և Մանուշակը դառնում են խաղընկերներ: Այդ ժամանակ աւագակները վիրաւորում են նախրչի Մանուկին, որ ստիպւած էր երկու ամիս ծառայել անկողնին: Շուշանը գիշեր ցերեկ նրա մօտից չէր հեռանում, կտրել էր քունը, մոռացել ուտելը: Քնքոյշ կազմւածքը չդիմացաւ նեղութիւններին, և նա մեռաւ: Նրանից յետոյ վախճանւում է և Համասփիւռը, որի մահը մի տեսակ նահատակութիւն էր Ղևոնդի նման անգութ բռնակալի ձեռքից:

Աշտարակի խաղաղութիւնը շուտով խանգարւեց տէր Մելիքսէթի շնորհիւ, որ աշտարակցիների ժանտախտն էր, որից ամենքը խորշում էին: Նրա մէջ զարթել էր չար նախանձը: Ղևոնդին տանուտէր ընտրեցին, իսկ իրան աւագ քահանայութիւն չուզեցին տալ բաւական համարելով տէր Յարութիւնին: Թող այժմ տեսնեն նրա ոյժը: Չարութիւնների ասպարէզը նրան էր մնացել: Նա զնում է սարգարի մօտ «Ղևոնդի քարն անտակ հորը գցելու»: Ենորհիւ նրա

ամբաստանութեան, խանր սարևազներով բերել է տալիս իր մօտ Աւոնդին և նրան ենթարկում է ֆալսապի տանջանքներին: Ճիպտաների հարածների տակ՝ արիւնաթաթախ ոտներով գետին ընկած, հողին էր քսում իր երեսը և օրհնում իր սիրով կեանքը: Դրա փոխարէն նա ստանում է խանի ներումը և մի խալաթ:

Այժմ Աւոնդ անգամ վերագտնում է Աշտարակ աւելի անգութ, քան թէ առաջ, որովհետև սարգարից ստացել էր նոր լիազօրութիւններ: Վրաց Հերակլ թագաւորը գալիս էր զօրքով Երևանի վրայ, ուստի խանը հրամայել էր զօրաժողով անել նաև Աշտարակում: Աւոնդի առաջին գործն է լինում կանչել տէր Մելիքսէթին և հրամայել՝ վաղ առաւօտեան պարսից սարևազներին ետեից՝ գցած՝ մանել գլուզացոց աները, ամեն մէկից զինուոր հանել, էլ չհարցնել մեծ ու փոքրը, հարուստ ու աղքատը, պսակաւոր և անպսակը. «Բոլորին քշել տաւարի պէս և Թորոսենց կալոււմը հաւաքել»:

Աւոնդը իր տանն ևս ցոյց տւեց իր զարմանալի անգթութիւնը, այս անգամ իր հարագատ աղջկայ հետ: Հօր տեսներուն պէս՝ Մանուշակը, մինուէճար աղջիկը, կարօտով նետում է նրա գիրկը. իսկ նա աչքերը ուրեւիով հրում է իրանից: Աղջիկը դէն է ձգում հօրից ստացած չոր միրգը և ասում. «Նա էլ քեզ չեմ սիրում»: Այդ խօսքերը ցնցւեցին հօր սրտի մէջ և ամբողջ գիշերը նրան չէին թողնում քնել: Աղջիկը դարձաւ հօր համար խղճի խայթոց:

Յետոյ մի ուրիշ շար միտք է յղանում այդ հրէշը: «Մի՞թէ գգիբի որդին տանուաէր Աւոնդի փեսան պիտի լինի, — սչ», վճռում է նա, և իր շար գիտաւորութիւնը ի կատար ածում հետեւեալ օրը: Զօրա-

ժողովի ժամանակ սարևազների ձեռքով սպանել է տալիս գգիբ Մանուէկին, իսկ նրա որդին ազատում է, որ զայրացնում է շարագործին:

Տէր Յարութիւնը որդեգրում է Վարդին: Նրա մօտ գալիս է Աւոնդը Մանուշակի ձեռքից բռնած և խնդրում է, որ նա իր աղջկան վերցնի իր հովանաւորութեան տակ. նա կամենում էր աչքից հեռու պահել իր հողեկան տանջանքների առարկան: Տէր Յարութիւնը գրան էլ ուրախ էր: Նա ինքը երկու որդի ունէր, որոնցից մեծը Թորոսն էր, երկու էլ որդեգիրներ ունէր՝ Վարդը և Մանուշակը: Նա ողբւորում է մանուկների կրթութեան գործով և իր տան մէջ մի սենեակը դարձնում է ուսումնարան: Ճիպտաբ, իհարկէ, տէր հօր գաստիարակութեան մէջ մեծ գեր էր կատարում, որովհետև նա այն համոզման էր, որ «օրհնեալ է փայտն, որով լինի արդարութիւն»:

Վիպական անցքերի վայրը մի առ ժամանակ տեղափոխւում է Երևան: Պուշեանը ներկայացնում է մեր առաջ Երևանի բերդը պաշարւած վրաց Հերակլ թագաւորի զօրքերով: Թագաւորը առաջարկում է Հիւսէին-Ալի խանին անձնատուր լինել. խանը երեք օր ժամանակ է խնդրում: Հակառակ կողմերի միջնորդներ հանդիսանում են Սիմէօն կաթողիկոսը և Գէորգ խալֆան: Հաշտութեան պայմաններն հետեւեալն էին: Պարսիկները հանդիստ պիտի թողնէին հայերին. նշանակւած հարկից աւելի ոչինչ չպիտի պահանջեն. իրաւունք չպէտք է լինի հայ աղջիկ քաշելու. բայրամի ժամանակ ամանով ոսկի բերելը վերանայ. էջմիածնի վանքն ազատ պիտի լինի իր ուխտին՝ խաներին ընդունելուց և որոշեալ ընծաներ տալուց, վանքերի կալւածքները հաստատ դարալայով

(կալաճագրով) յետ տրւին իրանց և ոչ մի պարսիկ իշխան իրաւունք չունենայ զանազան պատրւակներով յետ խլել: Կաթողիկոսի մասին ասւած է, որ նա ազատ է, եթէ ինքը կամենայ, զնալ տեսութեան իր մեծափառ սարգարին: Հաշտութեան պայմանները ընդունուած են, և Հիւսէին-Ալի խանը խոստանում է ամենը կատարել: Երկու օրից յետոյ վրաց Հերակլ թագաւորը իր զօրքերը ուղարկում է Վրաստան, իսկ ինքը կաթողիկոսի խնդրանօք՝ երեք հարիւր շքախմբով զնում է Էջմիածին, ուր նա Սիմէօն կաթողիկոսի և Էջմիածնի միաբանութեան կողմից արժանավայել պատիւներ վայելելով, չորրորդ օրը ճանապարհ է ընկնում Աշտարակ: Այստեղ Հերակլը իր երեք հարիւր մարդկանցով հիւրասիրւում է Գէորգ խալֆայի տանը: Թագաւորի առաջ բերում են մի քանի երեխաներ, որոնց թուում էր Թորոսը, ապագայ Ներսէսը: Իննը տարեկան մանուկի խելօք, իմաստուն պատասխաններից թագաւորը զարմացած և հիացած է. «Այս երեխան մեծ յոյսեր է խոստանում», ասում է Հերակլը: Նա հեռանում է Աշտարակից քաղցր յիշողութիւններ տանելով իր հետ մանաւանդ Գէորգ խալֆայի և հանձարեղ մանուկի մասին:

Նրանից յետոյ գալիս է Աշտարակ Սիմէօն կաթողիկոսը: Նրան ընդունում են զգեստաւորւած քահանաները, ժողովուրդը և Գէորգ խալֆան: Ինչ յետոյ գալիս է Յուշի գիւղի մեծ մօլլան կաթողիկոսի գալուստը շնորհաւորելու: Երկու տարբեր կրօնների ներկայացուցիչների հանդիպումը շատ բնորոշ է: Յոյց է տալիս, թէ որ աստիճանի խոնարհութեան էր հասել հայր պարսկական լծի տակ, որ նոյն իսկ կաթողիկոսը այնքան խոնարհութեամբ էր պատասխանում մօլլի հարցերին և մի քանի քայլ յետ էր մնում

նրանից, այնպէս որ՝ մօլլան է «հրամայում», որ նա իր հետ հաւասար ման գայ: Աշտարակեցոց բախտից, մօլլան շուտով հեռանում է, որովհետև նրան շտապ կանչել էր Երևանի մեծ մուշտէիզը:

Երբ հանգուցեալ տէր Յարութիւնի որդի Թորոսը դառնում է ութ տարեկան, տիրուհի Սուսամբարը, իր ուխտի համաձայն, նրան ուղարկում է Էջմիածին. այդ պահանջն արել էր և Սիմէօն կաթողիկոսը Աշտարակում եղած ժամանակ: Ծերունի Փիլիպիոսը Թորոսին տանում է Էջմիածին և, յանձնելով նրան Գալուստ եպիսկոպոսին, ինքը վերադառնում է: Բայց աշխոյժ մանուկը մի օր էլ չէ դիմանում վանական միջնորդարին: Նրա մտքից չէր հեռանում իր սիրելի ծննդավայրը, և հեռեւեալ օրը նա արդէն Աշտարակում էր: Թէև մայրն ուրախանում է որդուն տեսնելով, բայց շտապում է նորից յետ ուղարկել: Սիմէօն կաթողիկոսին այնքան հիացնում են Թորոսի խելքը և հասուն դատողութիւնները, որ նրան որդեգրում է, անունը դնում Ներսէս: Այնուհետև նա ապրում էր վեհարանում կաթողիկոսի հովանաւորութեան տակ. միևնոյն ժամանակ յաճախում էր ուսումնարանը:

Վրաց թագաւորի հետ հաշտութիւն կապելուց յետոյ, սարգարը գալիս է Էջմիածին և իջնում է վեհարանում: Վանքը ստիպւած էր անագին ծախսեր անել խանի բազմաթիւ մարդկանց կերակրելու համար: Հիւսէին-Ալի խանին յայտնի էր, որ ուխտաւորների մէջ կայ մի գեղեցիկ աղջիկ: Նրան ձեռք բերելու համար դիմում է Նադի բէկի օգնութեան:

Այդ բոլորը Ներսէսը լսում է դրան ետևից և մի ակնթարթում լուրը տեղ է հասցնում, և այսպիսով չարիքը խափանւում է: Սարգարի կողմից Էջմիածին

ուխտ գալը իսկապէս մի պատրուակ էր: Դրա մէջ խառն էր տէր Մելիքսէթի մատը: Նա էր գրգռել խանի ախորժակը գեղեցկուհու նկարագրութեամբ. նրա խորհրդով էր խանը իջել վեհարանում: Երբ սարգարն իր նպատակին չէ հասնում, շտապում է էջմիածնից հեռանալ մի երազի ազդեցութեան տակ: Քնած ժամանակ նրա աչքը կծում է մի կարիճ, իսկ նրան երազում թւում է, որ դա ս. Գէորգն է իր նիզակը ցցել նրա աչքի մէջ:

1780 թ. վախճանում է Սիմէօն կաթողիկոսը. նրան յաջորդում է Ղուկասը: Նոր վեհապետը նոյնպէս իր հովանաւորութիւնը տարածում է տիրացու Ներսիսի վրայ նրա արտակարգ ընդունակութիւնների համար:

Սակայն ազատասէր պատանին չէր կարողանում հաշտել վանական միջավայրի հետ: Նրա ուշ ու միտքն իր հայրենիքն էր, նրա ցնորքը Մանուշակն էր: Նա մտածում էր նրա հետ պսակել և դառնալ քահանայ: Այդ նպատակը նրան քաշում է նորից գէպի հայրենիք:

Ներսէսը գեռ չգիտէր, թէ որ աստիճանի էր հասել Վարդի և Մանուշակի փոխադարձ սէրը: Նա համոզում է զրանում, ներկայ լինելով մի սիրային տեսարանի: Այնուհետև նախկին ընկերները դառնում են ոխերիմ ախոյեաններ, իսկ Մանուշակը նրանց կուսածաղիկը:

Տէր Մելիքսէթը գեռ չէր թողել իր գարշելի արարքները: Այժմ նա Ղևոնդի մինուճար աղջկան էր ուզում դարձնել ֆարրաշբաշու հարեմի գարգը: Թուրքերի յարձակումը չէ յաջողում՝ շնորհիւ Վարդի բռնուցքներին:

Տէր Մելիքսէթը Վարդին կործանելու համար,

հաւատացնում է Ղևոնդին, որ նա էր կամեցել Մանուշակին փախցնել, և ահա այդ երկու շարագործների հրամանով թուրքերը բռնում են Վարդին և աչքերը կապած՝ տանում են մինչև Տաճկաստանի սահմանը և այնտեղ արձակում:

Վարդը մի քանի ժամանակ «ս. Կարապետ ուխտաւորի» անւան տակ շարքաշ կեանք վարելուց յետոյ, տեսնելով, թէ ինչպիսի խեղճ ու անատէր դուլթեան մէջ են հայերը, վճռում է աւագակային խումբ կազմել: Անունը փոխում է Վարդան: Շուտով Աջամ Վարդանի քաջագործութիւնների համբաւը տարածւում է քրդական ցեղերի մէջ և սարսափ ազդում իսկ հայերն, ընդհակառակ, երեք տարի ազատ շունչ քաշեցին:

Սակայն Աշտարակի երկու ժանտախտները վերջ ի վերջոյ կրում են իրանց պատիժը: Ներսէսը տասնեակ զինւած ընկերների հետ սպանում են նրանց մի ձորում: Այնուհետև իւրաքանչիւր անցորդ իր պարտքն էր համարում մի քար գցել Ղևոնդի և տէր Մելիքսէթի գերեզմանի վրայ:

Վարդի անհետանալով Ներսիսի ճանապարհը լայնացաւ: Գէորդ խալֆայի շնորհիւ, Ներսիսի և Մանուշակի նշանադրութիւնը յաջողում է: Բայց Սուսամբար տիրուհին պայման է դնում որդու առաջ, որ նա, իր ուխտագանցութիւնը քաւելու համար, գնայ ս. Կարապետ ուխտ: Նշանւելուց յետոյ տիրացու Ներսէսը չորս ընկերներով ճանապարհ են ընկնում գէպի սուլթան ս. Կարապետ: Տաճկաստանում նրանք ընկնում են քրդերի ձեռքը, և մաղից էր կախւած նրանց կեանքը, եթէ մի ակնթարթում գրոհ չտար կարիճների մի մեծ խումբ և վեց քրդերին էլ սրի շանցնէր: Ներսիսի և նրա ընկերների փրկիչը

Վարդն էր իր քաջերով: Միայն նա իր անունը ծածուկ պահեց ուխտաւորներից. խոստացաւ միայն Ներսիսին աշնան այցելել Աշտարակ և նրա հիւրը լինել:

Ահա վէպի վերջաբանը: Տէր Յարութիւնի տունը թնդում է ուրախութեամբ: Ներսիսի և Մանուշակի պսակն է կատարւում: Նոյն այդ օրը յայտնւում է ս. Կարապետ գնացող ուխտաւորների վրկիչք իր ընկերներով: Սմէն տեղ նրանց գովքն էն անում: Ոչ ոք չկարողացաւ ճանաչել Վարդանին: Կար միայն մէկը, որի սիրտը վկայեց իր Վարդի մերձաւորութիւնը և ուշաթափւելով ընկաւ իր սիրածի ձեռքերի վրայ այն վայրկեանին, երբ քահանան ուզում էր ձեռք ձեռքի տալ: Դա Սանդուխտ տատի սրտովն էր, և նա բացականչեց. «Մեռնիմ սուրբ Կիրակու օտի տակին. ես որ ասում էի՝ գրածը ջնջւիլ չի»: Ներսէսը իր կողմից ներողութիւն է խնդրում Մանուշակից, որ ինքը բռնութեամբ էր ուզում տիրել նրա սրտին, իսկ այժմ միացնում է նրանց ձեռքերը:

«Կուածաղիկի» մէջ պատմական անցքերը շատ չնչին տեղ են բռնում: Գլխաւոր անցքն է վրաց Հեթանոսութեան արշաւանքը Նրեանի խանութեան վրայ, որը տեղի է ունենում շատ տարօրինակ կերպով: Սարգարի կողմից մենք չենք նկատում ոչ մի դիմադրութիւն, մինչդեռ յետոյ երևանեան խաները յամառ կռիւներ էին մղում աւելի ուժեղ տէրութեան հետ, որպէս Ռուսաստանը: Ներկայ պատերազմում Հիւսէին-Ալի խանը մի հատ գնդակ չէ արձակում թշնամու դէմ և վրաց թագաւորի առաջարկած պայմանները անփոփոխ ընդունում է. այսպիսով նա ցոյց է տալիս իր զարմանալի երկչոտութիւնը: Անհասկանալի է նաև պատերազմի շարժումները:

«Կուածաղիկը» պատմական տեսակէտ.

Վրաց թագաւորը բազմաթիւ զօրքով գնում է պատերազմելու Պարսկաստանի դէմ, ոչ թէ որովհետև հաշիւներ ունէր այդ տէրութեան հետ, կամ ուզում էր մի կտոր հող խլել, այլ հայերին պարսից լծից ազատելու նպատակով: Ո՛րտեղից առաջացաւ Հերակլ թագաւորի մէջ այդ աստիճանի հայասիրութիւն:

Պատմական անձնաւորութիւնները նկարագրւած են նոյնպէս բաւական անգոյն, օրինակ, Հերակլը, Հիւսէին-Ալի խանը: Համեմատաբար աւելի յաջող է Միմէօն կաթողիկոսը, որը Պոռթեանի գրչի տակ հանդիսանում է որպէս ազդի արժանի հովապետ: Նա ոչ միայն հողեւորական էր, այլ և քաղաքագէտ, գիտէր նաև հետ հետ ինչպէս վարւել: Նրա յարաբերութիւնները խաների և բէկերի հետ մտերմական էին. նա հետևում էր այնպիսի քաղաքականութեան, որին հետևում էին ուռւ իշխանները թաթարական լուծի ժամանակ. աշխատում էր շահել կառավարիչների սիրտը հլու հպատակութեամբ, ընծաներով և ասիական շողորթութեամբ, որի շնորհիւ նա փոխադարձաբար վայելում էր նրանց յարգանքը: Միմէօն կաթողիկոսը սիրում էր կարգ ու կանոն, ճշտապահութիւն: Աշխատում էր աւերակ վանքերի փոշիների տակից հանել ձեռագիրներ և այլ պատմական յիշատակարաններ, ազատել նրանց կորստից: Նա ինքը սիրում էր մատենագրութիւն և թղթ է «Չամբու» վերնագրով աշխատութիւնը: Նրա ջանքերի շնորհիւ էջմիածինը ձեռք բերեց մի քանի գիւղեր, այգիներ և վարելահողեր: Նրա հիմնադրութիւնն էր թղթի կործարանը: Ծերութեան հասակում ևս նա անխոնջ աշխատող էր:

Վէպի մէջ մեծ դեր է կատարում Ներսէս Աշտարակեցին, որի մանկութիւնը և պատանեկան տա-

րինները նկարագրում է մեր առաջ Պոռչեանը: Սակայն Ներսիսի բնոյթագիրը դուրս է եկել ոչ այնքան յաջող: Որ նա կարող էր ի բնէ օժտւած լինել արտակարգ բնգունակութիւններով, դրանում չկայ ոչինչ անբնական, և նրա մի քանի գծերը, օրինակ, մտաւոր անկախութիւնը, բնագծւած է նրա բնաւորութեան մէջ: Բայց անբնականը Ներսիսի նկարագրութեան մէջ այն է, որ Պոռչեանը նրան վերագրում է այնպիսի մտքեր և դատողութիւններ, որ մարդ ձեռք է բերում բազմաթիւ կենսական փորձերից յետոյ: Ութ—իննը տարեկան մանուկը ասում է Հերակլ թագաւորին. «Թէ որ գու լաւ թագաւոր ես, ինչի՞ ես մեր գիւղը թուրքի ձեռքին թողնում. մենք մեղք չենք, էս ի՞նչ է մեր հալը»: Հերակլը առաջարկում է հայերին գաղթել Վրաստան, մանուկը պատասխանում է. «Մեր գիւղը թողնենք, ուրիշ տեղ գնանք, վեր դցենք շինած տուն, այգի, մուրք, մեր Ծիրանաւորը, մեր ժամերը, մեր Մողսու ս. Գէորգը ու գնանք օտանք աշխարհ»: Նոյնպէս հոգեբանական սխալ պէտք է համարել և նրա վարմունքը պսակի ժամանակ, երբ նա այնքան թանգ զնով ձեռք բերած կուածադիկը այնքան դիւրութեամբ վերագարծնում է իր ախոյեանին: Այդ վարմունքը կարելի էր բացատրել նրա երախտագիտութեամբ, որովհետեւ նա իր կեանքի համար պարտական էր Վարդին: Բայց հազիւ թէ երախտիքի զգացումը աւելի զարգացած լինէր նրա մէջ, քան թէ սէրը:

Սակայն չէ կարելի ժխտել «Կուածադիկ» վէպի պատմական նշանակութիւնը: Այստեղ մենք գտնում ենք, ինչ որ բացակայում է, օրինակ, «Դաւիթ բէկի» մէջ, — ժողովրդի կեանքը: Կենցաղագրական կողմը այստեղ առաջնակարգ տեղ է բռնում: Պոռչեանը

մեզ ծանօթացնում է որոշ դարեշրջանի հայ ազգաբնակութեան հետ, որ ապրում էր Արարատեան աշխարհի գիւղօրայքում, ներկայացնելով մեր առաջ լուսանկարչական ճշտութեամբ մի շարք կենցաղագրական և համայնական պատկերներ: Այստեղ գործեալ հանդէս է դալիս զեղջուկը իր նիստ ու կացով, իր աշխարհայեացքով, իր խաւար և պայծառ կողմերով: Հետաքրքրական է նաև հայերի յարաբերութիւնները տիրապետող տարրի հետ, հայերի մտաւոր, բարոյական և անտեսական վիճակի նկարագիրը:

«Կուածադիկի» գլխաւոր արժանիքը կազմում է Գեղարեսու դարձեալ ժողովրդական կեանքի նկարագիրը և Արատական հարուստ բարբառը, որի մէջ հեղինակը տեսակէս. վերստին ապացուցում է իր գերազանց հմտութիւնը և գիտողական ոգին: Գալով վէպի անձնաւորութիւններին, մենք արդէն բովանդակութիւնից ծանօթացանք շատերի հետ և այլևս աւելորդ է վերագառնալ այդ խնդրին: Միայն հարկաւոր է շեշտել Պոռչեանի տիպեր նկարագրելու առանձնայատկութիւնը՝ մէկին իրէալացնել, օր. Գէորգ խալֆան, միւսին չափազանց ստորացնել, օր. աէր Մելիքսէթը: Կանայք զրեթէ բոլորը վերին աստիճանի համակերելի են: Վէպի հերոսուհին, Մանուշակը, այնքան էլ որոշ տիպ չէ:

Այստեղ ևս կրկնւում են Պոռչեանի թերութիւնները, նախ՝ ժողովրդական աւանդութիւններ և հաւատալիքները, որոնց տեղը չէ վէպի մէջ, օրինակ, «Արդար Դաւիթը», «Կատուն Գրիստոսի աղլուխն է», «Ընկնաւորը» և այլն. բացի այդ, պակաս չեն վրասում վէպի զեղարեստական ամբողջութեան նաև հեղինակի դատողութիւնները, խրատական տօնը և միջամտութիւնը: Այդ բոլոր աւելորդաբանութիւններ

Ռուսահայ գրականութեան պատմ.

ըը միայն ծանրաբեռնում են վէպը և ճանճրոյթ մտցնում նրա բովանդակութեան մէջ: Շատ բան ինքն ըստ ինքեան հետաքրքրական է, իբրև ժողովրդական մտքի արտադրութիւն, բայց ոչ վէպի մէջ, ուր նրանք բոլորովին անտեղի են:

Որ Պոռեանը իր բոլոր էութեամբ սողորած է ժողովրդական ոգով և ժողովրդի նման հաւատում է հրաշքների, երևում է հետևեալ գէպերից: Երկու ամուլ կանայք, Շուշանը և Համասիբուր, երկար տարիներից յետոյ որդի են ունենում ուխտ գնալով ս. Կիրակի: Նախրչի Մանուկի կնոջ տեսած երազը անմիջապէս կատարւում է նրա ամուսնու վրայ: Վէպի վերջաբանը արդարացնում է ժողովրդական աւածը՝ «Ճակատի գրածը չի ջնջւի»:

Պոռեանը իր վէպերի մէջ դուրս էր բերում Աշտարակի կեանքը: Բայց 90-ական թւականներին գրած վէպերի մէջ հանդէս են գալիս հարևան գիւղերը՝ Օշական, Կարբի և Սևանայ լճի շրջակայքը:

«Յեցեր».
Պոռեանի բոլոր վէպերի հիմքում դրւած է սէր. նոյնը տեսնում ենք և «Յեցերի» մէջ: Սակայն այստեղ սէրը երկրորդական տեղ է բռնում: Այստեղ հանդէս է գալիս գիւղի հասարակական կեանքը: Հեղինակի նպատակն է՝ ցոյց տալ, թէ շատ անգամ ինչպիսի փաստակար մարդկանց ձեռքն է անցնում գիւղի կառավարութիւնը և գա ինչպէս ազդում է գիւղացոց վիճակի վրայ: Պոռեանը մերկացնում է տանուտէրի, զատաւորների և միւս պաշտօնեաների գեղծումները, խարազանում է ցեցերին, նրանց կաշառակերութիւնը և խարդախ արարքները:

Վէպի կենտրոնական անձնաւորութիւններից մէկու թիւն կրն է Սուզօն, որ ունի երկու փափագ՝ ընտրել տանուտէր և հարուստ Բարսեղի աղջկան պսակել իր

որդու հետ և այսպիսով նրա հարստութիւնից պատկառելի բաժին ստանալ: Նա ունի մի զօրեղ աջակից—Բալասան աղան, որը Օ... գիւղում կարևոր պաշտօն ունի և հեղինակաւոր անձնաւորութիւն է ամբողջ գաւառում: Բալասան աղան խոստանում է Սուզօնի տանուտէր ընտրել, եթէ նա իր որդու ամուսնութիւնից յետոյ ընծայէ իրան Բարսեղի այգիներից մէկը: Ջնայած, որ կեղծ ստորագրութիւններով կարողանում են բաւական ձայներ հաւաքել, բայց այնուամենայնիւ տանուտէր ընտրւում է գիւղական շահերի պաշտպան Արտեմ Սերգէիչը կամ Արտօն, իսկ Սուզօն ընտրւում է օգնական: Բայց նրա մէջքին կանգնած է Բալասան աղան: Կարելի է երևակայել գիւղացիների զարմանքը, երբ տանուտէրի պաշտօնում հաստատւում է Սուզօն: Գիւղացոց օրը սևանում է:

Տանուտէր Սուզօն, Բալասան աղան և զրագիր Գնթունին կազմում են մի տեսակ եռապետութիւն և դռնում ժողովրդի գլխին խակական պատիժ: Կեղեքումները, կաշառակերութիւնը անագին ծաւալ են ստանում: Բայց ինչպէս «Հացի խնդրի» մէջ, այստեղ ևս գալիս է քննիչը և մերկացնում է նրանց բոլոր գեղծումները: Բալասան աղան կաթլածահար է լինում. Սուզօն հեռացւում է պաշտօնից. Գնթունին փախչում է Տաճկաստան:

Ծանօթանանք գլխաւոր անձնաւորութիւնների Բալասան հետ: Բալասան աղան պաշտօնեայ է և գիւղում ունի աղա մի փառահեղ տպարանը: Եղել է զրագիր: Պատերազմի ժամանակ զօրքին մատակարարում էր մթերքներ և այդ ճանապարհով մեծ հարստութիւն գիղեց: Այժմ բախտի բերմամբ ձեռք էր բերել իշխանութիւն, որ նա սակայն չարն էր գործ գնում: Բալասան

ազան փողապաշտ, կաշառակեր և յայտնի վաշխառու էր: Աներևակայելի տոկոսներով հարստահարում էր պարապապաններին, ահագին կոյտ մուրհակներ ունէր: Պարծենալով ասում էր. գաւառումը գիւղ չկայ, որ իրան պարտ չլինի. Վաղարշապատ, Աշտարակ, Եղևարդ, Փարրի, Բիրական, Շարուր, Գարալագեազ— բոլորը նրա «ճորտերն» են: Կեղեքում էր անխափր ամենքին: Այդ բաւական չէ: Գիւղացիներէց էր ստանում իր պաշարը՝ գինին, օղին, մրգեղէնը, մեղր, բրինձ, ցորեն: Իր պաշտօնավարութեան մէջ նա գեկավարում էր ոչ այնքան օրէնքով, որքան իր կամայականութեամբ: Իր ցանկացած մարդկանց տանուէր և դատաւոր ընտրելու համար չէր խորշում նոյն իսկ կեղծ ստորագրութիւններէց: Խառնուում էր գիւղացոց ընտանեկան գործերում, անիրաւաբար խանգարում օրինաւոր պատկը: Նրա մատը խառն էր մինչև անգամ մարդասպանութեան մէջ:

Սուգօ

Սուգօն նոյնպէս ստոր արարած էր՝ շողոքորթ, քսու և խորամանկ: Տանուտէր դառնալու համար յանձն է առնում ամեն տեսակ անիրաւութիւններ: «Դու ինձ գլաւնի շինի, ասում է նա Բալասան աղին, տես սնց եմ տարի չբոլորած՝ շղղկան մանէթներն առաջիգ կիտում»: Բացի փողից նա խոստանում է և «հազարներ արժող» այգի: Նրա աչքը Ալէքսնց Բարսեղի հարստութեան վրայ էր: Աշխատում էր նրա մինուճար աղջկան պսակել իր որդու հետ, թէև մէջ տեղ չհասութիւն կար և, բացի այդ, Բարսեղի աղջկան սիրում էր Պետրոսենց Գալօի որդի Սամփսոնը և արգէն երկու կողմից ծնողները համաձայնութիւն էին տւել: Բայց Սուգօի համար արգելք չկայ: Իր նպատակին հասնելու համար, Բալասան աղին այգի է խոստանում, իսկ Գալօի որդու

նշանագրութիւնը խանգարելու համար, սովորեցնում է քահանային չհասութեան պատրւակով արգելել նշանագրութիւնը: Նա իր թշնամիներէ հետ կուռւմ էր ամենաստոր միջոցներով, օրինակ, երբ նրա որդուն մերժեցին և Սօնային խոստացան տալ Գալօի որդի Սամփսոնին, նա կրակ է տալիս Գալօի գոմն ու մարագը: Երբ հաստատում է պաշտօնի մէջ, դառնում է գիւղի պատուհասը: Անխիղճ դատավարութիւն, ծեծ, բանտարկութիւն, կոռ ու բէգառ, ապօրինի տուգանքներ— նրա սովորական գործերն էին: Սուգօի տանուէրութեան օրով, ասում է Պօօշեանը, սակաւ մարդիկ մնացին, որոնց փողը չմտաւ կարճ միջոցում Սուգօի գրպանը: Արդար ես, մեղաւոր ես, միկնոյն է, դու էլ, քո հակառակորդն էլ պարտական էք տալ:

Նոյնքան հակակրելի տիպ էր Գնթունին, Սուգնթունի դօի գրագիրը: Դա վանեցի պանդուխտ էր: Եկաւ գիւղը ցնցոտիների մէջ, որպէս աղքատ, բայց շատ շուտով նա սնատէր է դառնում և հաւաքում է այնքան փող, որ սկսում է շահով տալ թուրքերին: Գնթունին ընդունակ էր ամեն տեսակ ստորութեան՝ կեղծ մուրհակներ և կալածագրեր պատրաստել, առանց խղճի խայթոցի գրպարտել անմեղներին, մատնութեան գիմել, բանտարկել տալ, զրգել գէպի սպանութիւն և յանցանքը ձգել անմեղ մարդու վրայ: Միկնոյն ժամանակ նա այնպիսի խաբեբան էր, որ հատը չկար: Իրան անւանում էր Հայրիկի աշակերտ և շահագործում «հայ եղբօր» անունը: Ծնորհիւ իր ետասիրութեան, դատարանի հետամտութիւնից անձը փրկելու համար, ընտանիքը թողնում է անտէր և ինքը փախչում Տաճկաստան: Հասկացող մարդիկ նրան շատ շուտ ճանաչեցին և անունը գրեցին «խաչագող»:

Դրական Գիւղի աւերիչ ցեցերին Պոօշեանը հակադրում է անձնաւոր համակրելի անձանց, որպիսին էր, օրինակ, Արտեմ Րութ. Սերգէիչը կամ աւելի յայտնի Արտօ անունով: Կըրթւած մարդ էր, աշխարհ տեսած, վարժ խօսում էր ուսերէն: Նա իր երիտասարդութեան թարմ ոյժը գործադրել էր իր հայրենի ծննդավայրից դուրս, այսօր խոհականութեան և փորձառութեան տարիներում նա մեծամեծ ծառայութիւններ էր անում իր «մանկութեան օրօրանին»: «Այսօր իշխանութիւնից հրաման եկաւ, Արտեմ Սերգէիչն է կատարելու ձեցոյց տւողը»: Վաղը մի գործակալ, մի առաջնորդ, մի պատելի հիւր այցելեց, Արտեմ Սերգէիչն է հիւրասիրում, պատում: Նա իր ընտանիքում էլ պատւական մարդ էր: Նա ոչ միայն իր սեփական կնոջն էր ջան ասում, ջան լսում, ուրիշների հետ էլ միևնոյն էր: Վերին աստիճանի անկեղծ էր: Նրան էլ ամենքը սրտանց սիրում և յարգում էին: Արտեմ Սերգէիչն էր գիւղի անդրանիկ տանուէրը, որին ընտրել էին միաձայն: Իր այդ պաշտօնում նա մեծ ծառայութիւն մատուցեց իր ծննդավայրին: Գիւղի փողոցները մաքրեց, ժողովուրդն ազատեց ցեցերից, կաշառակեր տանուէրներից, աղքատին խեղդող գըղերներից և այսպէս մի շարք բարեփոխութիւններ մտցրեց գիւղում:

Կըրթւած և համակրելի անձնաւորութիւններից էր Սիսակը, գիւղի միակ օրինաւոր գրագիրը: Նոր էր վերադարձել գիւղը Գէորգեան ճեմարանից՝ աչքերի հիւանդութեան պատճառով: Նա միշտ պաշտպան էր հանգիստանում հասարակական շահերին: Նա բերել էր տալիս դրքեր և լրագիրներ: Սկզբում ամենքը խուսափում էին Սիսակից, բայց յետոյ ընտելացան և մինչև անգամ իրանք էին խնդրում, որ իրանց

համար կարգայ նորութիւններ: Սիսակը նոր սերնդի ներկայացուցիչ է և գիւղական ժողովրդի մէջ քաղաքակրթութիւն տարածող մի ռահվիրա:

Հետաքրքրական անձնաւորութիւն է և Մելիք-Բագալը, որին Պոօշեանը վերաբերում է համակրութեամբ: Նրա թուլութիւնն այն էր, որ իր նախկին տանուէրութեան ժամանակ կաշառք էր վերցնում. միւս թուլութիւնը—որ նա առանց ուշուցի չէր կարող ապրել: «Արշալոյսից մինչև վերջալոյս շարունակ ուշուց էր դուրս գալից բերանից»: Իրանից դուրս Մելիք-Բագալը «բարեսիրտ էր, զւարճախօս և գիւղի սիւներից մէկը»:

«Յեցերը» իր արժանաւորութեամբ կարող է մրցել «Հացի խնդրի» հետ, որովհետև բովանդակութիւնը գրւած է հասարակական հողի վրայ, հարուստ է յաջող նկարագրւած անձնաւորութիւններով, և հեղինակը ինքն էլ բողոքողի և քննադատի դերի մէջ է: Բայց, իհարկէ, այս վէպն էլ ազատ չէ թերութիւններից: Այստեղ էլ կան աւելորդաբանութիւններ, շատախօսութիւն և խճողւած գործողութիւններ:

«Բ Ղ Ղ Է».

Վէպի հետաքրքրական կողմը հերոսի տիպն է: Դա մի հասարակ մանրամասն էր, որ ամենաստոր դրութիւնից բարձրացաւ մինչև հարստութեան բարձր աստիճանը: Բողէն իր մի քանի յատկութիւններով Սաքօի հատ ու կտորն էր: Անշուշտ Պոօշեանը այդ ի նկատի ունեցել է և նրանց մի անգամ իրար հանդիպեցնում է:

Հեղինակը մեր առաջ պատկերացնում է այն մի-

Չափայրը, ուր կազմակերպել է Բղզէի բնաւորութիւնը, և սկսում է մանկութիւնից:

Բղզէ.

Սկզբում Բղզէն շրջիկ մանրավաճառ էր (չարչի): Նրա առաջին աշխատանքը — երեք կուպէկ — նրան եօթերորդ երկինքն է տանում, այդ սե փողը նա սուրբի պէս պահում էր, որպէս հիմք ապագայ հարստութեան: Բղզէն հետզհետէ գործը ընդարձակում էր: Մի քանի քարուց յետոյ կարբու շրջակայքում գիւղ չկար, որտեղ նա սլարտապաններ չունենար: Նրանցից աճազին տոկոսներ էր վերցնում: Եսա անգամ պարսքի փոխարէն դուրս էր քաշում ազքառի վերջին շորը, երեխանիւրի հացը կարում էր, մեծ վնասներ էր ապրիս միւս մանրավաճառներին: Բղզէն երբ դեռ պատանի էր, ապրանքը վերցնում էր ջնուզ Աղաջանի խանութից, իսկ յետոյ գործ ունէր Նրեաւի հետ:

Բազդի բերմամբ Բղզէն զանգակատանը գտնում է մի կոյս ոսկի, որ մի փոքրիկ հարստութիւն էր: Այնուհետև նա աւելի ընդարձակեց իր գործը: Կարբի գիւղում բաց արեց մի մեծ խանութ, որ մրցում էր առաջնակարգ խանութների հետ: Որքան Բղզէի փողը շատանում էր, այնքան աւելի ընչասէր էր դառնում: Նրա հարստութիւնը եռապատկեց 50-ական թւականների պատերազմի ժամանակ, երբ նա ցորենի կապալով էր զբաղւած: Այնուհետև Բղզէն սկսեց աստիճանաբար բարձրանալ և շրջապատող մարդկանց աչքում: Նրա գործունէութիւնը սկզբնական շրջանում ամենքը նրան ծաղրում էին, նոյն իսկ երեխաները, մանաւանդ որ մարմնով էլ այլանդակ էր: Իսկ այժմ նա վայելում էր գիւղացոց յարգանքը և զարձեւ էր Խօջա Բաղդասար:

«Բղզէի» մէջ կայ մի սիրային պատմութիւն:

Դեռ ևս պատանեկան հասակում Բղզէն սիրահարւած էր իր տիրոջ՝ ջնուզ Աղաջանի ազնկայ վրայ, բայց չէր համաձայնում նոյն իսկ մի ակնարկ անել: Մի անգամ նա տեսնում է գեղեցիկ Շողիկին լողանալիս ս. Յովհաննէսի աղբււրում, որ հրաշագործութեան համբաւ ունէր ժողովրդի մէջ: Կուսական մերկ, չըքնազագեղ մարմինը Բղզէին խելքից հանում է: Հարստանալով նա աւելի համարձակութիւն է ձեռք բերում: Մի անգամ, երբ Շողիկը ջրի էր գնում, նա մօտենում է և խօսք բաց անում իր ամուսնութեան մասին: Իմը նրանում է, որ ջնուզ Աղաջանի ազնկը և Բատինենց Սահակը (Մհօ) փոխադարձաբար սիրում էին իրար և ճնոգների համաձայնութեամբ նշանւած էին: Բղզէն սկսում է նրան համոզել, որ Սահակին թողնի ու իրան առնի, ու սկսում է ամեն տեսակ բարիք խոստանալ: Սակայն ազնկը խորշում է անձոռնի մարդուց և իր նշանածին փառաբանում:

Բղզէն օձի նման պահանջ էր զգում իր թոյնը թափելու: Եւ թափում է: Գլխաւոր խոչնդոտներն էին Շողիկի հայրը և նշանածը: Նրանց կործանելու համար ընտրում է մի սատանայական միջոց: Յորդորում է թուրք աւազակներին գրոհ տալ ս. Գէորգի վանքի վրայ, հաւատացած, որ գիւղացիք կզնան կուելու և նրանց մէջ կլինեն ջնուզ Աղաջանը և նրա փեսան: Այն ժամանակ ամեն մէկին մի գնդակ բաւական էր: Յարձակումը տեղի է ունենում: Շողիկի հայրը մահանում է, իսկ նշանածը երկու ամիս վերքից տանջելուց յետոյ հոգին աւանդում է: Խոչնդոտներից ազատելով, Բղզէն էլ նազ չէ անում. խնամախօսներ է ուղարկում ազնկայ տունը: Մինչդեռ մայրը Բղզէի անունը լսել չէր ուզում, ազնկը առ երես համաձայնում է, բայց մաքումը

պահում է մի սարսափելի վրէժ:

Հանում է պսակի անուոր խորհրդի ժամը: Տէր Յակոբը խօսքն ուղղելով դէպի նորափեսան՝ հարցրեց Մաշտոցի խօսքերով. «Որդեակ իմ, մինչև ի մահ տէ՛ր ես», — «Տէր եմ», պատասխանեց Բղդէն: — «Իսկ դո՛ւ, որդեակ, մինչև ի մահ հնազանդ ես», — «ճշ մի ժամանակ», երեսի թանձր քօղը յետ ձգելով՝ գոչեց Շողիկը: Ու սկսում է մի կրակոտ, երկար ճառ, որին յաջորդեց քահանայի յանդիմանութիւնը: Բայց Շողիկը, ինչպէս ասում են, ամօթը վեր էր դրել. կորդեց իր գլխի դարդերը, իր բերանը փակող շղարշը և Բղդէին շարտեց, հեան էլ թքեց երեք անգամ նրա երեսին, երկու ամուր աստակ ևս հասցնելով, հաստատ քայլերով դուրս գնաց եկեղեցուց: Այսպէս առաւ նա իր հօր և նշանածի արեան վրէժը:

Շողիկի վախճանը չափազանց եղերական էր. բազկատարած և գլխիվայր ցած ձգեց իրան զանգալատան անագին բարձրութիւնից:

Անբնական վէպի մէջ. Բղդէն, իբրև վերին աստիճանի բացասական տիպ, նկարւած է յաջող: Բայց պատկերի ամբողջութեանը վնասում է նրա մի անհեթեթ արարքը: Պոռչեանը մեզ հաւատացնում է, որ Բղդէն ոսկու կոյտը գտել է մատուռի զանգակատանը և ոսկու պահապանները եղել են բոռերը («իշամեղուները»), և այդ բոլոր դէպքը դրւած է խորհրդաւորութեան մէջ: Երևանի ճանապարհին նրան պատահում է մի անծանօթ և յանձնում է Բղդէին մի եռանկիւնի ծալած թուղթ, ասելով. «Մի լաւութիւն արած կլինես, եթէ այս թուղթը տանես դնես ձեր եկեղեցու զանգակատան լուսամուտի վրայ»: Անծանօթը յայտնում է և այն, որ թուղթը իրան յանձնել

է մի իսպահանցի հայ և խնդրել ուրիշի ձեռքով հասցնել հաշրու զանգակատունը:

Աւելի անբնականը և ծիծաղելին Շողիկի վարմունքն է: Ո՛վ է տեսել կամ լսել, որ գիւղացի նորահարսը պսակի ժամանակ անի այն, ինչ որ Շողիկն արեց, — որ թքէ իր նշանածի երեսին և ապտակներ տայ: Անբնական է նրա բարձրանալը զանգակատան զլուխը: «Իա աղջիկ չէ, սատանայ է», ասում էին ամեն կողմից, որովհետև չէին հաւատում, որ մաքրու որդին կարող է հայելու պէս կող պատը բարձրանալ: Մանաւանդ անբնական է Շողիկի ճառախօսութիւնը:

«ՅՈՒՆՈՒ».

«Յունօն» Պոռչեանի վերջին խոշոր վէպն է, որ տպւեց 1900 թ. «Մուրճ» ամսագրում:

Անցքերը տեղի են ունենում Վայոց Ձորի (Դարալագեազ) և Չանգեղուրի սար ու ձորում: Հեղինակը պատմում է դէպքերը, որպէս ականատես: Ինքն իր աչքով տեսել է Յունօին, հետը խօսել է, տեսել է նրա ընտանիքը, եղել է քուրդ հասօի վրանում: Բոլոր անցքերը պատահում են Պոռչեանի ճանապարհորդութեան ժամանակ, երբ նա դուրս գալով Նոր-Բայազէտից՝ Դարալագեազի վրայով և Գեղամայ լճի փեթրով գնում է Միւնիք, Տաթև և կրկին վերադառնում: Ձորերում նա հանդիպում է Յունօին, որ յայտնի էր Նազօ Թնուկով և վտանգաւոր տեղերում ուղեկցում էր նրան:

Յունան սոփոքական աւագակներից չէ: Նա ար- Ակամայ գար մարդկանց ձեռնապարհը չէր կտրում, մազին չէր աւագակ

դիպչում, մինչև անգամ օգնութեան էր հասնում վտանգի ժամանակ: Բայց նա կտրում էր այն մարդկանց ճանապարհը, որոնք սովոր են աներ քանդել, տաւար փախցնել, անխիղճ սոկոսներ վերցնել: Այդ յատկութիւնների համար դիւզացիք նրա արևոփն էին երգում: Յունօի անունը սարսափ էր ազդում թուրք աւագակների վրայ, որոնց ոտը նա կտրել է Դարալագեհազի ձորերից:

Բայց ինչը դրդեց խաղաղ դիւզացուն աւագակ դառնալ:—Աննման Գիւլօն, որի սիրոյ համար Յունօն մատաղ արեց իր ընկերին և ընկաւ սար ու քար:

Երջանիկ էր Յունօն: Ո՛չ: Որքան ազնիւ սիրտ ունենար, այնուամենայնիւ նա աւագակ էր և մարդասպան, միշտ անհանգիստ գերդաստանի համար և սեփական կեանքն էլ վտանգի մէջ: Մի օր էլ Յունօն թողնում է աւագակութիւնը և իր անձը մատնում արդարադատութեան:

Պոռչեանը «Յունօի» մէջ դուրս է բերում մի նոր աշխարհ: Առաջին երեսներից զգում ես Գեղամայ լճի ախորժեղի հովը, լեռների զովութիւնը և հովիտների թարմ կանաչը: Զգում ես, սր Արարատեան արևակէց տափաստանում չես այլևս, այլ գեղատեսիլ ծովի ափին, խորունկ ձորերում և լեռների գագաթների վրայ:

Այսպեղի ազգաբնակիւթիւնն էլ գանազանւում է Արարատեան ժողովրդից, մարդիկ էլ ուրիշ տեսակ են: Ահա հէնց ինքը Յունօն: Մի հասարակ գեղջուկ՝ նիհար մարմնով, բայց ունի առիւծի սիրտ և թագաւորում է լեռներում: Նրա ընկերներն էլ մի մի հսկաներ էին: Ո՛վ էր նեղ ժամանակ Յունօին օգնութեան հասնում:—«Զանաւար Պողոսը», որի բռնուցքը հինգ տարեկան երեխայի գլխի չափ էր, յօնքերը

«ցախուելի չոփեր»: Ո՛ւմ դէմ էր ուղղած նրանց գնդակների տարափը — Սուլէյման բէկի նման աւագակի և գիւզացոց արիւնը ծծող կեղեքիչները դէմ:

Ժողովուրդն էլ այստեղ ապրում էր իր ուրոյն կեանքով և սովորութիւններով: Նա սիրում է աւագակ Յունօին, որովհետեւ քաջ էր և վատ մարդկանց հոգեհանը. ներում էր տէրաէրի արբեցողութեան ախտը, որովհետեւ ժողովրդասէր էր և «դարտիմանդ», համարձակախօս: Մտէք քուրդ Հասօի վրանը, որպէս հիւր, ամենաընտիր դառը ձեզ համար կմորթի: Մտէք հայ դիւզացու օջախը, և դուք նրա «ագիզ» հիւրն էք, աչքի վրայ տեղ ունիք, ամենափափուկ բարձր ձեզ համար է պահած:

Ամեն անգամ, երբ Պոռչեանը նկարագրում է ժողովրդի կենցաղը, վարք ու բարքը, նա բառիս բուն նշանակութեամբ վարպետ է և ունի միայն մի մրցակից՝ «Վէրք Հայաստանի» հեղինակին:

Յունօն թէև յաջող է նկարագրւած, իբրև ազնիւ աւագակի տիպ, բայց դարձեալ ազատ չէ հոգեբանական թերութիւնից: Նրա մէջ յեղաշրջումը կատարւում է շատ անակնկալ և հոգեբանօրէն բացատրւած չէ: Յեղաշրջումից առաջ Յունօն պէտք է կրած լինէր հոգում երկարատե դրամա:

Վէպի ընթացքում դրա նշոյն էլ չենք տեսնում: Միայն մի օր երկար մենախօսութիւնից յետոյ վրձնում է զնալ և իրան մասնել դատաւորներին: Բայց այդպիսով նա իրան դրիւում է մի այնպիսի էակից, որի համար ընկերոջը սպանեց և աւագակ դարձաւ: Ի՛նչպէս կարող էր այդպիսի հղէպական քայլ անել մի լեռնական և այնպիսի ժամանակ, երբ ընտանիքը վտանգից ազատւած էր և գտնւում էր ապահով տեղում: Նրա անձնուրացութիւնը բնական կլինէր այն

գէպքում, էթէ նրա գերդաստանը կալանաւորէին և ինքը գնար, անձնատուր լինէր:

Միւս
զրւածք-
ները

Մենք կանգ չենք առնի «Շահէն» և «Սկիզբն երկանց» վէպերի վրայ, որովհետև երկուսն էլ անյաջող գործեր են:

Պոօշեանը գրում էր նաև մանր պատմւածքներ, թէև շատ սակաւ: Նրանք ազատ են խոշոր վէպերի թերութիւններից՝ աւելորդաբանութիւնից: «Մեր Սէչոն» մի տեսակ վերջաբան է «Յունօի». այստեղ դուրս է բերւած Յունօի նման մի աւագակ ծերութեան հասակում: «Նա» պատկերը գրւած է վանեցի պանդուխտների կեանքից: «Ախցիզչի» վերնագրով պատմւածքի մէջ մի գիւղացի, ցանկանալով գիւղն ազատել վատ արքիզուց, սխալմամբ սպանում է մի ուրիշ պաշտօնեայի, որը ժողովրդի սիրելին էր: «Միքէլ աղենց Աբդիւլը» տենդենցիօզ գրւածք է: Պոօշեանը կամենում է ապացուցել, որ թուրքը ապերախտ է լինում: Իրա համար նա պատմում է հետևեալ գէպքը: Լոտեցի Միքէլ աղան բարի և ողորմած մարդ լինելով՝ մի օսմանցու որբ մանուկի վերցնում է իր մօտ, և նա դառնում է ընտանիքի անգամներից մէկը: Որովհետև աչքաբաց և ժիր աղայ էր, նրան ամենքը սիրում էին: Ռուս-տաճկական պատերազմի ժամանակ Միքէլ աղան վերցնում է իր հետ Աբդիւլին և ձրով ճանապարհ ընկնում գէպի Ալէքսանդրապօլ: Նա կամենում էր այնտեղ ստուգել պատերազմի լուրը: Ծանապարհին գերեզը փոխւում են: Աբդիւլը պահանջում է, որ Միքէլ աղան իր ծուռան դառնայ և գնա կրեակից, հակառակ գէպքում կենդանի չէր մնալ: Նա այնպիսի անաշխիայ գիւղում Միքէլ աղայի մի անարկով թուրքին կալանաւորում են: Այդպիսի գէպը կարող էր տեղի ունենալ, իբրև բա-

ցառութիւն: Նոյն իսկ հայը կարող է այդպէս ապերախտ լինել: Ուրեմն ազգութիւնն այստեղ նշանակութիւն չունի:

Պոօշեանի հեղինակութիւններից պէտք է յիշատակել նաև «Յուշիկները»: Իս հեղինակի ինքնակենսագրութիւնն է, որ նա հասցրել է մինչև 60-ական թւականները: Այստեղ, ի միջի այլոց, կարելի է գրանել տեղեկութիւններ մի քանի հայ գործիչների մասին, օրինակ՝ Աբովեանի, Ներսէս Աշտարակեցու և Շահնշեանի:

Պոօշեանի լրագրական յօդւածներից ուշագրութեան արժանի է «Հայոց թատրոնի սկզբնաւորութիւնը Թիֆլիսում», որը շատ կարևոր նիւթեր է պարունակում հայկական թատրոնի պատմութեան համար:

Պոօշեանը աշխատել է նաև թարգմանական գրականութեան մէջ և աւել է տաանտակ թարգմանական գրւածքներ:

Պոօշեանը բեզմնաւոր հեղինակ էր, բայց սահ-Ընդհանուր մանափակ տաղանդով: Նրա վէպերի գլխաւոր պահայեացքը կատութիւնը կայանում է նրանում, որ նա երբէք չէր տալիս գեղարեւոտական ամբողջութիւն: Նա գիտէր յօրինել հետաքրքրական սիւժէտներ՝ հարուստ արկածներով, բայց ընթերցողի ուշագրութիւնը պահել սկզբից մինչև վերջ լարւած գրութեան մէջ, կենտրոնացնել իր վրայ, նա անկարող էր: Ամենահետաքրքրական տեղում—կատենէք՝ կարեց պատմութեան թելը, որպէս զի մի քանի էջերի վրայ կամ նոյն իսկ ամբողջ գլխում առամէ մի ժողովրդական աւանդութիւն, մի աւագի անցեալը կամ իր սեփական կարծիքը և դատողութիւնները: Այդպիսի հատւածներ ծանրաբեռնում են գրւածքը, դան-

դադեցնում են գործողութիւնը և ճանձրոյթ պատճառում: Չանձրոյթ պատճառում են նաև երկար ու բարակ խօսակցութիւնները: Այդ բոլոր աւելորդաբանութիւնները վնասում են դրամաքի ամբողջութեան, և իրօք, Պոռեանի վէպերում գեղարեստական ամբողջութիւնը պակասում է: Իսկ առաջ է գալիս հեղինակի գրական կրթութեան թերութիւնից: Մինչդեռ Աբովեանի դրոշմը խոր հետք է թողել նրա գրածքների վրայ, ուսաց և եւրոպական հեղինակների ընթերցանութեան հետքեր բնաւին չեն երևում նրա վէպերի մէջ: Ըստ երևութին նրա ընթերցանութիւնը եղել է շատ սահմանափակ: Իպրոցից ևս նա չէր կարող գուրս բերել գրական գիտութիւններ և գեղարեստական ճաշակ: Տաղանդը պահանջում է զարգացման համար սնունդ, որից նա գուրկ էր:

Պոռեանի վէպերը թոյլ են իրանց ամբողջութեամբ, բայց մանրամասնութիւնները գեղեցիկ են: Նրա վէպերը լիքն են գիւղական կեանքի բազմազան տեսարաններով, որոնցից իւրաքանչիւրը ինքն ըստ ինքեան իրական կեանքից մի ամփոփ պատկեր է:

Գիւղացու տուն ու տեղը, վարք ու բարքը, սովորութիւնները, նշանադրութիւն, հարսանիք, տօնախմբութիւններ — բոլորը անզրադարձել է Պոռեանի վէպերի մէջ լուսանկարչական ճշտութեամբ: Վէպերի մէջ հանդէս են գալիս նոյնպէս մի շարք պէսպէս գիւղական տիպեր, գրական և բացասական, բոլոր դասակարգերի ներկայացուցիչները՝ տանուտէր, գատաւոր, քահանայ, երկրագործ, արհեստաւոր, վաճառական, հարուստ և աղքատ և այլն:

Պոռեանի գորս քերած անձնաւորութիւնները մեծ մասամբ վերջում են կենդանի օրինակներից, որոնցից շատերը նրան ծանօթ էին. բայց հեղինակը

նրանց փոփոխում էր իր նպատակների համաձայն՝ մէկին իղէալացնում, միւսին նկարում աւելի թանձր գոյներով: Պոռեանի նկարագրած գիւղական տիպերը բնդհանրապէս յաջող են իրական — հոգեբանական տեսակէտից, թէև հեղինակը երբեմն թոյլ էր տալիս հոգեբանական սխալ, չափազանցութիւններ և անբնականութիւն, օր. Սօսի և Վարդիթերի անբնական վախճանը, Ներսիսի անտեղի հրաժարականը Մանուշակից պատկի ժամին, գեղջկուհու թուք ու մուրը և սպտակները իր նշանածին՝ դարձեալ պատկի ժամանակ:

Պոռեանի բացասական տիպերից յիշենք՝ Մաքօն, Քաւտառենց աէր Մելիքսէթը, Ասոնդ աղան, Բալասան աղան, Խուզօն, Գնթունին և այլն. գրական տիպերից՝ Միմէօն կաթողիկոս, Ներսէս Աշտարակեցի, Գէորգ խալֆա, աէր Յարութիւն, Խէչանենց Խէչան և այլն. իսկ կանանցից՝ Խորիշան, Համասիւն, Սուտաբար, Հերիքնադ, Հեղնար և այլն:

Իսկով Պոռեանի լեզուն, նա ոչնչով աչքի չէր ընկնում. ժամանակակից գրական լեզուն էր և իր վրայ կրում էր լրագրի ազդեցութիւն. խառն էր և ժողովրդական տարրերով: Բայց ուրիշ բան էր ժողովրդական բարբառը, որ դրամ էր վէպերի հիմքում:

Այստեղ Պոռեանը Աբովեանի մրցակիցն էր. երկուսն էլ գերազանցօրէն տիրապետում էին իրանց մայրենի լեզուն՝ մէկը Քանաքեռի, միւսը՝ Աշտարակի:

Պոռեանը տալիս էր աշտարակեցոց բարբառի բոլոր նրբութիւնները և համն ու ոտը ժողովրդի

ստեղծագործութեան բոլոր արտադրութիւնները՝ առածներ, աւանդութիւններ, նախապաշարում, հաւատալիք—բոլորը նրան քաջ յայտնի էր: Ով ցանկանում է հիմնաւոր ստեղծելութիւն ունենալ աշտարակեցիները մասին, նրա վէպերից աւելի լաւ աղբիւր չէ կարող գտնել:

Պոօշեանի ծառայութիւններին է և այն, որ նա Րաֆֆու հետ միասին իր վէպերով մեծ զարկ տւեց ընթերցանութեան:



Ն Գ Ն Մ Ե Ն

3. Թ Ա Տ Ր Ո Ն Ե Ի Դ Ր Ա Մ Ա

(1872 թ.—1879 թ., 1879 թ.—1882 թ.)

Երբ 1872 թ. մեղանում սկսեց նոր մտաւոր շարժում, թատրոնը ոչ միայն չկենդանացաւ, այլ ընդհակառակ, աւելի արագ սկսեց զլորւել: Եթէ 1874—76 թ. մտնէիք թատրոն, դուք պիտի ապշէիք, տեսնելով ձեր շուրջը սոսկալի ամայութիւն, հանդիսականների փոխարէն՝ թափուր աթոռներ:

Մի այսպիսի դրութիւն էր ստեղծւել: «Քանդած օջախից» յետոյ Սունդուկեան այլ ևս ոչինչ չէր գրում: Ամերիկեանը յուսահատու է թիֆլիսից, տա-

լիս է իր հրաժեշտի ներկայացումը («Աւազակներ») և գնում է Կ. Պոլիս իր բախար որոնելու: Դերասանական խումբը, որ առաջնակարգ ոյժի հեռանալով մեծ կորուստ ունեցաւ, մնացել էր շւարած: Ներկայացումները շատ անգամ ծախսերը չէին ծածկում: Երբեմն հարկ էր լինում յետաձգել: Ինորոշ է հետեւեալ դէպքը: Յօգուտ տաճկահայ սովեալների տրւելիք ներկայացումը (1875 թ.) երկու անգամ յետաձգուում է, որովհետեւ տոմսակներ շատ սակաւ էին վաճառուում: Ներկայացումը կայանում է միայն երբորդ անգամ, և այն էլ շնորհիւ Ար. Յովհաննիսեանի, որ յանձն է ստնում տոմսակներ տարածել: Բայց այդ էլ չէ օգնում: Սովեալների օգտին տրւած ներկայացումը հազիւ կարողանում է ծախար ծածկել:

Ինչպէս յայտնի է, թատերասրահի սառնութիւնը սաստիկ ազդում է դերասանների տրամադրութեան վրայ և սառցնում է նրանց խողը: Լրագրական յօդւածների մէջ յաճախ կարելի էր կարդալ, թէ այս ինչ ներկայացումը «սառն անցաւ», «տաղտկալի էր», «ժողովուրդ քիչ կար»: Եւ այսպէս, սառնութիւնն անցնում էր հասարակութիւնից դէպի բեմ և բեմից դէպի հասարակութիւն:

Թատրոնի առաջադիմութեան նախանձախնդիր անձինք, իհարկէ, ոչրում էին թատրոնի անկումը: Ամենից շատ դժգոհ էին դերասանները, որովհետեւ ներկայացումների յաջողութիւնից էր կախւած նրանց ապրուստը: 1875 թ. Չմշկեանի բենեֆիսին կայացած ներկայացման առթիւ «Մեղու Հայաստանի» լրագրի բեցենդեստը գրում է. «Ինչի՞ճը, ըստ սովորութեան, դատարկ էր, և հոյի թէ մեր տաղանդաւոր դերասանը կարողանար իր ծախար հանել... Հայոց ներկայացումների ճատագիրը այդ է և դեռ երկար ժա-

մանակ այդ կլինի»: Չմշկեանն էլ գրում է, որ մեր դերասանական խումբը ոյժից ընկած է:

Թատրոնի տարտամ վիճակը առիթ էր տալիս երգիծական յարձակումներին: Կ. Տէր-Ասուածատրեանը «Մեղու Հայաստանի» լրագրում գետեղել է մի սրամիտ ոտանաւոր թատրոնի ընկած վիճակի մասին: Ահա մի քանի հատւածներ:

«Բընէ, քընէ, հայոց թատրոն տարաբախ,
Քո քընելու գարըն արդէն հասել է...
Մի վրճատիր, որ բիւր անգամ պարտերում,
Ո՛հ, լրտութիւն էր համօրէն խոր ախրած...
Եւ աթոռաց անկիւնները, մէջերքում
Երկու երեք մարդիկ էին նստոտած:
Դերասաններ աստ անդ սփռեալ տարագիր,
Պիէաները դո՛հ են դարձել մըկներին...»

Ո՛ւր է զըթոտ հայրենասէր այն մարդը,
Որ հայարար արթուցանէ քեզ քնից,
Որ հասկանայ քո վիճակը, քո դարդը
Եւ քեզ փըրկէ այդ սրտառուչ վիճակից:
Երեւի թէ այս դարը քո դարը չէ...
Այժմ քընէ, մինչև փողը արթուցիչ
Յանկարծ կը գոյ քեզ այդ քընից կը կանչէ,
Եւ նա կընի քո բարեգութ ազատիչ»:

Թատրոնի ախուր վիճակը դարձել էր հոգածութեան առարկայ: «Մեղու Հայաստանին» և մանաւանդ «Մշակը» յաճախ զբաղւում էին այդ խնդրով: Քննուում էին թատրոնի անկման պատճառները և առաջարկուում վերականգնելու միջոցներ: «Մշակի» մի յօդւածում («Հայոց թատրոն») ասւած է. «Մենք տեսնում ենք մի շատ անմխիթար երևոյթ: Վերջին ժամանակ հայոց ներկայացումներն շատ սակաւ հանդիսականներ են լինում, և ըպէս լուծւում ենք, ներկայացումները երբէք այնչափ չեն կրած, չեն,

որքան այժմ»: Դրա պատճառը յօդաձագիրը գտնուած էր ոչ թէ ժողովրդի սատնութեան մէջ, այլ նրանուամ, որ պատմական և ինքնուրոյն պիէսները տեղական կեանքից զրաւում էին, երբ նորութիւն էին, այժմ նրանք այլ ևս չեն հետաքրքրում. իսկ «ժողովուրդը սիրում է միշտ նորութիւն»: «Մշակն» իր կողմից առաջարկում էր եւրոպական և ուսաց բեպերտուարից թարգմանել այնպիսի պիէսներ, որոնք իրանց ժամանակակից բովանդակութեամբ ընդհանուր կըրթական նշանակութիւն ունին: Չմշկեանն էլ առաջարկում էր փոզ հաւաքել և հայկական թատրոն շինել:

Թատրոնը տակաւին չվերականգնեց, և զրութիւնն աւելի վատթարացաւ: «Մշակը» նորից վերագարձաւ այդ հարցին: Արծրունին իր մի ֆելիէտոնում («Մշակ», 1876 թ. № 1) յայտնում է այն միտքը, որ թատրոնի անկման պատճառը մի կողմից այն է, որ թիֆլիսում անշափ շատացել են փուշ զւարճութիւնները (ցիրկ, կին-հրէշ, գազանանոց, բախտ գուշակոզ գերմանուհի, գիմակաւոր պարահանդէսներ և այլն), միւս կողմից այն, որ մեր գերասանական ոյժերը և պիէսները չեն աշխատում թարմացնել: Հետեւաբար, եզրակացնում է Արծրունին, հասարակութիւնը մեղաւոր չէ, եթէ անտարբեր է գէպի թատրոնը: Չմշկեանն, ընդհակառակ, բոլոր մեղքը գցում էր հասարակութեան վրայ: Նա ասում է, որ մենք եւրոպական մտքով հասարակութիւն չունինք, որ մեր երիտասարդութիւնը սիրում է աւելի թեթև և փուշ զւարճութիւններ, որ նա հայերէն չգիտէ և չէ կարող սովորել, նոյնպէս և օրինորդներն ու արիւնքները:

Թատրոնի «...» արտամ վիճակը աւեց մինչև

1878 թ.: Մենք գիտենք, թէ դա ինչ նշանաւոր տարեթիւ է. 61-դ յօդաձը սկզբում ոգևորութիւն առաջացրեց ազգի մէջ, աւելացրեց ամենքի եռանդը և կենդանութիւն մացրեց գործունէութեան բոլոր ասպարէզներում: Ահա այդ ժամանակ էր, որ թատրոնը ևս կենդանացաւ և ոտքի կանգնեց: 1879 թ. սկզբից լրագրների մէջ յաճախ լուրեր էին երևում կազմակերպւող թատրոնական ընկերութեան մասին, զրւում էին առաջնորդներ թատրոնի նշանակութեան մասին: Արծրունին իր մի շարք յօդաձների մէջ («Մեր ասպագայ թատրոնը» և այլն) խօսում է թատրոնի վեհ նշանակութեան մասին և գերասանի կոչումը համեմատելով խմբագրի և ուսուցչի կոչման հետ, առաջարկում է խմբի համար հրաւիրել կըթւած դերասաններ և գերասանուհիներ:

Կազմում է թատրոնական ընկերութիւն, որը իր կողմից ընտրում է մասնաժողով հետեւեալ անդամներից՝ Գր. Արծրունի (որ շուտով հրաժարւեց), Գ. Սունդուկեան, Ալ. Մանթաշեան, Եսայի Փիթոյեան, Նապօլէոն Ամատունի, Աբ. Յովհաննիսեան: Մասնաժողովի նախագահ ընտրւում է իշխան Ն. Ամատունի, իսկ պատուաւոր նախագահ իշխան Եագօն Թումանեան: Այս հեղինակաւոր անձանց մասնակցութիւնը թատրոնի վերանորոգման մէջ երաշխաւորում էր գործի յաջողութիւնը:

Եւ գործը ետում էր: Նախնական պատրաստութիւններ էին տեսնւում: Արծրունին ձեռնարկել էր նոր թատրոնական շինութեան՝ իր սեփական տան մէջ: Չմշկեանը թատրոնական մասնաժողովի կողմից գնացել է Կ. Պօլիս գերասաններ և գերասանուհիներ հրաւիրելու:

1879 թ. օգոստոսի սկզբը... օլսեցի դերասան-

ները Թիֆլիս էին: Ամառուայ վերջում խումբն արդէն կազմ և պատրաստ էր: Պատրաստ էր և Արծրունու նորաշէն թատրոնը: Սակայն թատրոնական ընկերութիւնն անյարմար գտաւ այնանոց ներկայացումներ տալ և գերազասեց Ամարային թատրոնը: Թատրոնական վարչութեան անուպատելի վարմունքը սաստիկ զայրացրեց Արծրունուն, և, իհարկէ, ամենայն իրաւամբ, որովհետեւ նա ահագին ծախսեր էր արել շէնքի կառուցման վրայ: Իրանից յետոյ Արծրունին թշնամական գիրք բռնեց գէպի նորակազմ թատրոնական ընկերութիւնը, սկսեց կծու լեզու բանեցնել նրա անդամների վերաբերմամբ, նոյն խսկ ղեկավարներին անուանեց «իզօտներ» և խորհուրդ տւեց, որ բեժիսեօր հրաւիրեն «կինոտոներին»: Նա սկսեց յարձակւել նաև պօլսեցի գերասանների վրայ, սկսեց պախարակել ընկերաւորը: Արծրունու թշնամական վերաբերմունքի մէջ խառն էր վիրաւորւած ինքնասիրութիւնը, որի շնորհիւ նրա յարձակումները խիստ թունաւոր էին: Նա հասաւ այնպիսի ծայրայեղութեան, որ Ադամեանի մէջ շէր կամենում տեսնել, գոնէ սկզբում, տաղանդ: Չնայած Արծրունու կրքոտ յարձակումներին, նրա կռիւր, այնուամենայնիւ, զազաւ փարի և սկզբունքների կռիւ էր: Մենք այժմ աւելի լաւ ենք հասկանում նրա յարձակումների նշանակութիւնը. նա համարեա միակ անձն էր, որ նորակազմ թատրոնի մեծազորոյ ազմուկի և արտաքին փայլի տակ տեսնում էր փտութեան սազմեր:

Պօլսից եկած և տեղական ոյժերից կազմւած խումբը բազկացած էր հետեւեալ անձերից. օր. Աստղիկ, օր. Սիրանոյ, Մաթ. Չմշկեան, օր. Վարդուհի, օր. Մէլիք, պ. Պետրոս Ադամեան, Գ. Չմշկեան, Սուրբ Աւարեան, Մանգիսեան,

Տէր-Դաւթեան, Սաֆրագեան, Սարգարեան, Մատինեան, Ազալեան, Մէլիքեան, Զարդեղեան, Մէլիք-Ադամեան և Ղազարեան—ընդամենը 19 հոգի:

Այս խմբի մէջ չկար Ամբրիկեանը, թատրոնի սկզբնաւորութեան առաջնակարգ ղերասանը և առաջին նահատակը: Թոքախտից հիւժւած և յետին ազբատութեան մէջ ատրճանակի զնդակով վերջ էր տւել իր շարքաշ կեանքին և հանգիստ գտել Խօջիվանքի գերեզմանատանը:

Նոր թատերախումբը և կօմիտէտի մի քանի անդամները սեպտ. 2-ին օրհնել են տալիս Ամբրիկեանի թարմ գերեզմանը, և իշխան Ամատունին իր դամբանական ճառի մէջ դրւատում է վաղաթաւամ արտիստին:

Հետեւեալ օրը նոր խումբը Ամարային թատրոնում տւեց առաջին ներկայացումը՝ «Մէր առանց համարման» ծայրէջիծայր լեցուն և ոգևորւած դանլիճի առաջ: Եւ այսպիսի յաջողութեամբ խումբն սկսեց առաջին սէզօնը, տալով շաբաթական երկու ներկայացում, և ամեն անգամ լի թատրոնում, որովհետեւ ամեն ինչ նոր էր՝ թէ խումբը և թէ ընկերաւորը:

«Մեղու Հայաստանի» լրագրի ընցենսկնտը (Իւնիւս) երկար յօդւածներ էր գրում ներկայացումների մասին. մեծ գովասանքներ էր շտայլում Աստղիկի և Սիրանոյշի հասցէին, աւելի համակրութեամբ էր խօսում Չմշկեանի, քան թէ Ադամեանի մասին, որն այդ ժամանակ զեռ մեծ հոշակ շունէր, բայց խուլ մրցում կար երկուսի մէջ: Սակայն շատ շուտով համակրութիւն ձեռք բերեց հասարակութեան մէջ: Նրա բնութիւնը («Կոյր») թատրոնում կը գցելու տեղ չը կար: Վրացի գերասան Մեսի նա ղամեանին ներկեց

այն խողովութիւնը, որ բուն էր դրել ընկերութեան անդամները և զերասանական խմբի մէջ: Մելայօմենէի տաճարը դարձել էր կուսակցական պայքարի և գծուծ ինտրիզները ասպարէզ: Վարչութեան անդամներից մի քանիսն հեռացան, միւսներն ամեն բոլոր պատրաստ էին հեռանալու: Ամենքը ձանձրացել էին, ոչ ոք չէր մտածում թատրոնի ասպարէզի մասին:

Իշխան Ամատունին վարչական ժողովում յայտնում է, որ մի քանի հազար բուբլի դեֆիցիտ է գոյացել և որ ինքը արդէն յոգնած է և հրաժարում է վերընարւելուց: Միևնոյն ժամամակ առաջարկում է գործն յանձնել, մասնագործի փոխարէն, մասնաւոր անձի, մի անտրպրենիօրի: Իրանից յետոյ թատրոնի վարիչներից մէկը, Ս. Արծրունին յայտարարեց «Մեղու Հայաստանի» լրագրում, որ «թատրոնը մեռաւ 5000 ռ. դեֆիցիտով»:

Թատրոնական կոմիտեալը երեք ասրւայ գործունէութիւնից յետոյ դադարեցրեց իր գոյութիւնը: Իերասանները հողմաճալած խաչնի պէս ցիրուցան եղան: Պօլսեցիք վերադարձան իրանց հայրենիք: Ազամեանն սկսեց ներկայացումներ տալ գաւառներում և Ռուսաստանի գլխաւոր քաղաքներում, ամեն տեղ քաղելով թափնիներ և արժանանալով ուսուց լուրջ մամուլի ոգևորած փառաբանութեան: Ազամեանի մասին գրում էին պանդեգիլիկներ, նրան համեմատում էին երևելի արախսաների հետ՝ Պոսարտի, Բառնայի և Սալվինիի: 80-ական թւականներին մի շարք ներկայացումներ տւեց Մօսկւայում, որոնց ներկայ էր սողերիս հեղինակը: «Օթէլլօի» ներկայացման աութթով «Рус. Вѣд.» կըրը գեանդեց մի բեցենպիս, որտեղ պաւած է սխանձի տեսարանում ինքը Սալվինին կար և նախանձել:

Դժբախտաբար, վաղաժամ մահը (1891 թ. յունիսին) խորտակեց հայ հանճարը և արգելեց նրան հուշակէլ նաև Եւրոպայում:

Տեղական զերասանները ներկայացումներ էին տալիս անշատ ոյժերով: Առաջիկայ աշնան միացան, և սկսեց թատրոնական կեանքի մի նոր, բայց անփառունակ շրջան:

Մեր թատրոնի այս եռամեայ փայլուն շրջանը (1879—1882 թ.) ունէր իր դրական և բացասական կողմերը:

Անկարելի է ժխտել, որ այս թատերաշրջանը մի որոշ կուլտուրական զեր կատարեց: Նախ՝ հայ հասարակութիւնը, որ վաղուց ի վեր զրկւած էր վսեմ զարճութիւններից, այժմ հնարաւորութիւն ունէր շաբաթը երկու անգամ այդպիսի զարճութիւններ վայելել: Այժմ բեմից սկսեց հնչել մաքուր գրական լեզու, որի փոխարէն մինչև այդ լուում էր թիֆլիսեցոց բարբառը, և հանդիսականներից շատերը, մանաւանդ բարձր դասակարգից, առաջին անգամ մայրենի լեզւի քաղցրութեան ճաշակն առան, նոյն իսկ հայերէն սովորելու նախանձախնդրութիւն գարթնեց: Հայ հասարակութիւնը մինչև այդ տեսել էր շնորհալի զերասանների խաղը, բայց այժմ առաջին անգամ տեսաւ այնպիսի երևելի, արտակարգ տաղանդ, ինչպէս Ազամեանն էր, այնպիսի տաղանդաւոր կանացի ոյժեր, ինչպէս Ասողիկ, Սիրանոյշ և Հրաչեա այնպիսի հրաշալի կոմիկներ, ինչպէս Տէր-Իււթեան և Մնակեան: Միւս կողմից՝ հասարակութիւնն առաջին անգամ տեսաւ բեմի վրայ այնպիսի դասական գործեր, ինչպէս «Համլետ», «Շէկսպարէր» «Սելից պատուհաս» և այլն: Բայց ահա և բանական կողմերը:

Նախ և առաջ բեմերում հնչով էր սնւում

հայ հասարակութեան ճաշակը այս երեք տարւայ ընթացքում:—Յրանսիական թեթեւ բեպերտուարով: Այն ժամանակ, երբ բէալիզմը արքայօրէն թագաւորում էր Ռուսաստանի և Եւրոպայի գրականութեան մէջ, հայկական բեմը ողորդում էր ուշացած բոմանսիզմի արտագրութիւններով, որոնց մէջ կային աղմուկ և շարժում, ցնցող տեսարաններ, մի խօսքով, այն ամենը, ինչ որ կարող էր ջղերի վրայ ազդել և ոչ թէ մաքրի կամ հոգու: Այն կեանքը, որ ներկայացւում էր բեմի վրայ, բոլորովին խորթ էր, ոչինչ չէր ասում հայի սրտին: Այստեղ չէր կարող խօսք լինել հոգեբանական վերլուծման և վեհ գեղարւեստի մասին, այլ սկզբից մինչև վերջ արհեստականութիւն, պատահականութիւն և թիւրիմացութիւններ: Նոյն իսկ պիէսների վերնագիրներից կարելի է տեսնել, թէ ինչ բովանդակութիւն ունէին այդ մելօդրամաները: Ահա մի շարք անուններ. Արեան բիծ, Փարիզի ազգասներ, Կոզսպուած փոստ, Հարստահարւած առաքինութիւն, Կիօնի սուրհանդակը, Կոյր, Մի կնոջ տանջանքը, Հայրասպան, Գաղանիք անդլիական պաշտախ, Կովերլէյի սպանումը, Մայրական սէր, Լուպտերափառ հարսանիք, Կեղծ մազեր, Միմուէլի կոմսուհին, Բաղդատի իշխանուհին, Մանկական դող և այլն և այլն:

Այդ անազին բեպերտուարից, որի մէջ մտնում էին մօտ 60 պիէսներ, հազիւ կարելի լինէր ընտրել 12—15 հատ բաւարար և մնայուն, օր. Համլետ, Աւազակներ, Քին, Խելքից պատուհաս, Արգիւնաւոր պաշտօն և այլն: Ռուսոյն բեպերտուարը համարեա մոռացւած էր Ռուսաստանէն: Ռուսները և պատմական ողբերգութիւններ: Ս

ինքնուրոյն պիէսներ՝ Մուրացանի «Ռուզան» վերնագրով պատմական ողբերգութիւնը և Քիշմիշեանի կօմեդիան, «Օրիորդ Բերոյեան» վերնագրով: Առհասարակ ինքնուրոյն բեպերտուարը բաւական արհամարհւած էր: Թիֆլիսի բարբառը վիրաւորում էր պօլսեցի գերասանների ճաշակը:

Յրանսիական մելօդրամաները, որոնք սկզբում հիացնում էին հանդիսականներին և անազին հասարակութիւն գրաւում, հասկացող մարդկանց սրտովը չէին և զայրոյթ էին յարուցանում: Լսում էին բողոքներ, որոնք գնալով սաստկանում էին: Նոյն իսկ «Մեղու Հայաստանին», որի համախոհների ձեռքում էր թատրոնի ղեկավարութիւնը, որը խօսք չէր գտնում ներկայացումներն ըստ արժանւոյն գովելու և մասնաժողով մասին ասում էր, թէ նա «ոչինչ չէ խնայում թատրոնի պայծառութեան համար», այժմ փոխել էր իր լեզուն և բողոքում էր «անյարմար» պիէսների դէմ, պնդելով, որ նրանք փչացրին ժողովրդի ճաշակը, և նոյն իսկ նախագուշակից թատրոնի անկումը:

Բայց խլատ էր մանաւանդ «Մշակի» բողոքը: Արծրունին սկզբից և եթ հակառակ դիրք բռնեց դէպի թատրոնական կօմիտետը: Երբ յայտնի եղաւ, որ կօմիտետը վճռել է Պօլսից հրաւիրել գերասաններ, նա տպեց «Մշակի» մէջ մի առաջնորդող, «Մենք չենք հաւատում» վերնագրով: Այստեղ Արծրունին զարմանք է յայտնում, որ անգական ոյժերի փոխարէն պօլսեցի գերասաններ են հրաւիրում. նա դէմ էր, որ «մեր նոր և ինքնուրոյն կերպով զարգացող ոյժերը խոտնեն օտար և խորթ, մեր բնաւորութեան անհամապատասխան և գուցէ մեզանից գերազանց ոյժերի հետ»: Երբ պօլսեցի գերասանները և գերասանուհիները եկան Պօլսեցին ներկայա-

ցումները, Արծրունին անհիւրընկալ գտնուեց նրանց վերաբերմամբ: Սկզբում նրանց խոզը համարում էր «արհեստական» և «անբնական»: Յետոյ սկսեց աւելի խիստ վերաբերել: «Դոն-Կարլոսի» ներկայացման առթիւ գրում է, «Շիլլերի Դոն-Կարլոսի պէս կլասիկային գրեւոր ազաւազին— դա անասելի յանդգնութիւն է»: Ֆելիէտօնների մէջ յարձակում էր Ադամեանի վրայ և նրան համարում էր «միջակ ընդունակութիւնների տէր մի դերասան» և «չափից դուրս արհեստական, անբնական»: Նա ընդունում էր, որ ինքը խիստ է Ադամեանի վերաբերմամբ, բայց նա այդպէս չէր վերաբերի, եթէ նրան «տաղանդ», «հանճար» չհամարէին: Տէր-Դաւթեանին աւելի բարձր էր դասում. «Եթէ հայ թատրոնական մշտական խմբի մէջ կայ մի ընդունակութեան տէր մարդ, մի բնածին տաղանդ, դա պ. Տէր-Դաւթեանն է»:

Արծրունին խիստ դատաւարտում էր և ընկերատուարը երկու իրար յաջորդող առաջնորդների մէջ: Նա գովում էր 60-ական թւականները, որովհետեւ այն ժամանակ կար ինքնուրոյն թատերադրութիւն, իսկ այժմ— բոլորը թարգմանական է և անյարմար մեր կեանքին: Այն ժամանակ ըէսլ ուղղութիւն էր արժուում, իսկ այժմ բօմանախի: Արծրունու յարձակումները մէջ թերեւ կար անձնական հակակրօնք և կիրք, բայց նրանց հիմքում այնուամենայնիւ գրեւոր էր անհերքելի ճշմարտութիւն ընկերատուարի վերաբերմամբ, որովհետեւ հասկացող մարդիկ միաձայն պնդում էին, որ Քրանսիական թեթի, անմիա ընկերատուարը փչացրեց թատրոնական ճաշակը:

Ն Կ Ա Տ Ի Ա Ծ Վ Ր Ի Պ Ա Կ Ն Ե Ր Ը

էջ	տող	սպւած է	պէտք է լինի
10	7	XVIII դ.	XIX դ.
14	14	յուզականորութիւն	յուզարկաւորութիւն
43	22	անգրանիկը	անգրանիկը
67	22	անարգար	անարգար
77	22	աջ	աջ
85	32	բացասական	բացասական
101	1	թէև	
108	1	պաշարունմը	պաշարունմը
118	27	Անգրօմախէի	Անգրօմախէի
146	7	դեռ ևս	դեռ ևս այնքան
168	13	տալիս	տալիս
173	8	դարսիմանդ	գարգիմանդ
173	27	զրկում	զրկում
189	26	Հրաչեա	Հրաչեայ





«Ազգային գրադարան»



NL0373279

64.469

891.9909

CP. 27